




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.357



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.357





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.357


2. 6. 357

2 M. 6

XXXIV
HOLM







محكمة الرسول
الكاذب

SIVE

THEOLOGIÆ MU-
HAMMEDANÆ BREVIS
CONSIDERATIO.

In Qua

Præcipuè magni illius magnæ partis Orbis
Terrarum Seducoris, Muhammedis, imposturæ, frau-
des & absurditates ex Alkorano potissimum dete-
guntur, & ex verbo Dei secundum articulos
fidei refutantur,

AUCTORE

PETRO Holm /

Angermannia - Succo.

J E N Æ,

Typis & Sumtibus JOH. JACOBI BAUHOFFER, -

ANNO clō lōc LXX.



SACR. REG. MAJEST. REGNIQVE SUECIAE
SENATORI AC CANCELLARIO MAGNO,
JUDICI PROVINCIALI WEST-GOTHIAE ET DALIAE,
UT ET

ACADEMIAE UPSALIENSIS CANCELLARIO,
ILLUSTRISSIMO ET EXCELLENTISSIMO HEROI
AC DOMINO,

DN. MAGNO

GABRIELI DE LA GARDIE,
COMITI DE Seckö/Arensburg
ET Pernau/

LIB. BAR. DE Ekholmén/ DOMINO DE
Hapsal/ Hellmet/ Magnushof/ Höyer-
torp ET Wemmegarn/

DOMINO CLEMENTISSIMO.



ILLUSTRISSE DOMINE.

Sunquam illos, qui tantos in tanto fastigio collocatos Viros accedere volunt, insolitus quidam timor, partim ex reverentia magnitudinis eorum, quos adeunt, partim ex propriae tenuitatis conscientia, corripere solet; illorum certe ego unus sum, quàm qui maximè. Nam præter hæc omnia, invidiâ insuper suscepti argumenti, laborare videor. Duxi, sed instinctu, impulsuque Plur. Rever. & Amplif. Dn. JOHANNIS ERNESTI GERHARDI, SS. Theolog. D. & Professoris Publici in Celeberrima hac Salana Famigeratissimi, Dn. Patroni, Præceptoris & Hospitis mei æ-
): (2 ratem

ratem debito cultu observantiaque suspiciendi, prima lineamenta *Religionis* (uti plurimum vocant) *Turcica*. Id ipsum, qui malè volent, inutilem laborem esse clamitabunt: satis hostium in Ecclesia esse, si vel non forinsecus accersantur: Fabulas istas hujus Impostoris non mereri ullum punctum temporis, quod aliis negotiis subtrahatur. Non levia sanè hæc! Verùm, si horum unicè judicio standum sit, vereor, ne de aliis, etiam magnorum virorum, laboribus pariter conclamatum sit. Gentilium enim Philosophorum quorundam & Poëtarum Scriptis evolvendis tempus impendimus; hi turbam nobis Deorum Dearumque inferunt, quos tamen Alkoranus unà nobiscum meritò damnat. *Valentini, Cerinthi, Manetis*, cæterorumque hæreticorum jam dudum demortuorum deliria, Muhammedicis hisce multò interdum infaniora, anxie ab ultima usque antiquitate inquiruntur. Majus nobis ab his, quàm ab illis, imminet periculum, ni DEUS paternè averruncet. *Judei* calumniantur Christum, dederuntque primam occasionem omnibus ferè his, qui ejus Divinitatem aliquo modo aggressi sunt: Leguntur tamen illorum libri, refelluntur fabulæ; quin etiam eorum commenta à Patribus, pro concione ad populum nonnunquam exposita videmus, quemadmodum ex *Augustino, Chrysostomo*, aliisque claret. Debet, cum cæteris hæreticis, tum maximè *Judeis*, originem suam *Muhammedis-*
nus: nescio itaque, quid jure culpent in rivulo, quod
alias

aliàs laudant in fonte. Et cum totam historiam Eccle-
siasticam meritis evehant laudibus, huic ejus particulæ,
de Orientali scilicet Anti-Christo, tantopere sint infe-
sti? nam & hujus superstitionis notitia conducit, ad
intelligendum, quid Christus & alii Spiritu Sancto ho-
mines impulsæ, de postremis temporibus pronunciant,
Ezech. XXXIII. XXXIX. Dan. VII. 25. Matth. XXIV, 24. I. Tim. IV, 1. II. Tim. III. 1. seqq. Apoc. IX. & XX. Taceo: si ullum aliàs extat, Alko-
ranus certe est scriptum, in quo luculentissimum hor-
rendæ iræ divinæ speculum nobis proponitur, quan-
tis videlicet palpabilibus tenebris & stupendis Satanæ
ludibriis, Deus permittat justo suo judicio illos verbi
auditores, qui justam cœlestis illius depositi negligunt
curam. Hæc atque alia, æquis rei censoribus satisfacere
fortè possunt; iniquis verò nulla. Tuo autem,
ILLUSTRISIME DOMINE, splendidissimo quod
nomini, tam viles, tamque immaturas immaturi inge-
nii primitias consecrem, **ILLUST. T. EXCELL.**
humillimus & devotissimus obsecro, elementissimè
condonet. Ausi sunt idem conniventia tua, plurimi
ante me alii. Animarant fortè illos, suæ aut materiæ
aut diligentia in eadem elaboranda, meritum: me
(quid enim non fatear?) neutrum. Conciliet itaque
quæso, vel sola incredibilis indulgentia TUA, quam in
tam Heroica mente jam dudum omnes venerantur,
instituto huic meo gratiam, omni alias patrocínio de-
stituto.

stituto. Faxit DEUS Ille Opt. Max. ut ILLUSTR.
TUA EXCELLENTIA, commune illud Literatorum
Præsidium, unà cum Illustrissima DE LA GARDIA-
NA familia, diu POTENTISSIMO & SERENIS-
SIMO nostro REGI, diu Ecclesiæ, diu totius regni
saluti, imprimis autem Reipublicæ Literariæ civibus,
vivat, valeat, floreat! Faxit!

ILLUSTRISSIMÆ TUÆ EXCELLENTIÆ

Jenæ, d. XXIV. Junii
M. DC. LXIV.

*Æternum devotissimus, obsequentis-
simus, & humillimus*

Cliens

PETRUS Holm.

CLARISSIMO VIRO,
DN. PETRO HOLMIO,

Angermanniâ-Sueco,
SS. Theol. Cultori strenuo,
Fautori, Amico ac Domestico suo
pl. dil. & hon.

JOH. ERNESTUS GERHARDUS, D.
S. P. D.

*D*um omnium animi in meliorem illam spem eriguntur, ut vel tandem victricia Suecorum signa fortissimis Germanorum Gallorumque armis adsocientur, sicque mutuis Christianorum auxiliis ignominia illa, quâ David & Christiani nominis hostis Hungaricam hæcenus gentem indignissimis modis fractoque fœdere affecit, debitè vindicetur: imò, ut Hannibal ille furiosissimus, qui ad ipsas propè Germaniæ, patriæ nostræ dulcissimæ portas superiori anno pervenit, heroicè propulsetur: en! primus TU inter concives TUOS es, CL. HOLMI, qui in aciem progredieris, primusque in Muhammedanos arma stringis. non cruenta quidem ea vel militaria; hæc enim abs TE studiisque TUIS alieniora, aliis enim TE sacris initiatum novimus: sed alia tamen, quæ & egregios TUOS in SS. Theologia progressus, & insignem Linguarum Orientalium peritiam satis produnt superque. adeoque luculenter testantur, non abs re Nobilissimum

simum atque Excellentissimum Dn. Christianum Ravi-
um, (at quantus hic vir, & quàm acris iudicii) in
litteris Upsaliâ ad me perscriptis, dignum TE iudicas-
se, qui in quacunque Academia celebriori Orientales
profitearis litteras. Hem benè factum! Pulcrè impostor-
is illius nefandi, qui maximam Orientis, dixerim
propè orbis partem miserè decepit, fraudes detexisti, er-
rores solide refutasti, ut detestanda hominis artes satis
jam eruditis pateant. Nisi totus fallor, tale erit re-
condita eruditionis TUÆ specimen hoc, quod januam
TIBI fama aperiet, ac nomen TUIUM aternitatis ta-
bulis inseret. Deum Opt. Maximum seriis ardentis-
simisque fatigo precibus, ut non solum egregios conatus
TUOS porro adjuvet, eosdemque ad nominis sui divi-
ni gloriam, Ecclesie item ac rei litterariae commodum,
provehat, verùm etiam clementissimè concedat, quò
positis disfidis omnibus, quibus proh dolor! plurimi
Reges ac Principes Christiani seducti, in propria hacten-
us servierunt viscera, illam solum præclaram suisque
virtutibus ac gloria dignam aestiment victoriam, quam
de nequissimo illo Tyranno retulerint. Nos precibus pu-
gnabimus ac piis votis, illi armis. Reliqua Deo cu-
ra sunt, cuius TE ac TUA studia favori
commendo. E museo paterno d. 24.
Junii, Anno 1664.



Proœmium.



Uos post Christum, totius generis humani Redemptorem exorturos esse magnos Anti-Christos, qui insignem nomini Christiano afferrent cladem, constans & vera est Theologorum nostratiŭ sententia. Vid. B. D. Balduinus Comment. in 2. ad Theſſ. cap. 2. p. 1208. b. B. D. Heilbrunnerus Pap. Acath. p. 391. B. D. Gesnerus in cap. 7. Danielis m. 7. B. D. Gerhardus lib. 2. Spec. Confess. Cathol. art. 3. c. 6. p. 813. aliique. De *Occidentali*, videlicet Papa Romano, cū ab Orthodoxis calamo & ore passim tractetur, haud arbitror, ab æquis reicensoribus mihi vitio datum iri, si apud & oculos ab aliis paulisper studiis etiam ad *Occidentalem* AntiChristum, id est, Muhammedem; alterum illum maximæ mundi partis seductorem, imò, totius Reipublicæ Christianæ hostem *ἀσσωδον*, reflexero. Etenim non caret ea res suâ utilitate, nec magnorum virorum pariter suffragio. Megalander certè noster B. Lutherus, tom. VIII. German. Jenens. in *Præfat.* Alcorani, à Fr. Richardo Ordinis Prædicatorum refutati p. XI. b. de hujus studii neglectu in suæ ætatis hominibus, apertè conqueritur his verbis: Ich hätte gern den Alcoran selbst gesehen / und wundert mich / wie es zuginge / daß man den

A. Alco,

Also an nicht längst hätte in die Lateinische Sprache ge-
 bracht/ So doch der Machomet nu länger denn neun hun-
 dert Jahr regiert und so großen schaden gethan hat/ doch
 niemand sich drum angenommen / zuerfahren / was
MACHOMET GELUBE WERE. Sind allein
 damit zu frieden gewesen / das Machomet ein feind Christ-
 lichen glaubens were/ aber **W D / und W J E /** von
STUER zu **STUER** / ist nicht laut worden/ welches
 doch von Nöthen ist zu wissen. In hujus quoque tanti viri
 sententiam pedibus (quod ajunt) ire videtur fidissimus ejus-
 dum vixit, Achates, communisque Germaniæ. Præceptor,
 Philippus Melanchthon, in præf. ad Comment. Rerum Turcic. Pau-
 li Jovij, quando ait: de religione planeque pro aris & focus cum Tur-
 cica natione dimicandum est. Quapropter nonnisi cum dete-
 statione legenda est vox Reginaldi Poli, Romanæ Curix
 Purparati, qui ut refert B. D. Mylius conc. Turcic. III. haud
 longè à fine, scribere non dubitavit lib. III. pro mutat. Ec-
 cles. defens. pag. 78. Quod si contigerit, Carolum V. Romanum
 Imperatorem Urbi Constantinopoli cum exercitu victrice propin-
 quum esse, nec vanam adesse spem, fore, si progredieretur, ut Impera-
 torem Turcicum non solum ex dicta regiâ, sed tota quoque Europa
 propulset, se tamen revocaturum, admoniturumque Imperatorem,
 uti revertatur potius ac contra **LUTHERANOS** exercitu suo
 utatur, contra hos vires suas periclitetur, omnes è finibus suis pro-
 pulset, quippe ipsis **TURCIS** longè deteriores.

Sed dices: Ad quid tantoperè illa notitia religionis Turcicæ est
 utilis & nobis proficua, cum ferramento potius quàm atramento, ut
 ajunt, pilo potius quàm stilo, hasta quàm calamo, vi militum, non
 Syllogismorum, adversus id generis homines opus sit: deinde, non
 facile nobiscum in arenam disputandi gratiâ descendunt, & si qui
 maximè id velent, non possent, deterriti quippe fulmine Surate

XIII.

XIII. aliarumque, quæ disputare & revocare in dubium fidem suam
 vetant? Resp. Verum est: non carere difficultate summa
 præsentissimoque vitæ periculo, negotium eos converten-
 di, illumque conatum propè videri irritum; adeò enim oc-
 cæcati, adeò obstinati in suâ superstitione sunt! attamen
 non omnis eos convertendi nobis seponenda vel cura vel
 spes. Vid. Esa. 55. v. 10. Dantur etiam *exempla* eorum,
 qui nuncio impietati Muhammedanæ misso, Christianæ
 religioni nomina dederunt. Nullus quoque dubito, quòd
 vel bellum hoc, quod nunc non nisi maximo cū Christianis-
 mi periculo nostris cervicibus incumbit, multos infidelium
 ad veram DEI salutisque cognitionem perducet. Jubeat v.
 hoc etiam credere cū ineffabilis DEI misericordia, qui
 vult, OMNES homines salvos fieri, & ad agnitionem veritatis
 venire, I. Tim. II. 4. tum ejus non insolens aliàs mos, ver-
 bum suum etiam per bella & calamitates populi sui propa-
 gandi. Vide exemplum Naamanis Syri, II. Reg. V. v. 2. Ne-
 bucadnezaris, Dan. II. v. 47 c. III. v. 28. Cyri, 2. Paralip.
 XXXVI. v. 23. Esa. II. v. 2. Adeò hic נצח ישראל I. Sam. XV.
 v. 29. quando quàm maximè oppugnatur, tum quàm ma-
 ximè civitatis suæ profert pomœria! unde ejus tum *bonitas*,
 tum *potentia*, non minimum illucescit. Deinde si vel maxi-
 mè Muhammedani non converterentur, illustria tamen
 documenta in Ecclesia suâ ad ἀποδείξαι τὸς ἀνιδέοντας,
 Deum nihilominus extare se velle, satis nobis suo exemplo
 commonstravit Matth. XXVII. 51. in crucifixione Filii
 sui. Quamvis enim Judæi non credant, JESUM Dei Filium
 esse; is tamen in morte ejus, & velum templi scindi, ter-
 ram moveri, & petras findi, & sanctos e monumentis egre-
 di apparereque in Urbe voluit; testimonia convincentia
 veritatem rei, licet infrugifera apud plurimos. Et, Ec-
 clesia DEI errores OMNIUM hostium Evangelii confutare debet,

ut ait divinus Dei præco Lutherus in præfat. Alcorani. Præterea urget quoque *necessitas summa*. Nemo enim crederet, ait CL. meus Præceptor D. Christianus Ravinus, Orient. Lingg. in celeberrima Upsalienfi Academia Professor (cujus testimonio eò libentius utor, tum quòd multa ejus in me sint merita, tum præcipuè, quòd ille multos annos in Oriente, Constantinopoli & alibi vixerit, & eorum arcana intimius perspexerit) in Panegyrica II. ad Ultrajectinos, p.m. 13. extare autores Muhamedanos *DILIGENTISSIMOS, DOCTISSIMOS*, qui nostram fidem impugnare velint, & possint, uti sibi videntur; certè audeant. Ita habeo tale aliquod manuscriptum, cujus exemplar, præter meum, nullibi aliàs reperiatur in toto Oriente. Id quòd Muhamedanus quidam apud suos pariter & Christianos in Oriente celeberrimus veluti *RESPONSUM* ad tractatum seu Symbolum Christianorum Ecclesiæ Cypriæ, Syriæ contra sitæ insulæ, religionem Muhamedanorum refutantem, scripsit autor Muhamed F. Ali Talibi Ansarius Sofi, aut Sufes, uti Seneca idem nomen pronunciat, Damascenus. Resultat quoque ex hoc studiorum genere maxima utilitas. I. *αὐτῶν ἐλεγχος*, dum (1.) propriis illorum gladiis discimus adversarios jugulare, i. e. ex ipsius Alcorani verbis; cujus rei in sequentibus aliquot dabimus specimina. Hoc verò quantum ad convictionem adversarii valeat, sufficientissimè docuit B. D. Gerhardus in *Confess. Catholica cap. 1. (2.)* dum liberamus conscientiam nostram, nos non tribuere adversariis quid falsi, adeoque non falsum testimonium dicere adversus proximum nostrum. Cujus rei querelæ extant passim in omnibus hæreticorum monumentis. Et modò Lutherum audivimus, non sufficere scire, daß Mahomet ein Feind Christlichen Glaubens sey / sed Wo/ und Wie/ von Stück zu Stück von Nöthen sey zu wissen.

II. *Περί διδασκαλίας*. Discimus enim hinc (1.) *DEUM*.
dum

dum (α) ejus justitiam veluti in speculo contemplamur irae
 que gravitatem. Arabes erant gens DEO olim peculiari-
 ter dilecta & in verbo divino dives. Unde in vaticiniis de
 Vocatione gentium expressè & nominatim præ cæteris
 illi exprimuntur, uti Esa. LX. 6. *Inundatio Camelorum operiet*
te, dromedarii Madian & Ephraim omnes de Saba-
venient, aurum & thus deferent & laudem Domino annuncient. &c.
 Sic Ps. LXXII. 10. *מלכי שבא וסבא אשר יקריבו* *Reges Ara-*
bum & Saba dona adducent, ut habet Vulgatus. Et paulò post,
 v. 15. *vivet, & dabitur ei מנהב* *de auro Saba* (i. e. Ara-
 biæ, vid. Santes Pagninus, Joh. Lorinus, aliique) *& adora-*
bit eum semper, toto die benedicet ei. Unde gentium ille Doctor
 Paulus post sui gratiosam vocationem, primùm *ὁ δὲ ἀγγέ-
 λος ἐπεσκόλυμας*, sed *ἀπὸ τῆς εἰς Ἀραβίαν* ad evangelizandum
 Filium DEI *ἐν τοῖς ἔθνεσιν*, Gal. I. 17. At, proh dolor! hoc
 honore verbique divini *καί μὴ λίαν* ob peccata sua justè priva-
 ti sunt. Conf. Matt. XXI. 43. Apoc. II. 5. 2. Thes. II. 10.
 Videmus (β) *Dei potentiam*, qui Ecclesiam suam *בקרבו*
in medio inimicorum suorum, Ps. CX. v. 2. etiamnum in Orien-
 te sustentat. (γ) *summam ejusdem bonitatem*, qui nos in ista
 impietate non sivit nasci vel educari. Cognoscimus (2.)
 veluti *ὁ ὄνυχας* ipsum Diabolum, quàm sit vafer, mendax,
 quàm sit multarum artium magister. Impossibile enim est,
 sine ejus singulari opera sectam tam impiam, tam absur-
 dam, tam sibi ipsi contrariam potuisse vel invalescere vel
 permanere. (3.) *humani ingenui summam μάταιότητά*, quan-
 do verbo divino relicto relinquitur suis *διαλογισμοῖς*. Quis
 crederet, homines tam emundæ naris posse ab aliquo in-
 duci, ut crederent, calamum, e. g. extare longum 500. an-
 norum itinera, latum 80. annorum: terræ centrum collo-
 catum in cornu tauri, quo caput ob pondus quassante

terræ motus fieri: terram verò ipsam in pisce quodam ma-
 ximo unà cum mari stare: Suem è stercore elephantis na-
 tam in arca Noë, egestionem humanæ superaddito: Suem
 v. originem istam rostro suo fodientem, dum conceptum
 naribus factorem efflare vellet, sedidisse murem: Leonem
 verò naribus felem eiecisse: aliaque quæ in illo colloquio cum
 Symmysta suo Abdia Judæo egregius hic noster Prophe-
 ta Muhammed memorat; ut alia taceam, quæ falsa esse,
 vel manibus palpare possent, si mens non læva fuisset. Quæ
 omnia, quantum *III. ad ἐκείνους* faciant, me interprete
 non opus est: consuli verò potest B. Lutherus in præmonit. ad
 Christianum Lectorem, Alcorano Tiguri M. D. XLIII. edito præ-
 fixa. Hisce itaque, aliisque de causis, auguror, fore, ut ar-
 gumenti potius minùs accuratè (quod fateor) elaborati,
 quam inutilis suscepti operis damner.

Totam igitur hujus rei pro instituti ratione tracta-
 tionem, in tres dispescere partes placet. Prima erit de au-
 toribus hujus sectæ, tempore item, propagandi modo &
 conservatione: altera de principalioribus quibusdam con-
 troversis aget, quæ nobis cū Muhammedanis intercedunt,
 in quibus veluti quædam ἀντιπολις regni hujus Anti-Chri-
 stiani consistit, ut de Scriptura Sacra, de Muhammede, de
 Alcorano, de Trinitate, de Christo: quibus expugnatis
 non habent Muhammedani, quo cæteros suos errores
 tueantur, nisi meras quasdam principii petitiones. Itaque
 hanc tertia excipiet, continebitque nudam ferè reliquorum
 falsor. dogmatum recensionem, cū ea enumerasse, refu-
 tasse sit, eademque in aliis hæreticis à Nostratibus dudum
 sint profligata. Tu, JESU, FILI DEI vivi, qui super hac
 confessione ædificasti Ecclesiam tuam, velis adesse nobis
 usque ad consummationem seculi: effice TU, אֱלֹהֵינוּ
 Es. 9.5. ne portæ inferni, (quæ jam rictum veluti pan-
 dent)

dent) unquàm nobis prævaleant, neve hic aliussve tutis
αὐτῶν ἐμὴ & nos tuas oviculas de manu tuâ rapiat. Nam
tuum est REGNUM, & POTENTIA & GLORIA
in Secula. Amen! O JESU! Amen!

PARS PRIMA.

CAPUT I.

De authoribus Sectæ Muhammedi- cæ, tempore & occasione.

Quod de *Tarquinio*, cui *Superbi* nomen facta indiderunt,
quique ordine *septimus* ab Urbe, à Romulo vel condi-
ta vel restaurata, inibi scelere parto imperio regna-
vit, memorant annalium Romanorum conditores, cloa-
cam scilicet maximam receptaculum omnium purgamentorum ur-
bis sub terram egisse: id *Satanas*, Spiritus ille *Superbie*, & αὐ-
τῶν ἀρχὴ & ab initio, Joh. VIII. 44. astutè imitatus vide-
tur, seculo post reparatam à CHRISTO DEI FILIO salutem,
urbisque Dei in N. T. proprio sanguine sacratam ædifica-
tionem, iidem *septimo*. Nam cum hic tyrannus, *Diabo-*
lus, variis hæresium moliminibus, ut *Simonis Magi*, *Cerinthi*,
Saturnini, *Carpocratis*, *Marcionis*, *Basilidis*, *Sabellii*, *Montani*, *Sa-*
mosateni, *Arii*, *Manetis*, *Audei*, *Nestorii*, *Photini*, *Macedonii*,
Pelagii, &c. vidisset, se Ecclesiam DEI, ἡ ἐκ τῆς πέτρας,
i.e. Christo Filio DEI, inædificatam, non posse evertere:
aliâ via aggredi eam sategit. Ratus, quod si non prosunt
singula, multa tamen juvent in unum collata. Prædictas
itaque, aliasque horrendas hæreses in unam stygiam pa-
ludem

ludem, *Muhammedismum* scil., derivavit: quâ veluti Camarina quadam mota, civitati DEI densissimas nubes, pestilenti anhelitu infectas, antiquus ille Draco Apoc. XII. 13. ex propinquo posset offundere.

§. 2. Nactus hic verò est *μυροταχίτης* ad hanc fabulam peragendam ministrum oppidò improbum, *Muhammedem*, *Abdallæ filium*, nepotem *Abdalmutalebi* natione Arabem; nomini suo, quod *clarum*, *celebrem* & *insignem* apud eosdem (puta à radice *الحمد* laudavit, celebravit, à quâ etiam est nomen *الحمد* laus, gloria) denotat, nulla alia re quàm mendaciis, dolis & flagitiis respondentem. Hic natus est eo quem diximus, patre *Abdalla*, avo verò *Abdalmutalebo* & c. matre verò *Emina*, filia *Vehebi*, circa auroram, (ut habet *Elmacin. lib. I. hist. Saracen.*) diei lunæ, qui octavus erat, Rabii prioris: cui respondet è mensibus Romanorum dies XXII. mensis Nisan, anni octingentesimi octogesimali secundi Alexandri *ب. ٢٢٨٠* *duorum cornuum*, id est, *Magni*; qui ita dicitur, vel quia Jovis filius credi voluit, qui ab antiquis *cornutus* pingebatur, teste *Scaligero de emendatione temporum*, vel à fortitudine, quæ apud Orientales nomine *קורן* sæpissimè venit, vel etiam fortè à radiis & splendore, ut de *Mosè* narratur, *Exod. XXXIV. v. 30. פניו כקורן* unde & imperiti pictores nacti sunt ansam, etiam *Mosén* cornutum in templis quibusdam fingendi. id quod *Judæis* stomachum & risum movet, *Christianos* legislatorem repræsentare cornibus conspicuum. Incidit itaque nativitas hujus monstri, juxta fidem *Elmacini*, in annum *Æræ Christianæ* DLXXI. Alii aliud sentiunt: Nos eam litem nostram non facimus, nec tanti etiam est, in hoc mustaceo laureolam quærere. Optandum potius, doctrinam pariter ejus impiam, ut natalem certum, *Cimmeriis* damna-

damnatam fuisse tenebris, nec unquam orbi tam perniciosè innotuisse.

§. 3. Quod verò nugantur Muhammedani, matrem ejus sine dolore peperisse, tum id credam, quando de Alcumena idem probaverit Plautus. Similiterque, quòd idola horà nativitatis ejus corruerint; nisi fortè adventum ejus Diaboli sint gratulati, adeoque præ gaudio לְנִשְׁכָּן בְּאוֹרֵי רְחוֹקָה לְקִרְיַת בְּרוֹחַ *infernus commoverit se ad occurrendum advenienti ei*, ut de Nebucadnezare habetur Es XIV, 9. Ejusdem quoque farinae sunt alia miracula, quæ circa hunc Pseudo-prophetam vel natum vel educatum facta Muhammedani fabulantur: quorum lectione qui delectatur, videre ea potest apud autorem *de generatione Mahometis*, it. CL. Hottingerum *hist. Orient. l. I. c. VI. Hornbeckium in summa controvers. p. m. 77.* aliosque rerum Turcicarum Scriptores.

§. 4. Hisce idololatriis parentibus natus Muhammedes in idololatria Koreischitarum, (de quâ vid. Hotting. *Lib. I. hist. Orient. c. VIII.*) unde sanguinem ducebat, educatus, idololatra & ipse mansit, donec peculiarem sibi sectam constitueret. Cum autem à teneris, ut ajunt, ungivilis immensâ raperetur imperii cupiditate, *partimque* res angusta domi (neque enim dives erat, quamvis illustri loco natus, è gente quippe, ut dictum modò, Koreischitarum; quorum ea tempestate & inclitum nomen, & in civitatem Meccam imperium *partim* & contribulum suorum diversum studium obtinisset, quò minus per vim posset emergere, animum ad e mentitas divinas revelationes adiecit, ut tandem vel sub religionis specie rerum summâ potiretur. Adeò hic & unus ex iis Prophetis nobis obviatur, de quibus per Jeremiam loquitur DEUS, cap. XI V, 15. כִּשְׁמִי וְאֵין לִי שְׁלֹחַתִּי *prophetantes in nomine meo, ego verò non misi eos.*

B

§. 5. Utri-

§. 5. Utrique ergò sibi obstanti rei tempestivus occurrit. Et quidem, cum ipsemet opibus non valeret, uti modo diximus, quemadmodum & ipsius tam patruus, quam eductor Abutaleb usque fateretur apud Abunezarem dicens:
 ليس لنا يسار بان نـمـوجـه ولا
 نـعـلم كيف المصالحه وبن امية
 i. e. non suppetunt nobis (nativitatem enim ejus patris quidem mors duobus mensibus antecessit, matris vero sex annis post insecuta est; parentum, ut credibile est, haud magnâ in re) opes, ut possimus ei de conjugio prospicere, nec scimus, quâ ratione ejus rebus possimus consulere: in notitiam faminæ cujusdam primariæ, Chadigbæ nomine vel captivitate vel sua sponte (variant enim hic authores) pervenit, & deinceps quoque thorum. Cujus re familiari ad eam rem, quam intendebat, adjutus, simulatione colloquiorum cum DEO, Scipionis, Numæ Pompilii, Sertorii, aliorumque vestigia legens, gradum sibi ad imperium munire occipit.

§. 6. Nec verò hoc ei obtentu difficile erat, adeò enim omnes res & sacra & profana amice ad hanc rem conspiciabant, ut nihil decisset, quàm idoneus autor, qui rem auspicaretur. Ecclesiam enim DEI foris variis cum opprimi videret hæresibus & sectis; puta, gentilium, Judæorum, Arianorum, Nestorianorum, Eutychianorum, (eorumque innumera sobole, Monophysitis, Monotheletis, Agnoëtis, Acephalis, Angelitis, Jacobitis, Severitanis, Armeniis, &c.) μαριαμολατρεούντων item seu Collyridianorum, Pelagianorum, aliorumque; intus verò variis Episcoporum dissidiis scindi, contentionibus de primatu seu πατριστα, ut ex Gregorio Magno Romanorum, & Johanne Constantinopolitanorum, Episcopis patet, avaritia item & obtreccationibus, de lana caprina nonnunquàm disputationibus, rerum sacrarum
 præ-

præ secularibus neglectu, hincque supina in articulis fidei ignorantia: *Rem autem publicam* ab Imperatoribus ipsis negligi, committi verò administrandam imprudentibus, scelestis ventris & marsupii mancipiis, defraudari milites stipendio; quod non minimū hanc impiam Muhammedis sectam promovit, uti testantur ferè omnes illorum temporum scriptores; subditos expilari opibus, opprimi à potentibus, adeoque omnium animos esse abalienatos: hanc, inquam, occasionem homo subdolan & perspicax veluti è specula quadam aucupatus, suis ipse rebus deesse noluit.

§. 7. Adest itaque! quod de publico statu omnes queruntur, conqueritur & ipse: offert afflictis rebus opem, si modò eā uti velint. Debachatur deinde in palpabilem popularium suorū idololatriam & impietatem, quòd simulacra, quòd angelos, quòd plures Deos quàm unum colerent, quòd liberos suos mactarent, &c. Videbant autem Christiani, eum in his non mentiri. Triumphatus itaque de illis, etiam hos aggreditur: *cum unus Deus sit colendus, non tres esse*, ajebat, adeoque Trinitatem vafre oppugnabat, & sic in aliis. Quid faceret rudis plebecula, non sufficienter in fide vel ob suam vel præsulum suorum ignaviam informata? victas dat manus, cum alter argumentis vel argutiis vinceret. Tandem, cum & ipsa ob tot dissidia in religione fluctuaret, & hic nonnihil veri contra crassos idolorum cultores visus esset dicere, nescia cujus esset, sit occupantis. Adeo nempe contemptus & neglectus verbi divini homines trahit in perniciem! Semel verò in nassam illectis, non difficile erat, quidvis persuadere: potissimum postquàm adeò hic *ψευδοδιδασκαλος* crevisset, ut jam non amplius arbitrarium esset, fidē ejus fabulis denegare, quin factum ulcisceretur armis.

§. 8. Ne verò & ipse suis pennis percelleretur, h. e. fisdem artibus ex animis suorum expelleretur, quibus eosdem invaserat, librum quendam conscribit, quem coelitus sibi datum asserit, & nonnisi sub poena infernalium suppliciorum rejiciendum obtrudit; regulam scilicet certam fidei & normam omnium in vita honestarum actionum. Huic à lectione vel collectione (قرآن) enim utrumque denotat) Alccrano nomen fuit; sicut Christianorum Scriptura sacra (מכתב) à scribendo nomen sortitur. In quo, qui omni stato tempore legeret, nisi cum immundus esset, is الحبيب وحده الله تعالى مع العباد hortum (paradisi) ingrederetur, eumque excitaret Deus excelsus, cum Sapientibus & Prophetis die resurrectionis, i. e. ultimo, ut inter XL. Mahometis مؤلفه, hominibus ab eo velut ad salutem obtinendam necessaria præscripta, refert Muhammed Ben Abibecer.

§. 9. Nec deerant, qui homini vesano in hoc suo Prophetico munere junctis operis frigida suffunderent, adjurarentque in malè feriato scripto corradendo, partim ex pseudo Christianis, partim & ex ipsis Judæis. In horum numero fuisse Phinea quendam, & Abdian Ben Salon perhibent; hunc & colloquio illo seu potius mendaciorum plaustro inter ipsum & Muhammedem fatis notum. In illis verò eminuit Sergius monachus Constantinopolitanus, domo obhæresin vel Monothetarum, vel Arianorum, vel Nestorianorum, (discrepant enim & hîc autores) in Arabiam profugus. Alii verò volunt hunc Sergium non quidem Christianum fuisse ipsum; sed Christiani saltem cujusdam mercatoris Meccensis servum. Utut sit, dici non potest, quantum hujus adjutus res Muhammedana cæperit Spiritu ducere. & novit hic Mercurius suo Jovi egregiè suppallitari.

§. 10.

§. 10. Muhammedes enim cum comitiali morbo laboraret, & uxorem id malè haberet, se nupsisse homini, corporis non minùs quàm fortunæ bonis destituto, moliantur hi boni viri inter se fallaciam, dicuntque, *Gabrielem Angelum id temporis puncto solere Prophetæ adparere, cujus augustam præsentiam & majestatem homo mortalis non sine horrore totius corporis, animique deliquio posset intueri.* Muhammede itaque spumante & se in morbo volutante attonitæ mulier hæstet hæc locienus, *Sergius*, ipsamque in fide confirmat. Credit v. conjunx, vel quia ita persuasa esset, vel quia, quod libenter volumus, id facillè credimus: Enthusiasen certè tangi vetuit, remque aliis muliereulis divulgat.

§. 11. Ne verò sui novitate, nova hæc Biblia (Alcoranum dico) se proderent, & sectariorum animos offenderent, utque omnes eò faciliùs impostor ille lucraretur, ex omnibus eà tempestate florentibus sectis in hoc malè concinnato centone quædam admiscet. In *Judeorum* gratiam retinet circumcisionem, prohibet porcina, interdicat quibusdam cibis, adhibet lotiones corporis. &c. Ne *Christianos* abalienaret, de Christo honorificè loquitur, cum *Surat. XI. & XII.* *Dei nuncium vocat, DEI spiritum. item & celitus demissum. ibid. sine viri opera natum. Sur. V. Divina virtute venientem, librum legiserum, omnisque magisterii peritiam. & Testamentum & Evangelium, mandatumque filios Israelis edocentem. ibid. & quæ sunt id genus alia, passim in illa lege repetita. Et sic cum aliis quoque sectis collusisse eum, in ipso progressu ostendendum.* Nunc verò ad media, quibus hæc superstitio facta recta hætenus mansit manetque, properabimus.

C A P. I I.

De modo, quo propagata est à Mu-
hammede ejus religio, propagaturque, &
conservatur etiamnum.

§. I.

Mirari, idque haud immeritò quis posset, què venerit, quod hoc tam absurdum (ut infra patebit) dogma, tam impia religio in orbe fidem meruerit, vel quòd non simulac nata est, aut certè cum ipso autore evanuerit; maxime cum & Divus Paulus *μυστήριον* vocet *ὁμολογῶντες μέγα*, quòd *CHRISTUS* creditus sit in mundo, 1. Tim. III, 16. & pro veritate religionis nostræ inter alia etiam hoc argumento utamur, quòd Apostoli homines simplices & illiterati rem rationi planè absconam & voluntati humanæ adversam, tot obnoxiam periculis, delationibus, calumniis, tot tantisque nationibus & in his hominum etiam sapientissimis potuerint persuadere. Vid. *Morn. de verit. Relig. p. m. 561. & p. 519. seqq. Grot. itid. de re eadem. p. m. 123. seqq.*

§. 2. Quod telum si è manibus nostris nobis torserint Muhammedani, & idem de sua quoque religione adstruxerint, prout faciunt apud *autorem quendam Septem- Castrensem, cap. IX.* & passim apud alios alibi, turpiter causam nostram adversariis prodimus, & hujus argumenti vis planè evanescit. Etsi verò nonnullas veteratoris hujus, Muhammedis, artes in obtrudendo hominibus impio hoc dogmate in superiore capite tetigimus, juvat tamen & ad scrupulum hunc ex animis nostris eximendum, bolumq; è faucibus adversariorum eripiendum, adhuc penitus introspicere, quæ sint causæ, quæ rationes, quæ media & crediti hujus mysterii iniquitatis, & tam diu tamque latè per orbem florentis.

§. Vel

§. 3. Verè Apostolus, II. Thesf. II, 9. in sede hujus doctrinæ de Anti- Christo, ait : & ὅτι παροΐα κατ' ἐνέργειαν τῶν Σατανᾶ, ἐν πάσῃ δυνάμει καὶ σημείοις καὶ τέρασι ψεύδους, καὶ ἐν πάσῃ ἀπάτῃ τῆς ἀδικίας ἐν τοῖς πολλοῖς, ejus adventus est ex illa vi (ut vertit Beza) efficaci Satanae, cum omni potentia, & signis & prodigiis mendacibus, & cum omni seductione injustitiae in iis, qui pereunt. Sequamur itaque S. Apostoli ductum & videamus de singulis.

§. 4. Primò itaque nullum dubium est, quin Satanas singularem hic navaverit operam, adeoque Muhammedis παροΐα sit κατ' ἐνέργειαν τῶν σατανᾶ. Est enim ille πνεῦμα ὀργῆς ἐν τοῖς υἱοῖς τῆς ἀπειθείας, potenter operans in filiis incredulitatis, Eph. II, 2. & nonnunquam μεταχρηματίζοντα ἑαυτὸν ἐν εἰς ἀγγέλων φωτός, transfigurans se in angelum lucis, II. Cor. XI, 14. & στείλαν Ζιζανία ἀνὰ μέσον τῶν σίτου, Zizaniam in medio tritici seminans, Matth. XIII, 25. conf. I. Tim. IV, 2. II. Cor. IV, 4. Sanè Muhammedes à quibusdam ob magiam malè audiebat, ut ipse fatetur Surat. LXX. his verbis: Post Mosen venit Christus, filius Mariae, dicens: filii Israel, ego ad vos missus DEI nuncius, affirmo per testamentum meum, quod in manibus habeo, (non coherent hæc Muhammed! nondum enim, Christo sc. in Judæa prædicante, Novi Test. libri conscripti erant, qui ergò potuit illos in manu habere?) quòd post me venturus sit nuncius, cui nomen Muhammed, quem dicent (sc. hostes ejus) magum esse. Et Chadigam heram in sui amorem incantamento eundem allexisse, fide graves produnt authores.

§. 5. Pergit noster Apostolus : ἐν πάσῃ δυνάμει. Videamus itaque, numne & Muhammedes contra DEI morem vim hic adhibuerit. DEUS certè vim externam in vocatione ad Ecclesiam suam non adhibet. Totam quidem diem יְהוָה יִתְּן כַּף זָכוֹן extendit manum suam, sed אין מקשיב ne-

attendit. Proverb. I. 24. καλεῖ invitāt, non cogit, τὸς κεκλη-
 μένους. Matth. XXII, 3. S. militet & Apostoli, αὐτὸν περὶ χειρῶν
 προσβέντες Christi, Filii ejus, nomine legationem obeuntes,
 ὄντοα ὡς χειρῶν, ejusdem nomine O R A N T; καὶ ταλ-
 λήγῃτε τῷ θεῷ conciliamini DEO, II. Cor. V, 20. adhortan-
 tur, sed ἐν πάσῃ μακροθυμίᾳ καὶ διδαχῇ, in omni LENITATE
 & doctrina, II. Tim. IV, 2. τῇ πίστεως & κυριότητι, fidei non
 DOMINANTUR, II. Corinth. I, 24. ὅτι σκοπεῖντες
 μὴ ἀναγγελοῦμεν, ἀλλ' ἐκστός, μὴ ὡς καὶ κυριεύοντες τῶν κληρ. v.
 I. Pet. V, 2. 3. Hic v. Propheta ostendit vel hac ipsa re, a
 quo missus sit.

§. 6. Vocavit enim, vocantque etiam nunc ejus secta-
 tores, suos auditores i. Bello, captivitate, μὲλῃς, carceribus,
 &c. Quamvis enim Surata XIV. XVII. XX. alienus
 ab hac crudelitate appareat, dicens: contradicentibus di-
 cito, ut sibi sua sint negotia, tibi tua, ipsique à tuis factis, &
 tu à suis factis liber: item, qui Christianum opprimit, adver-
 sarium eum habebit in die Judicii: Unde & irāgnis ejus ad-
 versus Christianos benignitas, apud Elmacin hist. Sarac.
 lib. I. Alibi tamen & quasi sui oblitus aliud statuit, ut Surat.
 XIX. converti nolentes, ubicunque repositos, mensibus Haran
 peractis, sumite & interficite, omnibus viis insidiantes illis.
 Conf. Surat. XVIII. Surat. X. & passim alibi. Cujus etiam
 crudelitatis exemplum in ipso avunculo suo statuere vo-
 luit, nisi paruisset. vid. cap. X. Confut. Legis Saracenice Fr.
 Richardi.

§. 7. II. Precio, qui sibi quosdam mercatus est, quos
 Mammelucos vocant, à ἑλ. acquisivit. De eare Septem-
 Castrensis c. VI. In omnibus, ait, civitatibus, sicut ad cetera mer-
 cimonia, sic etiam ad homines emendos & vendendos habetur fo-
 rum proprium, & loca ad hoc legitime deputata. Ad hunc locum &
 forum,

forum, pauperes captivi & funibus ligati, quasi oves ad occisionem
ducuntur. Et capite antecedente: Nullo modo occidere volunt
homines, nisi extrema necessitate compellantur, scilicet, quando
se defendunt aut fugiunt: sed omnino conantur, ut viros capiant.
Sic de uno homine duplex rapina perficitur. Turcus enim inter-
dit pro corpore (forsitan, per corpora) sua cupiditati satisfacere:
Diabolus autem fidem auferendo, animam secum in gehennam
miserabiliter perducere.

§. 8. III. Paupertate, de qua idem Septem - Ca-
strensis cap. IIX. hunc in modum: Ad plagam aquilonis
quatuor vel quinque magna regna sunt sita, quorum terras li-
cet Turcus ipsis devictis longo ante tempore possederit, tamen
eas propter amplitudinem & latitudinem nequaquam cum Tur-
cis adhuc implere potuit. Quorum hæc sunt nomina: Bosna,
Arnant, Laz, Slavonia, Albonia. Unde usque hodie gentes
illæ terram suam sub dominio ipsius Turci inhabitant, sed propter
tributa annualia & onera gravia & multas incommoditates,
quas patiuntur, ita depauperati sunt, quod se vix nutrire possunt.
Unde fit, ut egestate compulsi, annuatim tempore laboris veniant,
& per civitates Turcorum dispergantur, ut inopia sua, more mer-
cenariorum, aliquatenus valeant cum sudore laboris suble-
vamen invenire. Et paulo ante: hi tanquam arida ligna huic insa-
tiabili incendio, sine contradictione seipsos exponere non de-
sistunt.

§. 9. IV. Tributo idque (1) à subditis, per decimas. Au-
diamus rursus eundem Septem - Castrensi. c. cod. Prete-
rea Turcus magnus ex omni præda & rapina captivorum de-
cimas suas habet, & cum senserit copiam esse illorum, præcipit ut o-
mnes juvenes à XX. annis & infra, pro parte decimæ, quæ ad eum
spectat, sibi offerantur. (2.) à Vasallis, ut ita dicam. Pergit idem
Castrensis: per omnem terram sui domini adhuc multi sunt
de Grecis antiquis & aliis nationibus, qui castella & oppida plu-
rima

C

rma

rima inhabitant, & ab omnibus statutis & oneribus aliorum hominum liberi & exempti, ipsius regis servitiis intendunt, & ad ejus curiam pertinent. Horum filios à XX. annis & infra ætatis, missis nunciis de quinquennio ad quinquenium sibi adducere precipit, & jubet, ut distributi per curias magnatum suorum, in MORIBUS & RITIBUS & in armis erudiantur & exerceantur etc. tales eorum lingua Gungischeri (puto Janizari) vocantur.

S. 10. V. Iniqua detentione Imprudentium liberorum Christianorum, qui refractarii & immorigeri, detrectantes parentum suorum jussa ad Turcas in suam præsentissimam perniciem confugiunt. De his loquitur Lud. Virres de conditione vitæ Christian. sub Turca h. m.: Non audent Græci filios suos objugare, reprehendere, castigare flagitia, formare ad virtutem & studium honesti, virga & flagris dum res poscit ad monere disciplina, ne illi irritati, ad Turcas se conferant. Et hoc filii audent parentibus minari: à quibus Turcis si quis sit semel receptus, nulla vi, nulla ope, nulla arte potest unde venerat redire. Quo quid iniquius? quid injustius?

S. 11. Vaticinatur Apostolus Anti-Christum venturum esse & omnes signis & prodigiis: verum bene addit, sed falsitas, i. e. falsis, modo loquendi Hebræis usitato. Quamvis verò Muhammedes de se ex miraculis judicium fieri nolit, ut e. gr. Surat XV. Petentibus, ut eis virtutes miraculaque DEI facias, dic, DEUM omnipotentem illa facere: sibi que eam vim miracula faciendi ideo denegatam affirmet, quia homines prioribus miraculis à Christo & sanctis DEI hominibus editis fidem non habuerint, Surat XVI. his verbis: sed scio, nil nisi Angelorum, seu DEI adventum, & miraculorum effectum expectatis? Sed vobis nil fides proficiet, quando venerint, quia PRIUS

non credidistis : Affec̃ta tamē ejus de miraculis à P̃seude-
Propheta perpetratis, immane quā nonnunquam glo-
riantur ! Videamus itaque, quānam illa sint, & quid de
iis sit sentiendum.

§. 12. Enumerantur illa varia : attamen decem com-
primis miracula ei adscribuntur, quæ D. Hornbeckius in
Summâ Controv. p. 125. seq. hoc recenset ordine.
I. Quod sine dolore prodierit ex alvo matris, circumci-
sus & hilaris. Vid. cap. 1. §. 3. supra. II. Quod idola ipso
in auras edito, passim prostrata sint, uti & superius me-
minimus. III. Quod Lucifer arreptus ab Angelis, tunc
immersus sit in profundum mare. Nugæ ! nisi forsantum
impletum est, quod habetur Apoc. XII. 12. *væ incolis ter-
re & maris, nam & ὁ ὄφθς descendit Diabolus ad eos, excande-
scentiæ magnæ plenus, ut qui sciat se exiguum tempus habere.* IV.
Quod venti, aves & nubes de ejus educatione decertarint.
V. Quod Asina voce humanâ eum vocarit *حمار* sigillum Prophetiæ. Dignum sanè Prophe-
tâ rubicinem ! VI. Quod nubes atra semper, etiam cœlo
sereno, ejus capiti incubuerit. At ! is color apud eos (Tur-
cas) vilis infaususque habetur, teste Busbequio in It. in. Con-
stantinop. Etenim apparere Constantinopoli aliquem in veste nigra,
fædi scævique ominis est, uti mox Busbequius ; adeo ut aliquando
Bassæ nos cum veste nigra ad se accedere & mirarentur & seriò con-
quererentur. nec quisquam ibi cum nigro vestitu in publicum nisi
Æ R U M N O S U S prodit ; quemque vel insignis paupertas,
vel gravis alioqui CALAMITAS premat. Hæc ille. Cur ergo
Prophetam hunc in atra nube venientem, velut fædi
scævique ominis, non abominati sunt ? Christum sanè,
ut & sanctos, *νεφέλη φωτεινὴ ἐπεσκέυσε*, nubes lucida ob-
umbravit, Matth. XVII. 6. VII. Quod Lunam bipertitò
divisam conjunxerit & compegerit. Riliū teneatis :

ex omni populo, qui sub cælo sunt, Act. II. 5. 6. & ἔτι πάντες παύ-
τες καὶ ἐθαύμαζον obstupescabant (non mendacii arguebant,
sicuti apud Cantacuz. Mahometis auditores) idque OMNES
& mirabantur v. 7. & baptizati sunt tria millia. v. 41.

§. 14. (2.) *Ratione Objecti & Formæ.* Christus in ma-
gnis rebus exercuit vim suam, e. g. in mari sedando, Matth.
VIII. 26. In mortuis excitandis, Matth. IX, 25, & c. in dia-
bolis expellendis, Matth. IX, 33. & c. Aquam in vinum
mutando, Joh. II, 9. Quæ omnia humanas vires longè
exuperant, & majestatis plena sunt. Sed ubi tale quid in
Muhammede? quis enim splendor, arbores e. g. fuisse e-
radicatas & rursus consolidatas? bestias de ejus educa-
tione certasse? arbores ab eo evocatas, in campo alvum
exoneranti umbram præbuisse? aliaque quæ passim ab ejus
admiratoribus nugivendulis exponuntur, & hîc referre
pudet.

§. 15. (3.) *Ratione finis & fructus.* Christus & San-
cti DEI homines nihil aliud intenderunt per sua miracu-
la, quàm ut procurarent miseris nobis mortalibus salu-
tem tam temporalem, Vid. Matth. IV, 24. c. VIII, 3. 13.
15. 16. c. IX, 7. XV, 37. Act. III, 7. & c. quàm eter-
nam. Matth. IX, 8. Joh. XI, 45. Marc. XVI, 20. Act.
IX, 42. At in hujus Anti-Christi miraculis quæ utilitas?
cui enim bono est, quòd lunam ortui vicinam, prodigium
ostensurus, jusserit in duas partes findi, adeò ut frustum
in montem Helicain, Meccæ ab uno latere imminentem,
alterum verò in Erythron, montem itidem, sed ab alia
parte, eidem urbi propinquum inciderit; & sic disse-
ctam inque tunicam suam collectam integram eandem
restituerit? ut habet Cantacuz. Orat. II. Sic ad quid pro-
fuit, quòd ficus se ante ipsum incurvaret? ita & de aliis:
quibus recensendis, non est, quòd tempus & operam

perdamus. Atque de miraculis, quæ de ipso perhibentur, hæcce.

§. 16. Tandem subjicit D. Paulus *ὁ ἐν πᾶσι ἀπατη-
τὴς ἰδιώτης* &c. Mirum quoque in seductione & fraudibus
præbuit sese artificem Muhammedes. Nos præcipuas enu-
merabimus, quas adhibuit tum in adducendis ad suam fidem,
ut ita dicam, *Profelytis*, tum in eadem retinendis suis, quos
ita vocant, *Μουσλεμάννις*, i. e. fidelibus
& suæ religioni addictis. Nam & ampliare suum regnum stu-
duit, & stabilire. Quod posterī & imitantur. De utrisque
illaque unum iudicium.

§. 17. Seduxit itaque multos I. per apparentem bonita-
tem doctrinæ. Merces suas, id est, falsa dogmata quo faci-
lius extruderet, in crustavit easdem hic interpolator (a)
tenui quadam in crassissimis tenebris lucente veritate. Verum
erat, e. gr. Unum solum Deum esse colendum: At sub his cine-
ribus ignem latitare, velleque eum hoc ipso Trinitatem
evertere, non poterat quilibet imperitior persentiscere.
Et potuisse ipsum rudi Arabum popellæ his rebus aliisque
imponere, non mirum est, si recolimus Arium, Sabel-
lium, Pelagium, aliosque hæreticos sub forma ὁμιλιῶντων
ἀδελφῶν etiam perspicacissimos patrum diu latuisse, donec
accensa verbi divini luce & accuratiori adhibita inquisi-
tione existis suis latebris extraherentur. (β) Suavi dog-
matum dulcedine, amicoque cum carne consensu. Vere prædi-
catio Evangelii juxta captum mundi *μωρία* est. I. Cor. I. 25.
credere enim in eum, qui non solum ipse idque inter faci-
norosos crucifixus sit, sed & qui discipulos crucem tollere &
sic se sequi jubet, quique pollicetur, quod flagellentur in
Synagogis propter nomen suum, ab omnibus odio habeantur, ex
una urbe in aliam ejiciantur: imò, quod gravissimum est,
etiam interficiantur, &c. humanæ rationi admodum absur-
dum

dum & ingratum est. Sed Mahometes gratiorem ex
carnis sensu deprompsit philosophiam! pollicetur in suo
paradiso lecta auro argentoque fulgentia, valles amenas,
fluente limpidissima, uxores pulcherrimas, ciborum po-
tuumque genera exquisitissima, aliasque res quæ vel
solo nomine hominum animis ablandiuntur, eosque
attrahunt. Quibus gens operum ruralium labore penu-
riaque rerum omnium confecta cum audivisset sese ali-
quando circumfluituram, nec dumosum ad hanc felicita-
tem iter ducere, indulgerique sibi interea libidines, cædes,
perjuria, aliasque cupiditates, in quas sua sponte & alias
(vulgus præsertim) ruit, facile huic doctori assensum præ-
buit, eoque stipendio nomen dedit. Moventi etiam in
Persas plures hortorum in Persia quam in Paradiso po-
tendorum spes associavit, prout memorat autor de Hæresi
Heraclii, & prince, ac lege Machum.

§. 18. II. *Summam Sanctimonie inæxors in vita.* Sunt
enim Muhammedani, ut ait Cl. meus Præceptor Ravinus in
dicta Panegyri, per se vitæ continentiore, quam virtutem partim
religioni sue, partim aëris salubritati, aut sterilitati quorundam
locorum debent, quam NOS CHRISTIANI, qui nominis hujus
velut aliqua libertate, abusuque autem majore fere licentia, sic vi-
vimus. Cum quo consonat Septem-Castrensis cap. IX.
Omnem levitatem, in quibuscunque actibus eorum & gestis, vesti-
tu & apparatu, detestantur sicut ignem, & abominantur sicut pe-
stem. Videntes enim levitatem CHRISTIANORUM in ve-
stitu & equitatu, & aliis quibuscunque derident, & eos capras &
simias vocant. Qui deince per aliquot paginas, quàm sint
simplices in cultu, devoti in templo, parci in ædificando, mulieris ap-
ud eos honestæ, &c. exponit. Et hæc res non paucos sedu-
cit, qui Christianorum licentiâ in peccatis proli dolori
offensi, Muhammedanis se se adjungunt.

§. 19. Quæ

§. 19. Quæ tamen eorum integritas, si penitius tam
quoad præcepta, quam exempla introspectatur, manife-
stum evadet, non omne esse aurum, quod fulget. Nam e-
gr. jejunium præcipit impostor, idque sub necessitate
obtinendæ salutis, sed quæso quale? Prodit se magister
nequitiarum Surata Vacca hoc modo. vobis nocte jejunii ac-
cedere ad uxores vestras licet: ipsæ sint indumentum vobis, &c.
noluit Deus, quod vos fraudetis vosmet ipsos, & clementer agit
vobiscum, & parcit vobis. Igitur commiscemini cum illis, & inqui-
rite quod præscripsit vobis DEUS & COMEDITE &
BIBITE usque dum distinguere possitis filum album à filo nigro
ex illucescente aurora. DEINDE complete jejunium usque ad
noctem, & ne commisceamini cum iis, sed persistite in templis.
HÆC sunt PRÆSCRIPTA DEI (An forsan ex I.
Cor. VII, §. Joel. II, 16?) &c. At, quale præceptum, ta-
le quoque dubio procul est ibi exemplum. Prohibet per-
jurium: sed commissum, potest decem pauperum sustenta-
tione expiari, Surat. XIII. Quid ergo mirum, si liberè
ibi perjurii ludant divites.

§. 20. Sic vinum prohibet Surata IIX. XIII. &c. At
verò sectatores ejus præceptum hoc quomodo itidem
exequantur, operæ pretium est audire Busbequium in
itinere Constantinopolitano p. m. 19. Erant Budæ fre-
quentes mecum in cena Turcæ vini dulcedine illecti, cujus, quo
minorem habent copiam, eo sunt AVIDIORES; eoque largius
se INGURGITANT, ubi semel contigerit habere. In mul-
tam noctem fiebant invitationes. Post, ubi me ludi tadebat,
surgebam à mensa, meque in cubiculum recipiebam: illi, quod
vino nondum obruti IRE etiam poterant, tristes abibant, sed
mox puer aderat, qui nomine ipsorum rogaret, ut iis vini co-
piam facerem. Scyphosque argenteos commodarem: velle, si per-
mittam, in aliquo angulo noctem potando extrahere. Ego
quan-

quantum vellent vini, itemque vasa, quæ petebant, subebam præberi. Illi antè finem non faciebant, quàm mero sopiti humi sternerentur. Sic & Curios simulant, & Bacchanalia vivunt. Et mox addit: non minores pœnas post hanc vitam sibi paratas arbitrantur, si vini minimum biberint, quàm si plurimum. Itaque ubi semel vinum gustaverunt, potare pergunt. quod veluti pœna jam commissæ peccent impune; ebrietatemque in lucro ponant. Et non tempero mihi, quin adscribam quæ sequuntur: vidi senem quendam Constantinopoli, qui cùm calicem sumisset in manum, ut biberet, magnos prius clamores edebat. rogati à nobis amici, cur ita faceret, respondebant: eum his clamoribus commonitam velle animam, ut se reciperet in aliquem corporis angulum aut prorsus emigraret; ne rea fieret ejus delicti, quod ipse erat admissurus, neu vino, quod infusus erat, pollueretur. Atque hæc illorum est sanctimonia.

§. 21. III. Insignem nonnunquam erga Christianos humanitatem. Loquitur de hac Cl. Ravius in panegyri citata hunc in modum: Græcos non amplius, sicuti olim, coarctant, aut angustis vexant, qui eadem libertate, qua olim, utuntur, Græcissant, hoc est, potant æque. Compotationes frequenter instituunt, tripudiant, saltant, cantantque in gyrum saltantes, flexis inter se brachiis, decem vel viginti homines, Galatæ præcipue: & in medium, aulem sepius adhibent, quibus omnibus sine discrimine miscent se Turcæ. Imò, vulgò Constantinopoli Græci eadem, sæpè majore, utuntur libertate, quàm Turcæ, &c. Quàm verò facile unâ cum Vino etiam religio imbibatur, suâ luce radiat, & ex interdicto DEI de vitandis alienæ religionis hominibus metacente patet. vid. Deut. VII, 3. II, Cor. VI, 14. II. Joh. v. 10. II. Reg. VIII, 18. I. Reg. XI, 4. 5. 6. Num. XXV, 1. 2. 3. seqq. Tit. II, 10.

§. 22. Nec minori æquitate suos in falsa religione Muhammedes retinet. Idque I. Educatione. Cùm enim, ut ait
D Lud.

Lud. Vives lib. cit. *Studia humanitatis*, id est, *Philosophia*, & reliquæ ingeniorum & ingenue artes, ut honore velut gratissimo quodam & saluberrimo favonio exhilaratæ flores & fructus fundunt, ita contemptu aut etiam neglectu flaccescunt, & emarcescunt collabuntur: Et Turca, ut mox subiungit, quam alienus sit ab omni cultu animi, Scythia sanguinarius, quis vel fando non audit? manifestum est, cum suorum ruditate veluti glaucomate uti, ne religionis suæ falsitas prodatur. In his n. ut ait Septem-Castrensis c. XXI. quæ ad salutem pertinent, & ad res spirituales cognoscendas, tam stolidi tamque inepti sunt, ut videantur ad modum bestiarum ratione carere, & quasi saxa indurati nihil spiritualis intelligentiæ posse capere. Et paulò post: si diceretur alicui, quare non bibis vinum? quare non comedis carnes porcinas? & sic de aliis; penitus obmutesceret, aut aliquid mendaciæ vel fictionis responderet, vel ut in capitulo nono (lege, decimo) dictum est, immundiciem causaret, hoc est, ut ibi explicat, quia hominem immundum reddit caro porcina. Bona ratio! incertum per æque incertum probatur.

§. 23. II. *Interdicta disputandi de fide* veroque inquirendo libertate. Si qui sunt, quibus magis æquus faverat Jupiter, ut crassos illos ignorantia fines transilierint (neque enim omnes tam stupida ignorantia fratres esse, ex Cl. Ravio disco in ead. orat. dum ait: studiis quoque, pro suo modulo tribuunt, qui *Medicinae, Astrologiæ, Astronomiæ, Geographiæ, Mathematicæ* non vulgariter student) iis, atque in universum omnibus, alium de fide seu religione impositum est silentium, per Suratam XXXII. his verbis: *Tecum disputare volentibus dic, DEUM solum omnes actus tuos cognoscere, qui die postremo lites omnes & contrarietates discutiet.* Conf. Surat. XV. XVII. XX. CXIX. &c. Huc pertinet quoque interdictum I. de non introducenda in regnum *Typographia*. II. de non exportando *Alcorano* aliisque libris, in quibus impia illorum religio continetur.

tinetur. Merito vero suspecta est merx, quæ hac lege obtruditur, ne inspicere possit, ut bene ait Hugo Grotius de Veritate Relig. Christianæ l. 6. p. m. 304. 1

§. 24. Tandem, si quis & hos carceres egredi tentarit, habet Sultanus suos emissarios & inquisitores. Qui (1) accusatos de omissione, ut verbis Septem-Castrensis denuo utar, orationis, multis afficiunt contumeliis. circumducunt enim eos, tabulam cum caudis vulpinis collo appendentes, & non sine taxa pecunie dimittunt, maxime si hanc negligentiam in quadragesima eorum admiserint. (2) Duriter excipiunt, si quos viderint sollicitare Muslemannum (uti loquitur) ad fidem Christianam. testatur hoc Hornbeck in summa contro. p. m. 205.

§. 25. Hisce omnibus rite pensculatis, non mirum est, hanc impietatem, DEO justo iudice ob peccata illorum, qui Christiani audire gestiunt, eam permittente, hodie longe lateque dominari, soleque meridiano clarius est, nihil planè divini in illa mysterii hujus *ἀδύνατος* propagatione inesse: contra, Christus quod in mundo sit creditus, *μυστήριον* esse *ὁμολογῶμεν* μέγα, & omnium hominum machinationes longè transcendens. Conf. capita I. & II. Epist. I. ad Corinthios, Mornzum de veritate relig. l. c.

PARS SECUNDA.

CAP. I.

De principio utriusque religionis,

Christianorum sc. & Turcarum, cognoscendi.

Cum hic de religione instituatur tractatio: quæ, secundum Ciceronem, superioris cujusdam nature, quam divinam vocant, curam ceremoniamque adfert; non immerito

D 2

statim

statim queritur de ejus principio, unde utraque sit dijudicanda. Convenit itaque utrinque, ad salutarem numinis divini cognitionem requiri peculiarem hominibus factam revelationem, hominemque non posse ex natura, DEI essentiam & voluntatem salvificè cognoscere, cum, ut ipse fatetur Muham. Surata XXVII. *nemo sciat, neque in celo, neque in terra; mysteria abscondita, nisi DEUS.* Hanc v. veram DEI revelationem contineri nos dicimus in libris, quos habemus, *Propheticis & Apostolicis*, conscriptis olim ab hominibus ὑπὸ πνεύματι & αἰσθησιν 2. Pet. 1. 21. Nec hoc abnuunt Saraceni: ajunt enim, sese credere Evangelio & V. Test., verum & nos & Judæos non habere libros incorruptos, sicuti prodit de illis Clenardus ad Latomum. Pressi itaque aliquo dicto S. S. Scripturæ, mox confugiunt ad illud suum ξενόφρετον, Prophetas vel Apostolos olim non ita scripsisse, sed esse ita sacrilegio quodam vel Judæorum vel Christianorum posterioribus temporibus SS. Scripturæ infartum. Oritur itaque

CONTROVERSIA PRIMA,

An Scriptura Sacra, quam nos habemus, ita sit depravata, inversa, mutilata, &c. ut verum ab adulterino dignosci nequeat?

§. 1. Ita quidem ait Muhammedes, quippe cujus hæc sunt, Surata II. *Illæ gens (Judæorum) verbum DEI mutavit, nec ex eo quid operari voluit.* Similiter Musulmanus Sampsa-tes Isphachanes Persæ ad Monachum Meletium. *Ipsius Muhammedis nomen & in V. T. & in Evangelio, etiam Christo hoc commendante, descriptum erat: Christiani verò illud ejecerunt.* Alludit hic ad Suratæ LXXI. locum, quem superius adduximus part. 1. c. 2. §. 4. *Post Moysen venit Christus Maria filius, dicens: fili Israel, ego vobis à Deo missus, &c. post me veniet nuncius, cui*
nomen.

nomen Muhammed, &c. idque ex Joh. XIV. expunctum mentitur, itemque ex Deut. XIIX. de quibus postea videbimus.

§. 2. Quod autem ejusmodi corruptio & falsatio facta non sit, probamus I. *In genere*, ex omnibus iis argumentis, quæ pro integritate S. S. à nostris Theologis magno numero adducuntur. Vid B. D. Gerhardus in Exeg. LL. Th. L. de Sc. S. §. 318 seqq. it. Cōfets. Cath. l. 2. spec. part. 1. art. 1. C. 2. §. 2. B. D. Glasius Philol. Sacræ lib. 1. II. *In specie* autem ἡ ἀντιθέσις (1) ex defectu certæ probationis, ab Adversariis adductæ, ut mox videbimus. (2) ab impossibilitate hujus depravationis, idque α. ratione causarum efficientium. Aut enim à Christianis & Judæis facta est: idque ab iis vel conjunctim vel separatim prius esse non potest, nam hæ duæ partes nunquā conspirarunt: nec posterius, ob eandem rationem: alter enim alterius sacrilegiū statim prodidisset. β. ratione objecti. Biblia erant per totum orbem dispersa, in varias linguas translata: quomodo verò in omnibus exemplaribus dolus ille fieri posset, ut non collatis deprehenderetur. γ. *Ratione temporis & finis*. Aut enim ante Muhammedem corruperunt libros sacros, aut post eum. hoc dici nequit, extant enim antiquissima exemplaria tum Græca, tum Syriaca jam ante Muhammedis tempora scripta, quæ dd. l. nullam Muhammedis faciunt mentionem. Nec illud, fecissent enim hoc propter vaticinium aliquod de illo. Quæro itaque, quale vaticinium Christus de Muhammede ediderit, an ut de homine bono? an ut de malo? posterius Muhammedani, sat scio, non admittent: adversatur enim illorum causa, & si ita fuisset, Muhammedes minimè ad illud provocasset, nisi se suo indicio, ut forex, proditū voluisset. Imò, Christiani vel tum maximè ejus nomen reliquissent intactum, quò facilius illum hominem dignoscere possent, jam advenientem, adeoque sibi facilius ab eo cavere, ut-

pote, qui fœnum in cornu haberet. Si prius: ne quidem Christiani hoc bonum expungere voluissent, ἀρᾶντες γὰρ ἀγὰρ τὸ ὀφείοντα, ut ait Philothophorum Princeps. Nec dicere quis potest, ex mera malitia & invidia contra Muhammedem hoc Christianos commisisse. Nam tunc aliquid, quod in ignominiam Muhammedis peculiariter cessisset, rursus intulissent, ut Pseudo-Propheta, seductor, &c. Sed ubinam in illis libris, quos habemus, tale quid reperitur? (3) Ex testimonio ipsius Alcorani, quod admittere omnino debent. Surar. Jona: Si oboritur tibi suspicio de his, quæ in hoc Alcorano, misimus ad te, consule, eos, qui legerunt **SCRIPTURAS** ante te. Quod non potest de aliis intelligi, quàm de Judæis & Christianis. At! si nostri libri sunt corrupti, quomodo infallibilis, ut volunt, illorum Propheta potuit auditores suos ad falsata & fallentia testimonia remittere, vel decuit?

§. 5. Objicit (1) Joh. XIV. ubi post hæc verba: Ego rogabo Patrem, & alium Paraclitum dabit vobis, &c. nomen Muhammedis deletum. sed ait hoc: non probat. Contrarium nos in thesæos nostræ probatione adstruximus. Eadem ergo facilitate rejicitur, qua adfertur. (2) Deut. XVIII, 15. Resp. 1. illum locum de Christo agere, ceu patet ex Actor. III, 22. c. VII, 37. Joh. I, 45. Et ne dicat, N. T. in illis locis esse corruptum, reponimus 2. h. l. maxime Muhammedi adversari, nam 2. Muhammedes non est מֹשֶׁה כַּמּוֹךְ Propheta sicut Moses. Contraria enim Mosi ille docet, ut infra patebit, nec in miraculis venit, ut alter, de qua re suprâ adeoque β. non sunt דְּבָרֵי בִּינּוֹ verba Domini in ore ejus. γ. Non est מַחְוֶה de progenie Israelis, sed יִשְׁמָעֵל Ismaelis. (3) Locorum variorum discrepantiam, ut quod genealogia Christi aliter texatur à Matt. c. I. quàm à Luca c. III. vocatio Apostolorū Petri & Andreæ aliter narratur

retur à Johanne c. I. quàm à Matthæo c. IV. &c. 1. Non
veras, sed apparentes has esse contradictiones, in ipso con-
flictu, data occasione ostendemus, 2. Regerendo, plures esse
in ipso Alcorano dissentiones, ut post videbimus.

CONTROVERSIA II.

An Muhammed fuerit verus DEI Propheta, Christoque major?

§. I.

Affirmat hoc de se Pseudo-Propheta variis locis Alco-
rani. vocat enim se passim *و.و.ال* Apostolum
DEI, item Prophetam, Magnum scil. illum Deut. XII. X.
Unde & in circumcissione, quam in octavum, vel quod
excurrit, annum rejiciunt, hanc confessionem Islamismi
edunt: *والله واحد وما دعى وما دعى* *لا اله الا الله*
non est Deus, nisi Deus unus; Muhammed autem Propheta, nuncius, vel
Apostolus ejus. In extremo quoque judicio plus suam quàm
Christi intercessionem valituram fabulatur. Vid. Fabulo-
sissimum colloquium ejus cum Abdia Judæo: Sic Surat. XXXIII.
vocat se *المرسل* sigillum Prophetarum.

§. 2. Nos hoc negamus ex Lucæ XVI, 16. *Lex & Pro-
pheta* eos usque ad Johannem, &c. tunc deinceps regnum Dei evan-
gelizetur, evangelizatur. Nullum v. certius testimonium
Prophetæ habere possumus, quàm I. à doctrina. Unus idem-
que Deus, &, qui se se cæteris Prophetis & Muhammedi
revelavit, teste ipso Muhammede. Surat. de mulieribus. E-
quidem nos inspiravimus tibi, sicuti inspiravimus Nohe, & Pro-
phetis post eum, & apparuimus Abrahamo, & Ismaeli, & Isaaco
& Jacobo, & tribubus, & Josue, & Job, & Jonæ, & Aaroni, & Sa-
lomon, & dedimus Davidi Psalmos. &c. Ergo non potest de
una eademque re diversa dicere. At Muhammedes con-
trariatur cæteris, e. g. in manifestissimis. Mariam JESU
matrem, dicit Aaronis sororem esse, Surat. XIX. Mosen
in

in illius Pharaonis domo educatum, coram quo miracula
 ediderit, Sur. XXXVI. quod tamen falsum est, ceuliquet
 ex Exod. II, 23. libidines, homicidia admittit, &c.
 quæ tamen DEUS prohibet. Quæ deinde sint contradi-
 ctiones non solum cum libris sacris, sed & Alcorani cum
 seipso, neminem fugere potest, qui vel primis labris, ut a-
 junt, eum delibavit. II. *In vita.* Prophetarum vita fuit (1)
Sancta & quantum in hac mortalitate fieri potest, inculpa-
 ta. De Christo fatetur ipse Muhammedes passim eum fuisse
omnibus mulieribus & viris splendidiorem, mundiorem & jucundio-
rem, summi nuncii gaudium &c. virum sapientem, optimum,
ab universalitatis creatore missum. Muhammedes verò
 fuit Veneris cultor. vid. *àvovpux Christiani Disput. de Princi-*
patu & lege Mahomet. p. m. 14. mercatoribus ac viatoribus
 insidiatus est, latrocinis & homicidiis vacavit, aliorum
 camelos abstulit, pupillorum cujusdam carpentarii do-
 mum per vim occupatam *أ-د-و-م* seu templum fecit.
p. 3. Judæum quendam senem dormientem obtruncavit,
 impudicitæ & libidinis mancipium. *p. 4.* Et quis potest
 omnia ejus flagitia enumerare? (2) *Prospera,* quantum ad
 mirabilè è præsentissimis vitæ periculis creptione. Sic Deus
 Daniel. ex ore leonū liberavit, Dan. VI. Mosen à Pharaone
 Exod. XIV. Eliam ab Achabo, I. R. XVII. XVIII. XIX. At Mu-
 hammedi in ipsa vocatione, cum armis propagare jussum
 se diceret religionem, defuit successus; coactus est fugere
 Medinam. Elman. I. I. in maxilla vulneratus est, duo dentes ei
 excussi. *ibid. pralio superatus est.* Vid. *Autor de Hæres. Heraclii &*
princ. & lege Machumed. &c. III. à miraculis. Prophetæ
 V. T. miraculis fuerunt illustres, sed Muhammedis si quæ
 jactitantur miracula, falsà esse diximus & e mentita. IV. à
prædictione futurorum. Prophetæ à Deo missi, vera prædi-
 xerunt:

xerunt: Muhammedes mentitus est. tertiâ enim die post mortem se in cœlum assumptum iri prophetavit: sed ejus vaticinium cum foetore & pudore in nihilum abiit. Vid. cit. *disput. Anonymi illius Christiani p. m. 6. V. à donis.* Quos Deus misit, variis simul donis instruxit, ut Apostolos scientiâ variarum linguarum, *Act. II, 4.* Moſen variis prodigiis, *Exod. IV. &c.* Eliſæum itidem, *II. Reg. II, 9.* Davidem, *I. Sam. XVII, 34. 50.* Simſonem, *Jud. c. XIII. ad c. XVII.* At Muhammedes erat ſcribendi imperitus. *Surat. XVII* Imò ſolius linguæ Arabicæ vernaculæ ſuæ gnarus. Vid. *Cardinalis de Cuſa lib. 1. Cribat. Alcorani c. 4. VI. à propria confeſſione.* Nam *Surat. LVI.* dicit, *ſe nescire, utrum ipſe & ſui in via ſalutis ſint, nec ne?* contrâ Paulus, *Gal. I, 8.*

§. 3. *Objeiunt* (1) victorias ejus & Muſulemanorum multitudinem. *Reſp. 1.* victoriâ ſapè dari à Deo non merito ejus, qui vincit, ſed qui vincuntur. *Num. XIV, 45. Joſ. VII, 4. 5. ſeqq. 2.* Mahomedes ipſe victus eſt. *E.* ejus doctrina non eſt vera. 3. Diabolus plures ſeduxit, quàm Muhammedes, Ergo & ille hōc verior Propheta? 4. Non ſpiritu oris DEI, ſed ore gladii & fraudibus aucta Muſlemanorum ſecta eſt. Apponam & (2) objectionem, non tam ob ſui difficultatē, quàm objectantiū in mentiēdo impudentiâ. Dicunt *Muhammedis nomen etiam ab æterno in dextra divini throni parte ſcriptum*, hoc modo: &J) JJ &JJ) J &J-w. &J-w non eſt Deus niſi Deus ſcil. unus, ut alibi additur,) & Muhammed *Apoſtolus ejus.* *Reſp.* purum patū hoc mendacium evertit ſe 1. ſua ipſius abſurditate. nam 1. Deuſtalem materialem thronum ante conditum mundum non habuit. Quæro 2. quis illa ſcripſerit? Deus ne, an Angeli? Angeli ab æterno non fuerunt, ut ipſe fatetur, *Surat. XVII.* Si *DEUS* ſcripſit. quæro 3. quem ob finem? An
E ut

ut ipse tam præclari Prophetæ non oblivisceretur, qui
cuncta fecit & audit, Sur. VI. An quò *Angelis* scripto volunta-
tem suam ostenderet? At de hoc altum in Sc. S. silentium.
An verò Muhammedani tantâ oculorum acie valent, ut
hinc de terris juxta mentem Pseudo-Prophetæ possint il-
lam scripturam legere? 2. *propriis ipsorum hypotheseibus*. Be-
nedituri enim Muhammedi dicunt, rogantque Deum,
ut benedicat EI, SICUT benedixerat Abraham & generationi
ejus. Ergone & Abrahami & ejus posteritatis nomina iti-
dem ibi scripta sunt? Non admittent, credo, nec nos
id de Muhammede credimus. Sed quis adeò patiens, ut ve-
lit in his nugis tempus terere. Loca *Job.* 14. *Deut.* 18. antea
vindicavimus. Apud *Es.* XXI, 7. per *חמור רכב* non intelli-
gitur Christus, ut illi volunt, sed Cyrus, & per *גמל רכב*
Darius, non Muhammedis, nisi fortè concedere velint,
adventum Muhammedis fuisse *משפט* *omnis*. v. 1. & *חיות קשה*
visionem gravem. v. 2. cujus gratiâ lumbi Prophetæ impleti
sint *חלחור*, agritudine acerbissimâ, adeò, ut *צירים* dolores
corripuerint eum, *כציר וולדור*, ut dolores parturientis. v. 3.
נעוית משמע ונכר לי מי מראור Et corruerim cum audirem, &
turbatus sum, cum viderem, prout de se fatetur *Esaïas* ibidem.
Hocine Evangelium Muhammedis est? Istene lætus nun-
cius, quem Moyses & Jesus tot retrò seculis prædixerint
venturum? quique se ipsum Gaudii nuncium gloriatur.

CONTROVERSIA III.

An Alcoranus sit liber *ῥεῖοναυτος*, certa regula fidei & morum?

ID quidem statim ab initio. Alcorani ponit Muhamme-
des: Ita enim Sur. II. *hic liber absque falsitatis vel erroris anne-*
xus, veridicus & c. & paulò post: *Omnis Adversarius Gabrielis,*
hunc

hunc librum tuo cordi per *CREATOREM INTIMAN-*
TIS, ipsumque divino praecepto tuis commissum manibus, cum
viam rectam edocens spem bonam bonis polliceatur, confirmantis,
omnesque similiter hostes Dei &c. flagitiosos cruciatibus affliget:
Et hoc ipsum, vel similia ferè repetit singulis ferè paginis.
Unde & tanta veneratio inter Muhammedanos hujus li-
bri est (quemadmodum non solum *CL. Schickardus* in
המורה נבוכים refert, sed & *Pl. Rever. & Amplissimus Dn.*
PRESES, in quodam exemplari Alcorani Arabici
apud Hackspanium vidisse se mihi narravit) ut ejus invo-
lucro majusculis literis inscribi curent: *بسم الله الرحمن الرحيم*
الحمد لله رب العالمين ne tangat eum, nisi mundus. Non itaque eum ni-
si bene loti, idque extremis saltem digitis attingunt. Insi-
dere verò ei, ipsis immane est piaculum: Christianis verò
& Judaïs etiam capitale, referente *Busbeq. in itin. Constan-*
tinopol. p. m. 45. Hinc & in ejus honorem quamlibet char-
tam, temerè humi jacentem, tollunt, rimæque indunt, ne
fortè illa ex Alcorano delapsa, nomen DEI vel Muham-
medis contineat. hoc verò mirè ad salutem facere sibi ima-
ginantur. Nam cum alia nulla iis via detur ad Paradisum,
quàm per ingentem ferream cratem, igne fervefactam &
candentem, idque nudis pedibus, veluti gallo gallinaceo
per prunas gradatim subsilienti: hæc (ajunt) charta, me-
mor olim exhibiti honoris, ex improvviso aderit, pedibus-
que substernetur, vicemque relaturo pedes eorum ab ignis
injuria muniat. memorat *idem l. c. 44.* Unde etiam famulis
ipsius (*Busbequii*) vehementer irascebantur, cum viderent,
illos ad sordidissima quæque ministeria, chartis abuti. Por-
rò quanto apud Muhammedanos in pretio lectio Alcorani
sit, patet quoque ex *Sur. LXXIV.* ubi hæc leguntur: *In Deum*
operum vestrorum cognitorem, atque Prophetam, & hunc (librum)

E 2

vobis

vobis divinitus missum *CREDITE*. Unde & scribunt:
من قرأ حرفا من كتاب الله وله
عشرون مثقالا من ثوابه qui unicam tantum legit de libro *DEI* (Alcorano sc.)
literam, *MERETUR* bonum retributionis. Ita etiam hic
liber, ne inficius fies, etiam de opere operato justificat.

§. 2. Nos contra hujus Alcorani *ḥeḥvevūḥ* planē
rejicimus, ejusque auctoritatem loco libri non solum non
sacri, sed ne sapientis quidem dignamur, imò pro fanatico
habemus. idque I. *ratione causa efficientis*. Compositus enim
est à Muhammede, homine omnium bipedum scelestissimo,
impurissimo, & Cumano alino rudiore, qui ipse, juxta
propriam confessionem, nesciebat, an ille, & sui in via salutis
essent, nec ne? Deinde, si vel maxime de Muhammede ipso
concederetur, eum Prophetam fuisse à Deo missum, quid
fiet de reliquis, qui post eum in Alcorano vel aliquid mu-
tarunt, vel addiderunt, vel detraxerunt? An & illi pariter
ḥeḥvevūḥ credendi? Negat certè id, si fortè dixerint, ipse
eorum Prophetæ, urpote, qui nullum post se Prophetam ven-
turum ait: quamvis in illo, ut in aliis ferè omnibus, fallatur
& fallat homo mendax. Nam quidam, Solem nomine, post
apud Babylonios Prophetæ surrexit; ipseque falsus ut ille,
multique Saracenorum ei adhæserunt; sed meritas tandem
Tartaris seductionis poenas dedit, teste Fr. Richardo c. IX.
Cæterum ipsum Alcoran quod concernit: varias miser su-
biit mutationes, fereque mortuo Muhammed Muham-
medis hic infelix foetus immortalis fuisset, ni complures
ei obstetricati fuissent. Et primò quidem tocero ejus A-
bubecro imperitante, cum alii legerent secundum Hali
Prophetæ generum, alii secundum Arabem quendam, è
deserto nuper proflientem, alii secundum Zabe-
fatim & Arabin, alii secundum alios; omnes quæ quidem
repe

reperiri poterant (quid? si non omnes tum reperta sunt?) hinc inde dispersæ partes in rotulis & membranis allatae sunt. Super his, veluti Eridos pomo, maximæ coortæ sunt acerbissimæq; contentiones, cum alii dicerent ad alterum *Ego melius quam tu habeo, sed tu deterius quam ego: & ego totum habeo, sed tu nihil: ut refert eruditissimus ille anonymus Christianus de hæresi Heraclii, & principatu & lege Machumetis, pag. m. 10.* Atque hæc est certitudo fidei Muhammedanæ! Deinde cum Osmannus summam rerum ad se rapuisset, iterum tumultuatum est de vera hujus, si Diis placet! authentici libri lectione. Tyrannus itaque non sine causa subvertus, ne hoc religionis dissidium, in regionis quoque, ut afolet, excidium vergeret, omnia rursus volumina comporari iussit, Alcoranique integritatem, teste *libro de generat. Muhammed*, collegit. Nec verò tum etiam in iterata hac collectione omnes in libris tradendis Imperatori fuerunt dicto audientes. Hali certè Imperat. æmulus idemque Pseudo- Prophetæ, ut diximus, gener, alique, Sultano per hoc insidias struere volentes, suos tradere noluerunt. Igitur quis nos certos reddet, num Zeidus filius Zebid Alenzari & Abdalla filius Alahebet, (qui Duumviri tum constituen- di Alcorani ab Imperatore creabantur) magis immunitate errandi gavisii fuerint, quam Hali, qui sua exemplaria retinebat? quæ sanè exemplaria si non *diversum* quid continuissent ab iis, quæ habebat Imperator cum suis, utique Hali in publicum ea produxisset: & quid aliàs potuissent illa inservire homini res novas molienti? De Priorum, scilicet Zeidi & Abdallæ, *divina agnoscia* quòd Musulmani non certi tum fuerint, satis superque testatur decretum mox subjunctum: *Si contigerit, vos in aliquo capite non posse concordare, scribite secundum exemplar & auctoritatem Chorais.* At pro Hali stant Persæ omnes, qui uno ore dicunt: *maledictus Abubecer,*

becer, Omar & Osman, Clementiâ verò utatur Deus, erga HALI,
 inque EO sibi perplaceat. Et rursus quidam Persâ: عَلَيْهِ السَّلَامُ
 Ali pro Deo non agnosco: sed nec proculeum à Deo esse scio. (De
 differentiâ autem Persarum & Turcarum præter hanc, vi-
 deri potest Hornbek in summa contro. p. 97.) & seqq. it.
 Hotting. in Histor. Orient. pag. 366. seqq. Sed nec dum quid in
 in Islamismo cessavit תקון ספרים, id est, correctio Scri-
 barum; ut id verbi ex Judaismo, unde & illi dogmata sua,
 maximam partem, vesana petierunt, tantisper mutentur.
 Nam & post, Elehagio sc. filio Vizes ad clavum Reipubli-
 cæ sedente, denuo eandem ob causam congesti sunt in-
 gentes Alcorani codicum acervi, ex quibus rursus multis
 detractis, multis immutatis, multis de novo insertis, novus
 tertium prodiit Alcoranus; reliquis ad Vulcanum, gymna-
 sium illud condignum Pseudo Prophetæ, relegatis. Quis
 verò adseverabit, quod nec ibi aliquod verbum Prophetæ
 deflagravit? Capitulum certè Bovis, (caput est in Alcora-
 no: Si non bovina ibi omnia!) olim prolixius fuisse capi-
 tulo Vacce, hodie contrâ re sese habente, fatentur ipsi Mu-
 hammedani. Imò, seriò nonnulli inter eos conqueruntur,
 TOTAM Alcorani Scripturam adeò commixtam & confusam
 esse, ut quicquid ibi est, totum sine continuatione, sine compositione,
 absque omni verborum ordine, postremò absque ullo sensu vel ratio-
 ne videatur. Confer. cit. Christiani illius anonym. Disput. p. 9.
 & seqq. item: Fratrem Richard. cap. XIII. Cantacuz. Orat. I.
 Ne verò respondeant: Collectionem quidem Alcorani ab homi-
 nibus factam esse: Intimationem ejus in cor Muhammedis à DEO
 per Gabrielem Archangelum profectam: Videamus II. de materia
 seu sensu in hoc libro contento. Sur. LI. autor ipse pronunciat,
 unde de Alcorano fieri judicium debeat: hic liber, ait, à
 DEO pio sapienteque compositus, nec MENDACIUM aliquod
 præ-

*diso habitationes amenas, domosq; perpulchras vobis tribuet. Dabit
 item aliud à vobis maxime dilectum, videlicet Vindictam, & Terra-
 rum levē & facilem acquisitionem, &c.) sed & suo exemplo pul-
 chre iis prævit, uti in controu. superiori diximus. Egregium
 hercle magistrum! Non opus habuisset eos ad id instigare:
 sua enim sponte satis furebant. Arabum enim gens, & alias,
 latrocinis fuit dedita, teste Hieronymo in cap. III. Jerem Uxo-
 res ἀγαπᾶν ὡς τὰ ἑαυτῶν σώματα Deus præcipit, Eph. V,
 28. & quos Deus συνέχεσθαι, ab homine non vult disjungi.
 Matth. XIX, 6. Hic verò, ceu falsò gloriatur, Apostolus
 non solum verberibus easdem ad officium redigere suadet,
 Sur. IX. sed & dimittere pro lubitu jubet Sur. III. IIX.
 LXXV. Taceo summam ejus in omnibus f. re, quarum
 meminit, historiarum Biblicarū ἀντοκίας. e. g. Sur. XXXVI.
 Ismaelem vocat Ἰσμαὴλ sacrificandum DEO,
 cum tamen Isaacus is fuerit, Gen. XXII, 9. Jacob. II, 41.
 Mariam peperisse ad truncum palmæ, Sur. 39. cum tamen
 ἐν τῇ πόλει contigerit, Luc. II, 7. Eliam Tisbitem fuisse
 Mosi coætaneum. vid. Hotting. Hist. or. pag. m. 59.
 60. Inter quos tamen multorum seculorum fuit interca-
 pedo. Et sic in aliis passim historiis sacris, quas nunquam
 non in Christianorum & Judæorum gratiam inspergit;
 plerumque verò simul miserè disperdit: quod primo sta-
 tim intuitui lectorem fugere nequit. At verò dicunt Arabes:
 (مَنْ كَذَبَ فِي شَيْءٍ مِنْ كِتَابِ اللَّهِ يَكْفُرْ بِهِ) qui semel in mendacio deprehensus est, ei meritò deinceps derogatur
 fides. Sciens itaque si ejusmodi παραχρησμός & ἀντοκίας
 fecit, malitiam id ejus arguit; si nescius, ignorantiam: neu-
 trum verò, animum verè Propheticum. Præterea est Al-
 koranus (2) non solum S. S. sed & sibi ipsi contrarius. Vide
 (nam nos operæ parcimus) Lud. Vv. l. 4. de Verit. Fid. Christ.
 Rich*

Richard lib. 3. c. 2. 6. Cantacuz. Orat. 2. Joh. And. confus. Sect.
Muham. c. 10. p. 141. Fortal. Fidei L. 4. confid. 3. passu 6. Hornb.
lib. sapiens cit. p. 131. aliosque. II. Est maxime ridiculus & anilis.
 Deus quando cum hominibus loquitur, serius est. Vide sal-
 tem *Exod. XXXIII, 2. Amos. IX. 1. seqq. Luc. XIX. 41.*
 &c. Muhammedes contra Siculas gerras, iisque si quid va-
 nius, profert: e.g. Salomonem intellexisse garritum avium;
 ita enim interpretatur hic Mysta cum Judæis suis locum
I. Reg. IV. 33.: adjutum esse à dæmonibus in templo ex-
 struendo; quæ, ut alia multa, ab iisdem Judæis habuit. *Vid.*
שיר השירים רבה, haud longè ab initio. Eundem quoque
 Salomonem cum isto suo exercitu, collecto ex avibus, ho-
 minibus, dæmonibus, & quibus non? egressum in formi-
 carum agmen incidisse: ex quibus unam cæteras adhorta-
 tam, ut in habitationes suas se reciperent, ne opprimeren-
 tur à supervenientibus copiis, &c. Regem quoque illum
 jam mortuum diu latuisse demones, donec vermiculus
 (*שומרון* fortè is, quo lapidibus admoto, illi *מאליהן* à se ipsis
 sine usu ferramenti scindebantur: ceu fingitur in Thalmud,
Massechet גיטין c. 7. & ita locum *I. Reg. VI. 7.* intellectum
 volunt) baculum, cuius veluti vivus adhuc innitebatur,
 corroderet. Upupam regem de idololatria Reginæ Sabæ
 edocuisse: literas ad eandem pertulisse, &c. *Vide Fortal. Fidei*
loc. cit. passu 3. Cantacuz. Orat. 2. n. 13. 14. Richard. c. 4. Joh.
And. Confus. Sect. Muham. c. 4. 5. 10. Thom. à Jesu de conv. gent.
l. 10. p. 666. Joh. Forbes. historico-Theol. l. 4. c. 13. & sexcen-
ta alia, Æsopiciis fabulis insulsiora. Lukmannum quoque,
Arabicum illum fabulatorem, eundem esse cum Æsopo
Phrygió, ex eoque plurima Alcorani, desumisse hunc va-
niloquum, colligit Horr. lib. cit. pag. 63. seqq. Imò funda-
mentum, quo tota lex innititur, scilicet ascensus Pseudo-
Prophetæ in cælum. Apulejanis fabulis, aliisque, quibus

F
aniculæ

ancilæ infantes solari solent, nugatius est. Vide eius de-
 scriptionem in *Fortal. fid. l. c. p. 194. Roder. Ximor. de reb. gest.*
Sara. in vita Muhammed. III. à Forma. Est in Alkorano (I.)
 maxime tadiosa & inconcinna ταυτολογία. Totum ferè caput
 aliquando nihil continet aliud, quàm: *Deus est misericors,*
magnus, potens, omnia cognoscens, &c. Item: *credite in DEUM,*
 & *والمؤمنين* & *Apostolum ejus*, puta Muhammedem. Imò sub
 finem libri, verba ipsa, ut seni deliro, deesse videntur. Hinc
 fit, ut eum, qui semel illum evolverit, denuò non capiat
 cupido illum in manus rursus sumendi; nisi aliqua urse-
 rit necessitas. Quod prævidentes illorum religiosi astutè
 pro singulis suratis in eo legendis, singula quoque vitæ æ-
 ternæ brabea (uti matres filiis ardorem literarum ciere
 solent) constituerunt. Vid. *Hotting. Smeg. Orient. l. 3. part. 2.*
c. 2. it. de biblioth. Or. p. 108. seqq. (2.) Inhonesti obscenitas. Scri-
 ptura sacra, ut à casta mente protecta, verecunda est in iis
 rebus describendis, quæ ingenuis pudorem incutere solent.
 Vide *I. Cor. VII. 3. Gen. IV. 1. 25. XXIX. 23. XLIX. 10. I. Sam.*
XXIV. &c. Hic verò impurus hircus non auribus parcat: id
 quod eos, qui Arabicè quid sciunt, præterire nequit. H' δὲ
 ἀνωθεν σοφία, dicit S. *Jacobus C. III. 17. πρῶτον μὲν ἀγνὴ ἐστὶν,*
καὶ πάλιν ἐγεννήθη &c. conf. *I. Cor. III. 16. 17. VI. 15. seqq. Eph. IV.*
29. 30. Heb. XII. 14. (3.) Nullus denique in pelago hoc menda-
ciorum ordo, nulla in argumentationibus vis, ut lectio confir-
mabit. Vid. interim *Fortalit. fid. p. m. 198. IV. à fine.* Finis
 omnium nostrarum actionum esse debet gloria DEI, *I. Cor.*
X. 31. imprimis autem is finis est revelationis divinæ, *Prov.*
XVI. 4. ut & simul hominum Salus, *Joh. V. 39. XX. 31.* Hic
 verò, si modò homines tributum pendant, de salute illo-
 rum non magnoperè est sollicitus. conf. *Nicol de Cusa lib.*
3. c. 8. contrà *I. Cor. XI. 14.* Hinc cum nulla ratione posset
 Æthio-

Aethiopes in Africa, ob interjectum sinum Arabicum, à
 Christianismo ad suam superstitionem avertere, ad soli-
 tum sibi telum, mendacium, se convertit. Acceperat enim,
 hos ob amicitiam olim Regina Sabæ cum Salomone, He-
 bræa sacra amplexos, ultimòque Christianos factos: Effin-
 git itaque Suram XXXVII. in qua comminiscitur gra-
 vissimas simultates inter reginam illam, Regemque exti-
 tisse, indeque subsecuta olim bella multa; ut excitato sic
 odio, cum amore Hebrææ gentis, etiam Christianorum sa-
 cra, à Judæis quondam profecta, abjicerent. *Widmestadius*
I. C. annot. ad. Epit. Alcor. n. 63. Quomodo item Alcorano,
 ut velamine flagitiorum suorum, usus sit, narrat *Hornb. in*
libro nominato p. 115. seqq. & Hott. lib. cit. p. 217. His adjici
 possunt multa alia, c. g. maxima æ. *obscuritas.* Dicit enim,
 Alcoranum à nullo alio, nisi à solo DEO posse intelligi
Cantacuz. orat. IV. Septemcastr. c. XX. Quæ ergo ejus utilitas?
 β. *Particularitas.* Fateatur, se ad solos Arabes missum, idque
 ut eos ab Idolorum saltem cultu averteret, quid ergo ei
 cum aliis, qui jam Muslemanni i. e. Orthodoxi videntur,
 verumque Deum ajunt se colere? Quid cum Turcis, qui
 Arabes non sunt? Denique *propria confessio.* Narrant *Cant-*
tacuz. orat. II. & Rich. lib. CIL. c. IX. Muhammedem di-
 xisse: se librum fecisse duodecim millium verborum mira-
 bilium, sed in quo saltem tria millia vera essent; cætera ve-
 rò falsa. Quomodo ergo jam dignoscere queunt, ubinam
 verum, & ubinam falsum, in hac tam confusa mole lateat?
 Contrà verò B. *Augustinus* de nostris Bibliis: *Si unum solum*
verbum falsum inveniretur, justum esset, quod totum Evangelium
frivolum & vanum existimaretur & fabulosum.

CONTROVERSIA PRIMA.

§. I.

Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.357

confessio apud Marc. VI, 7. Accinit eadem chordâ Sam-
 psates Isphacanes Perla in Epist. ad Monachum Meletium:
Christum, cum sit SERMO DEI, falso traducunt Christiani,
quod dixerit, se filium DEI esse. nonne hunc Judæi, ait, interroga-
verunt: Tunc es filius Dei? & ἑρμήνευον, sed negavit, & dixit: ὁ
υἱὸς τοῦ λέγετε, Vos id dicitis. Hinc impudens hic perditio-
nis filius, Sur. XIII. introducit Deum graviter cum Chri-
sto exostulantem, quasi is legati fines transgressus docuerit
mortales, se & MATREM duos DEOS colere; Christum
verò contrâ factum sanctè pernegantem. Adeò divinitas
Christi, Diabolo semper in oculis fides est, ut singulis fe-
rè seculis excirarit quosdam, qui eam oppugnarint, quo-
rum Catalogum videlis apud Bibliand. in Apol. pro edit. Al-
cor. Chemnit. in Loco de Fil. DEI. B. Gerh. Loc. de Pers. & Off.
Chr. §. 185. seqq. Illorum è ludo, quod & hic impostor exie-
rit. satis patet. Nec desinit, proh dolor! hic ἀντιχριστός
idem per Judæos & Socinianos etiamnum moliri. Quapro-
pter nobis majori cura hoc Palladium, & quidem haud
perfunctoriè, custodiendum.

§. 2. Cæterum illi quidem ex V. T. uti Gen. XLIX.
 10. II. Sam. VII, 19. Psal. LXXXIX. Es. VII, 14. VIII, 13. 14.
 VI, 18. 22. 23. Jer. XXXIII. Hag. II, 8. Zach. XIII, 2. 3. Ma-
 lat. III, 1. &c. Hi verò, ex N. pariter T. convinci possunt,
 uti ex Joh. I, 1. X, 30. XX, 28. Rom. I, 3. IX, 5. I. Cor. II, 7. 8.
 Col. I, 2. 3. 15. Phil. II, 5. 6. 7. I. Tim. III, 16. Joh. V, 20. Apoc.
 XI, 22. &c. Cum infidelibus verò. quamdiu Scripturam
 S. non admittunt nisi ex illorum principiis, i.e. Alkorano,
 nihil agi potest. Conquirenda itaq; ex illorum hoc arma-
 mentario arma, quibus ἡ ἀποστολική fides & nostra firme-
 tur, & illorum reddatur suspecta. Suppeditat v. hæc Mu-
 hammedis de Christo confessio, I. Quoad nomen, quod sit
 v. g. VERBUM DEI. Surat. Ibrahim dicunt Angeli Beatz

Virgini: Maria, DEUS prætulit & purificavit te SUPER
 OMNES MULIERES. Et mox subjungunt: DEUS
 annunciat tibi de verbo suo, & nomē ejus JESUS CHRISTUS, filius Mariæ.
 Et sic Surata Elneſa: ne dicatis de Deo niſi veritatem, ſc. quod
 JESUS CHRISTUS filius Mariæ ſit nuncius DEI, & verbum DEI,
 quod ipſum poſuit in ea per SPIRITUM SANCTUM.
 Nec diſſententur illi, Chriſtum eſſe VERBUM DEI; uti vel
 ex Sampſatis teſtimonio jam citato, liquet. Quæri itaque
 non abs re poteſt, quale Chriſtus ſit verbum DEI? num
 ὑποſτατικόν, an ὑποſτατικόν; ſi ὑποſτατικόν, an propriè intelli-
 gendum, an v. tropicè? illud non poteſt eſſe: nam ὑποſτατικόν
 illa multa ſunt, quin & tranſeuntia; Chriſtus verò unum
 quid eſt, & permanens. Si Tropicè: tum vel ideò, quia ipſe
 concipiendus, Matri ſuæ verbo Dei ſit annunciatuſ? Et ſic
 nulla ſit Mariæ ſuper omnes Mulieres eveſtio, ut illorum
 Propheta h. l. vult: nam & aliis matribus idem quandoque
 contigit, uti Gen. XII. 10. Jud. XIII. 3. II. Reg. IV. 16. Luc. I.
 13. Vel ideò, quia verba Dei ipſe aliis annunciarit? At neque
 hæc ejus matris vè præ aliis, quibus idem contigit multis,
 prærogativa eſt? Relinquitur ergò, quod verbum ſit DEI
 ὑποſτατικόν, quod & nos confitemur, ex Joh. I. 1. adeòque
 verus Deus. Cæterum videntur hanc locutionem ei affri-
 cuiſſe reliquæ Veterum Arianorum cæterorumque, quo-
 rum virus apud Ægyptios & Arabes aliquamdiu latuit, &
 poſtremò, autore Muhammede, magiſtroque ejus Sergio,
 late diffuſum eſt, teſte Pio Pontifice (qui antea Æneas Syl-
 viuſ dictuſ erat) in Epiſt. ad Morbiſanuſ Turc. principem
 p. m. 74. Hi enim λόγον ante omneſ alias reſ, quo tanquam
 inſtrumento Pater ad cæteras creandas uteretur, creatum
 dicebant. Quem errorem Ariuſ itidem à Judæis imbibiffe,
 infra de creatione ex Widmeſtadio dicetur. Similiter &
 alia plurima encomia Chriſto in Alkorano tributa, paſſim
 obser-

observari possunt e. g. Sur. V. quod sit *facies omnium gentium*,
optimus ab universitatis creatore missus &c. روح الله Spiritus
 Dei, anima Dei &c. Unde (2.) patet, cum nec attributa
 divina Christo, salvâ suâ fide, derogare posse, uti e. gr. *eter-*
nitatem: Absurdum n. est, imò & *Impossibile*, Deum unquam
 sine Spiritu, sine anima, sine sapientia fuisse. Christum E.
 cum dicat hæc omnia esse, largiatur necessum est, eum &
 ab æterno fuisse, quod de Deo non inficiatur; sicque con-
 veniet cum *Prov. II. 22. Joh. I. 1.* Sic & Omniscientiam
1. Cor. II, 10. Omnipotentiam *Prov. II. 15. &c.* (3.) Mira-
 culorum effectum Christo non denegat. Sur. n. cit. ait:
cæcos & mutos curabit, & morphaticos & leprosos emundabit, mor-
tuos vivificabit &c. Sed addit mox idem, quod Sociniani, di-
 vinitatem Christi hinc non posse evinci. Verùm refutatur
 is error ex *Es. XL. 10.* coll. cum *Matth. III, 3. Joh. II, 11. Matth.*
X. 1. Marc. XVI. 17. contrâ de sanctis, qui miracula patrâ-
 runt, habes, e. gr. *Act. III. 6. 9. 10. 16.* Nec hoc subterfu-
 gere queunt & infideles, si Alcoranum à mendacio libera-
 re volunt: qui Christum, uti dictum est, *Verbum Dei, Animam*
Dei, Spiritum Dei, &c. vocat. Summa: tam honorifica sit
 Christi in Alcorano mentio ut exinde is, inter mediòs in-
 fideles aperte in Sacellis, ejus nomini dicatis, (4) colatur;
 imò & in prælium ituri ejus nomen gestent veluti præsentis-
 simum *ἀλγίστην* vid. Schick, in *Tarich. pag. 80* Ubi & refertur,
 quod P. Texeira focii, cum secundo Tigri veherentur,
 prope Bazoram, urbem in confinio Persidis & Arabiæ si-
 tam subito è navire cecidi, devotissime adorârunt versus Ana-
 chorita cujusdam domicilium, ultra ripam in oppositum
 conspectum quod Filio Mariæ cum circumjacente palme-
 to dicatum erat. Et non solum Christum supra Muhamme-
 dem in cœlo esse fatentur, vid. *Officina Bibl. VValth. ad Evang.*
 sedi

sed & in libro Camus, magnæ apud illos auctoritatis, verba
Ps. II. 7. Tu es Filius meus, & ego hodie genui te, de Christo acci-
 pienda largiuntur; uti refert Guadagnolus p. 478 cur ergo
 non כבודו osculantur Filium, & sunt ex illis felicibus,
 כבודו qui confidunt in eum, juxta ejusdem *Ps. v. 12.*

§. 3. Offendicula, quæ Satanas & vesana ratio po-
 nunt, ut totus fere oriens ad lapidem hunc, positum quidem
 in Sion à Deo Salutis ἀπαρχὴν, *I. Pet. II. 6.* per acci-
 dens v. factum τοῖς ἀπειθοῖς כנהוצור מכשור *Es. VIII. 14.*
I. Pet. II. 6. & σημεῖον ἀπληρόν Luc. II. 34. impingat, le-
 vicula sunt. Obijciunt v. (1) Christum non seipsum, cum in terris
 versaretur, vocasse Deum. & Falsum hoc est. contrariū enim
 patet ex *Joh. IV. 26. V. 17. 18. seqq. IX. 35. 37. X. 24. 25. 30.*
36. seqq. XII. 45. XIV. 1. XIX. 7. Marc. XIV. 61. 62. Dein-
 de: si vel maximè id concederetur, quid tum postea? Dum
 v. g. solem ut sponsum è thalamo prodeuntem *Psal. XIX.*
6. videmus, ecquid dubitamus, id solem esse, licet ille de
 se non tubicinet: se solem esse? Similiter, si principem vi-
 demus, annon talem credimus, si vel maximè ipse de se idē
 non deprædicet? Multi venient, qui dicent se esse Christum,
Matth. XXIV. 5. ad opera itaque nos Christus remittit
Matth. XI. 5. Joh. X. 25. 37. XIX. 11. Insuper: alios se Deum
 appellantes tantum abfuit, ut increparit, ut magis in fide
 confirmarit, uti videre est ex *Matth. XVI. 16. seqq. Joh. I. 47.*
seqq. Joh. I. 47. seqq. XX. 26. seqq. Aliud vero fecerunt sancti
 Dei homines, saltem *Act. X. 25. 26. XIV. 13. seqq.* uti &
 Angeli, *Apoc. XXII. 9.* Quod & contra Socinianos obser-
 vandum est, qui eodem hic, uti sæpè aliàs, vitulo arant. (2)
 Interrogatum à Judæis Christum, num Filius Dei esset, ait
 Sampates modò adductus, respondisse: ὅτι ὑμεῖς ἔ λέγετε,
Vos hoc dicitis, intellige, non ego hoc dico, puta *Matth. XXVI.*
73. Resp. Hunc loquendi modum non negativum, sed affir-
 mativum

mativum esse, quod patet lucē meridiana clarius I. ex ipso
contextu, idque α. ex subjuncta Christi declaratione v. 64. β.
 Summi Sacerdotis offensione. v. 65. γ. Circumstantiarum
 consideratione. v. 66. II. ex Loco parallelo apud Marcum
 XVI. 62. ubi hæc phrasis, per ἐγὼ εἶμι rotunde exponitur.
 III. Locutionibus similibus, *Matth. XXVI. 25. XXI. II. II. Conf.*
Johann. XIII. 37. Ex quibus & vanitas (3.) objectionis,
 quod Discipuli Christi hoc confinxerint, uti responsum
 Diaboli ad Julianum imitantur etiam hodie quidam Em-
 pæctæ. Nam α. si tam libenter mentiri voluissent, cur non
 sibi potius, uti Alexander Magnus, Apollonius Thya-
 nazus aliique, quàm alteri divinos honores ementiri fuif-
 sent. β. Nullæ causæ erant, quæ illos ad hanc rem adduce-
 rent: quæ verò ipsos abducerent, quamplurimæ; puta,
 ignominia, verbera, cædes &c. Quæ omnia ipsos mansisse,
 Acta Apostolorum & historia Ecclesiastica luculenter re-
 stantur.

CONTROVERSIA II.

*An Jesus Nazarenus revera à Judæis sub Pontio Pilato sit
 crucifixus, idque in λόγος totius generis
 humani?*

ITA verè in symbolo Apostolico confitemur ex S. Scri-
 ptura: negat vero Muhammedes ille *Christianorum & Ju-*
deorum mancipiorum discipulus, ut eum appellat Widmesta-
 dius J. C. in ejus vita ad Ludovicum Bavarix Ducem. Judæi
 enim, uti nunc, ita & olim, Christum Christianosque va-
 riis & blasphemis & conviciis onerabant. Salvatorem
 quidem ipsum vocantes סמור *Spurium*, תלוי *crucifixum* ימור
 שמו *deleatur nomen ejus* &c. hos verò כלבים *canes*, רשעים
 G *impro-*

improbos, אֱדוֹמָאִים Edomæos, גוֹיִם gentes, דִּיבּוֹלוֹס Diabolos,
 נַשְׁמַתָּם כְּנַחֲמָם anima illorum sit in inferno, &c. Vid. B.
 Luth. Tom. 8. Jen. lib. de Jud., Ern. Ferd. in Flagel. Jud. Buxt.
 Lex. Talm. pag. 1184. 2595. B. D. Gerh. in loc. de Magistr. Polit.
 §. 223. aliique. Christianis itaque contra gratificaturus,
 dicat Sur. XI. מָה קִנְיָנוּ וּמָה מַלְיוֹנוֹ וְלֹא זָכָנוּ שְׂמֵחָה לָהֶם
 וְלֹא זָכָנוּ לְחַיִּימוֹת לִבָּי שְׂמֵחָה מֵאֵל מָה לָהֶם בְּהַם מִן
 עָלָם אֶלָּא אֲנִיחָא אֶלְטָן וּמָה קִנְיָנוּ יִתְבָּנָא בְּדִּי מִרְפָּעָה אֵלֶּה
 Non interfecerunt sc. Jud.
 eum (Christum) neque crucifixerunt, sed ira tantum videbatur il-
 lis. Et certè qui in eo disputant, certi nihil fervent: non scientiam, sed
 communè duntaxat opinionem sequuntur. Non equidè interfecerunt
 eum, sed sublatum ad se eum Deus assumpsit; Deus enim potens est, &
 sapiens. Atque sic, dum odia ex orbe tollere vult hic syncre-
 tista, antiquum serpentis odium magis ferit. Nam quod
 hic Diabolus per Muhammedem molitur, id fecit & olim,
 per Cerinthianos, Cerdonianos, Marcionitas, Manichæos, &c. qui
 Christum non verum corpus, sed φάντασμα aliquod assu-
 misse, adeoque κατὰ δόξαν saltē (unde & Docitæ dicti sunt
 hi Hæretici) esse mortuum: Vide Tertull. lib. adv. Marcion.
 & lib. 1. de carne Christi. Epiph. hæres. 41. 42. Iren. l. 1. c. 29.
 Clem. Alex. lib. 4. Stromat. Theodoret. Dialog. 2. c. 4. August. de
 hæres. cap. 22. Niceph. l. 6. c. 31. Basilidiani verò: ὅχι Ἰησοῦ πε-
 πονθῆναι, ἀλλὰ Σίμωνα τὸν Κυρηναῖον, (de quo Matth. XXVII.
 32.) fabulabantur, Vide Epiph. hæres. 24. Iren. l. 1. c. 21. Au-
 gust. de hæres. c. 4. &c. Quod Satanæ in mortem Christi Va-
 tinianum odium, nec cessare nostris temporibus, Socinia-
 ni satis superque nos admonent.

§. 4. Digna itaque visa est Basilidis sententia, quæ
 ab impostore interpolaretur. Astute itaque pro Simone
 Cyre-

Cyrenæo intravit Judam Ischariotam, sicque vetus dogma
 orbi obruit pro novo. Judam enim Muhammedani vo-
 lunt, dum Salvatorem quæreret, à Judæis fortè fortunæ ar-
 reptum, locoque Christi in crucem actum; ipsum verò
 Christum interea esse per tectum à Deo sublatum in quen-
 dam locum coeli, ubi is ad extremum usque diem sit per-
 mansurus. Tum verò clangente Angelo tuba, unà cum
 cæteris eum creaturis in scenam esse proditurum, atque
 cum iisdem ab Angelo mortis tandem occidendum: post
 aliquot XL. annorum intervalla in judicio appariturum,
 non quidem ut judicem, quemadmodum Scriptura te-
 statur, *Matth. XXV. 31. 32. Act. X. 42. XVII. 31. &c.* sed
 ut testem saltem servatæ vel violatæ legis; quemadmodum
 adfuturus & Moses ibi cum suis, villicationis rationem red-
 diturus. Vide *Theol. Mahom. seu Colloq. cum Abd. Jud.* Atque
 hæc illorum sunt Lethæa de morte Christi insomnia.

§. 5. os itaque verbo Dei melius, Dei gratiâ in-
 formati, contrà dicimus: verum Messiam debuisse pro pec-
 catis mundi mori, juxta Prophetarum varicinia τῶν
 προφητῶν περὶ τοῦ τοῦ αἰῶνος τοῦ αἰῶνος τοῦ αἰῶνος
 δόξας, ut loquitur D. Petrus *I. Epist. I. 11.* uti sunt v. gr. *Pf.*
XXII. 7. 8. 17. 18. &c. Es. LIII. 4. 5. 6. &c. Dan. IX. 26. &c.
 atque sic illud *Judeorum* de duplici Messia commentum glo-
 rioso scilicet uno & majestatico Filio David, altero verò
 humili & paupere filio Joseph (Vide *Abeath Rochel* part.
 I. prorsus exhibilandum: Jesum quoque Nazarenum, ve-
 rum illum promissum Messiam, revera in cruce non solum
 esse mortuum contrà *Muhammedanos*, aliosque *Docitas*, ex
Matt. XXVII. 32. Luc. XXIII. 46. XXIV. 46. Act.
III. 15. XX. 28. Rom. IIX. 32. I. Cor. II. 8. Joseph. l. 13.
Antiq. c. 4. Epist. Pilati ad Claud. Tib. Imperat. in monum.

Patrum orthodoxographis pag. 2. &c. scimus; sed & eundem, pro peccatis totius mundi revera fuisse ἀπλότοις, contrā eosdem pariter ac Socinianos, vid. cit. Es. LIII. 4. seqq. Dan. IX. 24. ut & Ioh. I. 29. VI. 51. Rom. IV. 25. V. 8. 18. seqq. XIV. 26. II. Cor. V. 14. 15. &c. Quod ad fidei nostræ confirmationem adduxisse sufficiat. Cæterum in specie contrā infideles, si opus est, observandum (1.) tempore passionis Dominicæ maximā Jerosolymas, confluisse hominum multitudinem, ob festum Paschatos juxta Dei mandatum Exod. XXIII. 17. Deut. XVI. 16. quos hujus spectaculi non fuisse incuriosos patet ex Luca c. XXIV. 18. Nec deportatione X. tribuum, hunc numerum ad summam paucitatem redactum fuisse, videre est ex Josephol. 7. bell. Jud. c. 17. (2.) Nec verò voluisse Deum tot millium (taceo & Josephi Arimathensis, Christum sepelientis) oculos fascinare, patet ex interdicto ipsius Dei, in lege de ejusmodi præstigiis, Lev. XIX. 31. Deut. XVII. 4. &c. (3.) Nec concordare veritati Dei, quod ille tot seculis ante Muhammedem tot homines sineret esse (منهم من آمن به و من كفر) in manifesto errore: nec bonitati, quod passus sit Apostolos aliosque homines simplices & innocentes, saltem propter prædicationem tam absurdi auribus gentilium dogmatis, quod scilicet Deus sit passus, fieri ἐπιφανής καὶ ἑαυτῶν, mundo, angelis & hominibus, I. Cor. IV. 9. si sibi non constaret veritas & annunciationis necessitas.

CAPUT. III.
De DEO TRINUNO.
CONTROVERSIA PRIMA.
An una tantum, An verò tres sint SS. divinitatis persone? Et

ET huic articulo, de Deo quàm maximè impias hic sacrilegus intulit manus. Et quidem primis temporibus seipsum apud Chadigam uxorem venditabat pro Messia, quæ Judæi expectarent, ut est ap. *Enustinum in Geneal. Mahom. p. m. 10.* Immatura forsan videns hæc consilia, nec sibi tantam habens polliceri, ut quondam Barcocab (Vid. *Talmud. fol. 57. Euseb. l. 4, c. 6.*) Judæorum multitudinem, veritusque ne sibi ob mendacium, non statua, sicuti Simoni Mago (juxta communē sententiā ex *Eusl. 2. c. 13. 14. Terul. Apol. c. 13. Aug. Catal. hæres. c. 1. &c.*) erigeretur, sed crux, mentem veterator revocavit. Se itaque Prophetam saltem esse dixit; credere verò jussit in eum الذي خلق السموات والأرض Qui cælum creavit, & terram, quique terminos posuit ولم يزل tenebris & luci, &c. *Surat. 21. 30.* seu animalium; quam And. de Ryer *Chapitre de gratificatione*, non ita apposite reddidit. Vere hoc quidem contra Koreisitos aliosque stupidos in Arabia Idololatrias (de quibus *Hott. hist. Or. p. 152. seqq.*) asseruit: veruntamen, quando eundem Deum, nec filium ab æterno genuisse, nec hunc generatum esse ait, ut *Sur. CXXII.* illosque infideles esse, الذين قالوا ان الله ثالث ثلاثة qui dicunt Deum trinitate, seu (ut Ecclesia orthodoxa loquitur) in personis trinum, *Surat. V. &* alibi frequentissime, detonat, omnium periculosissime à veritatis via cum Judæis in barathrum erroris abit. Quorum & hoc nostro tempore legunt vestigia, uti notum, *Sociniani.*

§. 2. Uti prius diximus, ita & h. l. cum Judæis ex V. T. uti e. g. *Gen. I. 1. 2. 3. 26. III. 5. 22. XI. 7. XIX. 24. XX. 13. XXXV. 7. Exod. III. 15. XX. 5. Num. VI. 24. 25. 26. Deut. VI. 4. Ps. II. 8. 9. 10. XXXIII. 6. LXVII. 7. 8. LXII. 1. 17. CXXXVI. 2.*

G 3

3. *Prova.*

3. *Prov. XXX.* 4. *Es. XLII. 15.* 16. *Jer. XXIII. 5. 6.*
XXXIII. 14. 16. Os. I. 7. Zach. III. 2. &c. Sociniani ex N. T.
uti Matth. III. 17. Job. XIV. 16. I. Job. V. 7. aliisque locis dispu-
tari potest. Cum Muhammedanis verò, si opus est, quamdiu
neutrū integrè admittunt, nec volunt in has res inquiri, res
est (ut monuim⁹) difficilior. Interim tamen quia valde curio-
si sunt, audire aliquid nostræ fidei, ut ait Richard. cap. 2. maximè de
TRINITATE & incarnatione &c. Et verò contraria ea sunt Al-
corano, quem illi constantissimè supponunt esse verbum Dei, adeòque
illa non suscipiunt, sed derident: potest & ex illorum principiis
institui disputatio, vel legem illorum vanam esse, vel nostræ
favere sententiæ, nolentemque volentem veritati præbere
testimoniū. Quod hic præstat idem, quod in conflictu
cum Judæis, Rabbiorum suffragia, quibus contradice-
re, si vel maximè contraria dixerint, recutitis religio est.
Observari itaque possunt Alcorani loca I. Ubi de Deo loqui-
tur pluraliter. Quæ rara non sunt, sed ubivis fere obvia. v. g.
Surat. Elimpacara introducitur Deus loquens: Diximus An-
gelis, adorate Adam. Hic non possunt intelligi angeli, simul
cum Deo loquentes: ipsis enim adoratio hominis impera-
batur, non verò eandem ipsi imperabant. Et sic in aliis.
Vide (nam pergendum nobis est) Cardinal. de Eusæ l. 2. Cri-
brat. Alcor. c. II. Rich. c. 15. Fortal. Fidei l. 4. confid. 8. arg. 5.
Sed ejusmodi difficultatibus pressi, agendum quid respon-
dent? (I.) Summula brev. contra. sect. Sarac. Alcorano præfixa
refert, quòd Muhammedani binarium in divinitate consti-
tuant, essentiam scilicet Dei & ejus animam, hincque illam
in Alkorano pluralem esse locutionem? Sed I. si ita: cur
Christum negant Deum, cū tamen animam Dei esse
largiantur? II. Si vel concederetur, ut illi volunt, Deum
animam habere: quæso, homines animam quoque habent,
neque

neque tamen quisquam propterea pluraliter de se loquitur. (2.) Alii hanc locutionem volunt esse ob varia in Deo attributa, sapientiam, omnipotentiam, &c. ? Sed Resp. I. attributa illa realiter à Deo non differre. II. Nec homines nec Angelos, in quibus attributa ab essentia differunt, ob illum respectum de se uno adhibere numerum pluralem. (3.) *Lud. Viv. pag. 465. l. 4. de V. F. C.* objicit in persona Muhammedani, id fieri ob morem magnatibus usitatum. Quæ appono, ut observetur, Judæos, Socinianos, omnesque Anti-Trinitarios eodem semper effugio uti, in eodem quippe ludofictos : cui ludo, si qui sunt, Judæi Magistri sunt. Resp. verò, illum morem in sanctis literis inusitatum esse. Vide saltem *Gen. XIV. 21. XLI. 15. II. Sam. XIV. 4. II. Chron. XXXIII. 23. Ez. I. 2. Dan. II. 8, 9, 26. V. 14. 16. VI. 27.* oportet ergo hunc amanuensem Dei, uti videri vult Muhammedes, ex alia curia esse, quàm divina, cum ejus stilum non imitetur. (2.) Magnates ita loqui possunt sine periculo erroris : non verò ita de Deo. Unde & Judæi comminiscuntur, Mosén cum ad *Gen. I. 26.* כַּעֲשֶׂה אִדְּמָה בְּצַלְמִי כְרוֹמֹתַי *FACIAMUS* hominem ad *imaginem NOSTRAM, secundum similitudinem NOSTRAM,* pervenisset, hæsitandum diu substitisse, num pergeret in scribendo, ultimoque dixisse Deo : *cur occasionem præbes hominibus errandi in simplicissima tua essentia ?* Sic & nos dicimus : *cur occasionem præbes, Muhammedes, hominibus errandi, unam Dei personam introducendo loquentem ut plures ?* Qui si verus fuit, cur non plures nobiscum personas credunt : Sin falsus, cur ab ejus lege non recedunt ? II. Ubi expressam facit trium personarum mentionem. Surat. *لَا إِلَهَ إِلَّا هُوَ* de mulieribus : *Jesus Christus, Apostolus Dei & Verbum Dei, quod misit ad Mariam, & spiritus de Deo.* Confer & quæ supra de Chri-

Christo Salvatore nostro scripsimus. Sic & de Spiritu Sancto observari potest, quod describatur ut persona in Alcorano. v. gr. *روح القدس* MISIMUS ad eam Spiritum nostrum : nota 1. Hic locus non potest exponi de Angelis, quia illi multi sunt. 2. hic Spiritus in humana specie apparuit, alloquens Mariam, dicens : *أنا روح ربك* id est, Ego nuncius sum Domini tui, ut dem tibi puellum &c. Vide Surat. XXXIX. Ergo de attributo aliquo in Deo sine personalitate intelligi nequit. Quomodo autem se Beidavi; Kessius, alique infidelium torqueant, super hoc loco, vide Hott. hist. Or. pag. 95. Quæ obijciunt, aut communia cum cæteris Anti-Trinitariis, aut illis crassiora, ut e. gr. Deum non filium habere, quia uxore careat &c. Quibus Tricis & Apinis nos immorari nolumus. videantur, si placet, apud Lud. Viv. lib. cit. de Ver. Fid. Hackspan. de Lege Muhammed. Cantacuzenum, alios.

CONTROVERSIA II.

An DEUS sit incorporeus & infinitus?

§. 1.

NON addubitat hic nebulo, de DEO hoc inficiari. Quam sententiam ob absurditatem & impietatem suam vel in hoc omnium bipedum nequissimo non ausus fuisset credere, nisi me confirmassent omnes ferè, qui hujus sectæ meminere. Vide Bibliand. in Apol. pro edit. Alcor. Pius Pontifex ad Turc. Principem pag. 83. seq. Lud. Vives lib. IV. de ver. fid. Chr. p. m. Hornb. summ. Controv. pag. 209. Schickardus in Deo Orbo Saracenorum p. m. 4. Pappus aliique. Et patet res ipsa. Nam in fabulosissimo suo ascensu in cælos, quod fundamentum est (ut diximus) totius hujus Pseudoprophetiæ,

nar-

narrat hic agypta, Deum non solum certo cæli loco inclusum esse, ad quem tandem per multos cælorum labyrinthos devenit, sed & manum Deo attribuit, quâ se tactum ait, addo ut frigiditas manus Dei ad medullam dorsi sui pervenerit: insidere Deum gestatoria cuidam sella, quam octo Angeli validissimi, mundumq; multis vicibus magnitudine excedentes, circumgestent, ut iis præ pondere igneus sudor exprimatur: aliaque absurdiora, quibus volens abstinere. Et procul dubio ex Audeanorum seu Anthropomorphitarum lacunis hæc imbiberat. Hæc enim secta cum ob absurditatem suam facile alibi non posset reperire sedem, ob monachorum ruditeriam diu mansit in Arabia Scenitide & Ægypto; veluti fera, ubi frequentia hominum non est, solent liberiùs stulari.

S. 2. Nobis contra certissima res est, quod *Deus sit Spiritus*, *Joh. IV. 24.* Spiritus autem non habet carnem & ossa, *Luc. XXIV. 39. Conf. I. Reg. IIX. 27. Ps. CXXXIX. 7. seqq. Jer. XXIII. 23. 24. &c.* Commune verò Anthropomorphitarum argumentum Theodorit. *l. 4. bist. Eccl. e.* 10 quòd homo ad imaginem Dei sit conditus, & quòd insuper membra corporea Deo in Scripturis attribuantur, solutu facillimum est. Neque enim imago Dei in corporis, sed perfectionis consistebat conformitate, *Eph. IV. 24.* Nec membra corporea DEO assignantur propriè, sed per *ἀνθρωποποίησιν* & condescensum ad intellectum nostrum. *Conf. Joh. Damasc. L. I. Orthodox. fidei. C. XII.*

PARS TERTIA.

Continens

Cæteros Muhammedanorum errores juxta ordinem Locorum Theologicorum.

H

Atque

Atque hi sunt errores Muhammedanorum principaliores, qui sequuntur, leviores quidem sunt, haut minori tamen nisu ab iisdem urgentur. Nobis tamen brevioribus nunc esse licebit. Nam cum Muhammedana religio *παρρηγοῖα* quædam sctarum sit, seu quoddam (uti Theodoretus dialog. in re simili de Ebionitis loquitur) *ἡ τῶν ἀποστατῶν ἐκ διαφόρων πασιῶν συναντῶμεν ἑδνῆα*, *vestimentum mendicorum, ex variis ac diversis panniculis confutum*: Nihilque ferè novi Mohammedes invenerit, quod non in antiquis hæreticis damnatum sit, uti ait Bibliander in cit. Apol. ; imprimis autem in Judæis, cum quibus adeo quamplurima communia habet, ut non erravisse mihi quispiam videatur, secundum autorem argumenti Cantacuzeni, qui Mohammedis legem **CONFUSUM CORRUPTUMq; JUDAISMUM** dixerit: Nihil proinde nobis superesse videtur, quàm ut hujus Æsopicæ corniculæ pennas, cui remiges jam dudum in aliis hæreticis evulserunt nostrates, saltem ostendamus, & ad verbi divini lucem conferamus. Quæ collatio, suâ non caret utilitate. Vid. B. Luth. in præfat. Alcor. Bibliander Apol. cit. Gualterus Tigurinus in Epist. Nuncupat. Cantacuzeno præfixa, aliiq; quos laceo. Sequitur itaque:

ARTICULUS PRIMUS. DE CREATIONE.

§. I.

De Creatione mira mire Muhammedani fabulantur. I. enim excludunt à causa efficiente, ceu *Sociniani*, Filium & Sp. S. Contra *Gen. 1. 2. Job. 1. 3. Ps. 33. 6. Col. 1. 16. Prov. 8. 22.* Quem errorem in singulis ferè semper dehinc locis obvium, semel notasse sufficiat.

§. 2. In colloq. cum Abdia dicit Muhammedes, Deus
prin-

principio creasse, & quidem sua ipsius manu, Pennam
Adamum, thronum Dei & Paradisum. Pennam quidem,
ut consignet omnia quæ sunt, quæque fiunt: fingiturque
ea 500. annorum itineris, longitudinis 800. &c. vid. l. c.
Atque sic Mosi contradicit statim in limine, qui dicit, *in*
principio creasse Deum cælum & terram. Similia habent Ju-
dæi. Targum Jerus. ad c. 3. *Gen. Bis mille annis ante mundum*
conditum רעתן גנתה וגנתה גהנם ואתקן אורותה ואתקן *creavit*
Deus legem, & ordinavit infernum, & paradisum. Talmud.
שבעה דברים נבראו קודם שנברא העולם וארו הן תורה
ותשובה וגן וגיהנם וכסה הכבוד ובית המקדש ושם
משכן של *Septem res creatae sunt prius, quam mundus con-*
deretur, nempe hæ: Lex (Prov. 9. 22.) Pœnitentia (Psal. 90.
2.) Paradisus (Gen. 2. 8.) Gehenna (Es. 30. 33.) Solium glo-
ria (Ps. 93. 2.) domus Sanctuarii (Jer. 17. 12.) Nomen Mes-
sia (Ps. 72. 17.) Hic nota vafriciem Muhammedis (quilo-
co nominis Messia, suum substituit, uti diximus suprâ
part. 2. c. 1. Controv. 2. §. 3.) Conf. Buxtorf. Lex. pag. 462. P.
Galat. de Arcan. Cath. Verit. l. 3. c. 5. l. 7. c. 1. Quod, falkem
ex parte (procul dubio affricuerant optimo Patri B. Hie-
ronymo Præceptores ejus Judæi, quibus se usum esse fateo-
tur *in Epist. 1. ad Rusticum Monachum, Præfat. in Dan. Epist.*
consolat. ad Pammachium.) ut *in quæst. seu Tradit. Heb. in Gen.*
hac de Paradisi ante mundum creatione sententiam, reti-
neret. Hincq; ex eo Hieronymi loco Francisc. Georg Mi-
norita probare nititur, *Paradisum non in hac visibili ter-*
ra extitisse. Vid. & lib. 4. Ester. c. 3. 6.

§. 3. De Aeonibus Valentini, de quibus *August. ad*
Quadrult. c. XI. Iren. l. 1. contr. hæres. c. 1. Tertull. de Præscript.
c. 49. audisse videtur, cum de ortu rerum in eod. colloq.
ita garrir: *Deus Adam fecit ex limo: limus autem erat de*
spuma, spuma de procellis, procella de mari, mare de tenebris,

H 2

tenebra

tenebra de luce, lux de verbo, verbum de cognitione, cognitio de Jacintho, Jacinthus de praecepto: esto & fuit. Ad quæ Widmestadius: Jacinthum vocat supremam sapientiam & speculum Dei aeternum; verbum autem sapientiam inferiorem & speculum obscurum. Hinc Ariani à JUDÆIS nimirum decepti, hæresis sua ansam arripuerunt. Atque hinc puto esse, quod Pappus aliique Muhammedi tribuant Valentini opinionem de creatione. Cæteta si simpliciter sint intelligenda, absurditate sua facile se ipsa conficiunt, & refutata sunt à Lud. Viv. l. cit. de verit. Fidei Christ. pag. 468. Similes naniã occurrunt & in Theogonia Hesiodi ac aliis Poetis de rerum ortu.

§. 4. Cœlos dicit in eit. colloq. ex fumo creatos esse. Eosque cum Judæis facit septem Sur. 2. 51. 77. &c. Kestzus in vit. Pat. pag. 14. 15. Uti & inferni receptacula totidem cum iisdem facit. Vide hist. Timuri pag. 50. Kest. p. 16. Beidavi comment. in Alkor. p. 241. &c.

§. 5. Imprimis autem notatu dignum est, quod non omnia bona esse creata doceat, contra Gen. 1. 31. &c. Nam Diabolum (نار) ex igne pestilenti, juxta cum Judæis, (Vid. lib. Nizz. p. 5.) creatum adferit Sur. 25. 27. 41. &c. Et in hominis plasmatione, Deum pulverem ait collegisse multicollorem pugno suo, indeque quædam hominis individua ex albedine, quædam ex nigredine, quædam de colore medio; quædam iudem de malicia quædam de bonitate participasse. Vide Chron. Sarac. pag. 217. & Lud. Vivem l. c. id refutandem. Sicque hac in parte accedit ad Manichæos & Priscillianistas. Vid. Aug. de nat. boni adv. Manich. c. 33. Concil. Bracar. Canon. 7. Leo Epist. 42. Sic Menasse Ben. Israel l. 2. de resurrect. c. 2. affirmat, Deum ex purissima materia decem spiritus ספירות seu luces divinas (de quibus Reuchl. l. 3. cabbal. pag. 734.) & ex impuriori
alios

alios decem, מַחֲבֵיבָּא seu *putamina* dictos creasse; idque refert è libro antiquissimo *Zohar*.

§. 6. Cum iisdem Manichæis, (inter quos & Muhammedannos collationem instituit Danæus ad Aug. ep. ad Quodvult. fol. 118. b.) & Priscillianistis, itemque *Gnosticis*. Vid. *Concil. Bracar. can. 5. August. de hares. cap. 46. & 70. Epist. 74. ad Deuter. & 25. ad Hieron. Leo Epist. 91. c. 5. ad Turbium*, absurde statuit, animam humanam divinæ essentiae esse portionem. Surat. 25. cuius sententiæ juxta *Frenzum lib. 1. contr. hæs. c. 24.* primus autor fuisse dicitur *Carpocrates*.

ARTICULUS SECUNDUS. DE ANGELIS.

§. 1.

Nec minus de Angelis multa ridicula & absorta deblatèrat. Et primò quidem ratione essentiae non Spiritus, sed corpora esse fingit. Videatur ascensus Muhammedis in coelam, in *Portalit. Fides l. e.* ubi non angelos, sed monstra descripta ab eo dices, alios enim cornibus, alios multis capiribus, alios mole ipsa totum mundum excedente, stupendos, vidisse se refert; quæ vel horrorem legentibus incutere possunt. Unde *Sur. XLIX.* Deum facit Jobo, de removendo Satana anxie eum sollicitanti, respondentem: *ألم أجعلك مني* pede eum à te repelle. Quod si ita repelli potest Satanas, corporeum, satisque compactum & suffarcinatum esse oportet. Etiam *Judeos* angelos, saltim quosdam, corporeos esse existimare, monent *Hornbeck l. 4. de Convinc. Judaic. l. pag. 304. seqq. Ludov. de Dieu in annot. ad Psal. 68. Grotius ad Ps. 104.* Quod & olim censuisse *Pythagoricos & Platonicos*, refert *Leonhardus Coquæus Comment. ad l. 8. August. de Civ. Dei c. 15.* Ex iis-

que, uti multa alia, hausit *Origines* p. 11. *πρὸς ἀρχαίαν* c. 6. 8.
 Et ex hoc rursus aliis nonnulli Patrum, adeo ut vel etiam-
 num ex Christianis non desint, qui sibi de cœlestibus hisce
 Spiritibus materiale quid imaginantur. Ceu notat Dn. D.
 Calov. *Tom. 4. Syst. Theol. p. 33. seqq. & in Armin. p. 142.* Qui-
 bus merito opponimus verba S. S. *Pf. CIV. 4. Matth. II. 16.*
Marc. V. 9. Eph. II. 2. Heb. I. 14.

§. 2. Ex hoc quoque principio fluit, quod cum iis-
 dem *Origenianis*, *Manichæis*, *Archonticis*, *Serbianis*, sta-
 tuit angelos generare posse. Vid. *August. contra Secund. C. II.*
Lamb. Danaus ad August. de hares. pag. 55. Epiphani. har. 40.
pag. 246. Nota enim est fabula de duobus angelis *מלאכים*
מסארוש, à Deo emissis, qui ebrii noctem hospitæ petie-
 rint. Vid. *Theol. Machom. Hornb. summ. Contror. pag. 165.*
 Unde & partus Dæmonum fit in Epitome Alkorani men-
 tio: ad quem locum *Widmestadius* annotat, hanc *Mane-*
tis & veterum Poetarum sententiam, *Pseudo-Prophetam*
 suis proposuisse credendam. Etiam huic absurdæ opinioni
 obstetricati *Judei* sunt. Notum enim est, quid habeat
Jalkut ad 2. Sam. 7. 14. כל מאה ושלש שנה שפירשה
 הוה מאדם רוחות זכרות היו מתחממים ממנה והיא יולדת
 מהם. ורוחות נקבות היו מתחממות מאדם והיו יולדות
 : *Omnibus centum & triginta annis illis, quibus Eva*
separata ab Adamo vixit, rem habuit cum spiritibus mascu-
lis, ipsiq; sobole ab illa auditi sunt: Sic quoque Spiritus femella,
ex Adamo conceperunt peperuntq;. Confer *בראשית רבה*
פס' 20. 24. R. Salomon Jarchi in Pf. 89. 33. Talmud. Mas-
sech. עירובין c. 2. Chagiga c. 2. פירוש pag. 80. in
Paraph. Chald. ad Gen. c. IV. 1. Censent verò *Judei*, An-
 gelis de cœlo descendantibus aliam rationem esse, quàm
 ibi manentibus: tum enim eis *לאכול תאוה* appetitum
 cibi innasci, & aërem hunc inferiorem concupiscentiam
 pra-

pravam gignere dicunt. Vid. R. Lipmannus n. 23 p. m. 20. Hinc orta & quaestio est in Alkorano Sur. LIII. & LXIII. *An Angeli sexu differant?* imposuit verò multis ex antiquis tale quid sentiendi, locus Gen. VI. 1. malè intellectus. Vid. Joseph. l. 1. Antiq. cap. 4. Philo Judeus lib. de gigantibus, Justinus Martyr Apol. I. Irenaeus l. 4 c. 7. Clemens Alex. l. 3. Sermon. Tertull. de velandis Virginibus, Lactantius l. 2. c. 14. tum etiam è recentioribus Burgenfis in cap. 6. Genes. Vales. de sacr. Philosoph. c. 8. Cajetanus, Delrio, Franciscus Georg. Veneretius l. 1. sect. 1. probl. 54. aliq.

§. 3. Ex eadem Muhammedica fabula, quam modo ex Hornbekio citavimus, de Angelisebriis, & scelus contra hospitam meditantibus, colligere est, eos fovere eam opinionem, quæ aliàs in *Arminianis* taxatur, sc. Angelos bonos non ita in veritate confirmatos esse, ut jam amplius non possint labi. Vide *Armin. ad art. 31. Grot. annot. ad Gal. l. 18.* Præcentor verò utrisque fuit *Origenes*. Vid. is in *Hom. 13. in Lucam. contra Matth. XIX. 10. 1. Tim. V. 21. 11. Cor. XI. 14. Gal. I. 8. &c.*

§. 4. Vice versa, cum iisdem *Origenianis* (Nam *Origenem* ipsum excutat hac in parte B. D. Gerhard. loc. de morte §. 62.) aliisque nonnullis Veterum, Angelos malos tandem ad frugem redituros, adeoque poenâ liberandos, & salutem consecutos garrit. Vide *Cantacuz. Orat. II. prope finem Oratione 4. num. 2. Richard. cap. 8. de Daemonibus.* Quem errorem resuscitasse patrum nostrum memoria *Anabaptistas*, refert *Bulling. l. 2. contra eosd. c. 15. nostr. v. idem statuissè Socinianos*, constat ex *Crell. comment. in 1. Cor. XV. p. 103 113. 222. 130.* licet illam liberationem aliâ ratione fieri censeant, scilicet per redactionem in nihilum. Contra *Matth. XXV. 41. Hebr. II. 10. Juda v. 6 Apocal. XX. 10.* Imò & multos ex malis Angelis post Christi in carnem adven-

adventum poenitentiam egisse, statuit *Enjedinus*. Vide B. Gerh. in *Dispp. Acad.* p. 633. seqq.

§. 5. Causam lapsus Angelorum, è Talmudicis fabulis itidem hausit. Nam Adamum seorsim fingit à Deo edoctum omnium rerum nomenclaturam, eundemque in arenam disputandi causa cum angelis, eductum: qui cum ejus Sapientiae pares non essent, omnes Adamum à Deo adorare jussos esse: paruisseque (بسم الله) id est, *Diabolo* (unde deflexit Arabica vox (seu Beelzebub excepto, eo quod is ex igne homo (طيف) ex luto conditus esset. Quod commentum, ut rem magni pretii, Sur. 2. 17. 48. & passim, ob causam nescio quam, inculcat. *Iud. Vives* lib. cit. pag. 470. ut & *Bibliander*, ex mentione introductionis primogeniti, id est, Christi εἰς τὴν οὐρανὴν in Epist. ad Heb. I, 6. occasionem fabulandi arreptam suspicantur, P. Galatinus de A. C. V. l. 7. c. 4. p. 354. hanc traditionem antiquam producit ex R. Mose Hadarsan in cap. V. Gen. Eodem plane sensu, ac in Alkorano refertur: Verùm Galatinus hanc adorationem, non tam propter Adamum imperatam esse vult, quàm propter materiam Matris Messiae; quæ materia ab initio statim producta & Adæ inserta, sine labe peccati originalis emanâit usque ad Jojakimum, B. Mariæ patrem. De Satana autem hanc venerationem negligente, dictum volunt illud *Es. XIV. 12. Quomodo cecidisti de calo Lucifer, qui mane oriebaris?* Quem locum de Rege Babyloniae agentem, explicant de Lucifero Angelo, nonnulli etiam Veteres, *Tertullianus*, *Cyprianus*, *Athanasius* &c. De reliquo autem tentamine Angelorum in imponendis singulis rebus nominibus, quodque id nequierint Angeli, potuerit verò Adam; eandem ferè habes fabulam in *Jalkur* ad cap. I. lib. I. *Chronicorum*.

ART.

ARTICULUS III. DE PROVIDENTIA DEI.

§. 1.

De Providentia, ait B. Chemnitius in Loc. part. I. p. m. 120. *sumus vel Stoici, vel Epicurei.* Hic verò Vertumnus utrisque favere videtur: unde & sectatores reliquit, in diversas partes abeuntes. Vid. Hotting. *hiss. Or. l. 2. c. 6.* imprimis pag. 353. & seqq. Aliquando enim dicit, *fortuita esse, quæ hic in terris geruntur, nec curare de his Deum*, ut Morbifano Turcarum Principi objectat Pius Pontifex in Epistola, quam citavimus, pag. m. 73. & 84. Et hinc est, quod tradit Muhammedes, Deum sibi dixisse, *ὁ θεὸς παύσας ἑαίνε*, saltem lusûs causâ hominem condiderit; partim ut ostenderet, Deum non magni æstimare hominum salutem, partim ut Salvatoris nostri incarnationem sugillaret. *Cantacuz. Orat. 2. n. 11.* Et hoc esse puto, quod B. Pappus, aliq; saltem generalem Dei providentiam dicant Muhammedanos largiri; nullam verò aut exiguam singularem, quem etiam errorem ex Averrois Arabis mamillis suxisse videtur Socinus, juxta B. Gerb. *Disp. Isag. p. 661.* & vestigia extant in Alkor. Epitome: *Deus cælum columnis visibilibus minimè fulcitum extulit, deinceps ipse chronum ascendens, Solem & Lunam moveri jussit ad statucum terminum.* Negat ergò concursum Dei cum causis secundis, & num. 59. *Deus cælum & terram sex diebus absolvit, postea cælum ascendit &c.*

§. 2. Sæpius tamen sui oblitus, *Stoicam* quandam necessitatem introducit. Vid. *Cribrat. Alkor. Nic. de Cusa l. 3. c. 7.* Et hoc fortè à *Manichæis* habuit, de quibus vid. *Tertull. lib. de anima c. 21. F. Præcol. hæres. l. 11. n. 6.* vel à Præceptore suo Judæo, Bar Selon, Astrologo, Vid. *Danzus l. c. p. 237.* Unde cum Muazzadaulæ, Halebi Domino, servus per incuriam epistomium gutturnii in dentes impegisset, ut unus

ex iis decideret, non moleste idtulit, sed dixit. Decreto Dei hoc accudisse, ejusque providentia. Hincque vitæ terminum adeo fatalem constituunt, ut nec anteverti possit, nec prolongari. contra *Exod.* 20. 12. *Vid. Levin.* *Varnerus in dissertat. de vitæ termino* p. 11. 12. 13. 15. 16. 17. *Busbequius Epist.* 4. *Leg. Turc.*

§. 3. Fieri proinde vix potest, quin plerique Deum causam faciant peccati, nec non Electionis & reprobationis decretum ex solo absolutoque Dei decreto suspendant. In *Libro Boari*, referente Io. Galensi Anglo, ordinis Minorum, Parisiensi Doctore, qui ob longævitatē arborvitæ dictus est, habetur cap. de Prædest. Deus scripsit super hominem partem suam de luxuria, & necessario debet sequi illam partem. Sic in Epitome Alkorani, quem Latine reddidit Robertus Ketensis Anglus, num. 42. Quos Deus ad bene agendum præscripsit, evitare non poterunt, quin bene agant. Quos verò Deus corde sigillavit, inevitabiliter errabunt. Confer in Alkorano ipso *Sur.* 2. 15. 20. 68. &c. Et in citat. Epitom. num. 67. Si vellemus, CUIQUE gentium bonam viam & rectam daremus, sed jam verbum nostrum firmatum est, ut infernus Dæmonum & hominum consortio penitus impleatur. Ad quæ verba sapius citatus Albertus Widmestadius: Nullus unquam tyrannus carcerem edificavit eo animo, ut victorum numero compleret, sed potius ut malè meritos ulcisceretur. Muhammedes autem hanc crudelitatem Deo inesse affirmat. Cui Muhammedi, omnibusque aliquâ ratione cum eo sentientibus, opponimus clarissima Spiritus sancti dicta. *Pf.* 5. 5. *Zach.* 8. 17. *Deut.* 5. 16. *Eccles.* 15. 21. 1. *Johan.* 2. 16. 3. *Tom.* 2. 4. *Hos.* 13. 9. *Prov.* 1. 24. *Matth.* 23. 37. *Act.* 17. 30. 31. *Rom.* 5. 18. 19. &c.

ARTIAULUS IV.

DE IMAGINE DEI IN HOMINE.

DE imagine Dei in homine, quænam sit Muhammedis sententia, non ita liquet. Ad similitudinem Dei, hominē crea-

creatum esse, innuere videtur, quando v.g. in Sur. مورثه دق
 seu *Vacca*, refert, Deum dixisse Angelis, se hominem خليفة
Chalifam seu *Vicarium* suum in terris institurum; unde & in-
 terpres Latinus ita h. l. vertit: *Angelis intimamus facturum*
sui similem in terra. Cæterum hoc nomen *Chalifa*, substitutum,
 successorem, proregem, legatum (*Gall. un vicarie, Lieute-*
nant &c.) denotat. Unde & Muhammedis in Imperio &
 religione successores, *Chalife* dicuntur: & in Alkorano:
يا داود انا جعلتك خليفة في الارض *ô David, uti-*
que nos te Chalifam, (id est, regem & potentem hominem,)
in orbe constituimus. Videtur itaque originatio vocis eò nos
 deducere, ut suspicemur, impostorem putasse, similitudi-
 nem illam, qua homo Deum referebat, constituisse in exter-
 no dominio in creaturas: & confirmat hanc opinionem
 subjuncta Angelorum responsio: انما جعلنا من قبلك نبيين
فبها ودينتك الدنيا ونعيمك) ذبحتمك ونفذ من
(id est, juxta interpretationem CL. Præceptoris Ra-
vii (in Edit. quorundam Capp. Alcor. Amstelodami Anno
1646. procurat:) An pones ipse eum, qui perdet eam, & effundat
sanguines, cum nos contra extollamus, prædicemus laudem tuam,
& sanctificemus Te. Quicquid sit: sive hæc ejus fuerit opinio
de imagine Dei in homine, uti & sentiunt hodieque Soci-
niani & Arminiani, sive collocarit eam in hominis substan-
tia, veluti typi, aut typi sui similitudinem exprimentis, ut
& cæteri Anthropomorphite, Vid. Theod. loc. antea cit. l. 4. sc.
hist. Eccl. cap. 10. ex multis tamen indiciis certum est, eum
vel ignorasse vel negasse hominem primum in justitia &
sanctitate veritatis conditum esse. contra Eph. IV. 24. Col. III.
10. II. Corinth. III. 18. &c.

ARTIC. V.
 DE PECCATO.

I 2

Magnum

§. 1.

Magnum illud Adamum in summa divinitatis arce collocatū, abdita ratione mortalibusque incognita, docere audent insolentes Judæi, quorū vestigia insequitur Muhammedes, ait Widmestad. *not. 13. ad Epit. Alcor.* Non in hac itaque terra, sed extra eandem paradisum fuisse opinatur. Cujus opinionis insinuat ex veteribus Origenem Epiphanius in Epistola ad Johannem Jerosolymorum Episcopum p. m. 1103. quasi is in tertio coelo eundem collocarit, & arbores ejus non nisi allegoricè de angelicis virtutibus exposuerit; defendit verò Sixtus Senensis *lib. 5. Biblioth. Sacr. annot. 33.* Hunc errorem quoad prius membrum revocavit Franciscus Georg. *tom. 1. problem.* cujus argumenta vid. apud eundem Senensem *lib. cit. annot. seq. contra Gen. II. 8. seqq. III. 6.*

§. 2. De Peccato Originali quid sentiant Muhammedani, cum *Franciscanis* lis est. Hi enim, ut immaculatam B. Virginis conceptionem tueri possint, etiam Alcoranum in auxilium vocant, notante Andrea Riveto in *Apol. pro S. Mar. Virg. c. 18. l. 1. p. 146.* vid. & *P. Galat. de arcan. l. 7. c. 5.* Verum in hoc scipione Ægypti parum auxilii est. Non enim solum Beatam Domini. Matrē, verum etiam omnes omnino homines à peccato originali, quantum in se est, Muhammedes absolvit, idque inanes fabulas esse ducit, (ut ait B. noster *Luth.* in præf. Alcorani) contra sacram Scripturam, *Gen. VI. 5. II. 25. Job. XIV. 4. XV. 14. 16. Ps. LI. 6. Job. III. 5. Rom. X. 12. &c.* Sunt quidem nonnulla in Alcorano loca, quæ satis clare de corruptione generis humani loquuntur: sed non sequitur, eadem mox peccatum originale introducere. Nam de illa, scilicet generis humani depravatione & pronitate in malum, satis quoque clarè Ethnici, v.g. *Plato l. 2. de rep. Cit. 2. Tusc. Plotinus l. 1. Enne ad. 5. c. 1. & alii quin & ex natura-*

naturali lumine concupiscentiam forrè actualem peccatū
esse sciverunt: concupiscentiam tamen originalem & or-
tum hujus mali nesciverunt, juxta *Rom. VII. 7.* Hinc & *Bei-*
daḡi Muhammedanus hanc deformitatem non ex reatu
primorum parentum, sed ex 'contactu Satanæ tempore de-
mum nativitatis oriri, ait: contra ac B. Ambrosius in Apo-
log. David. c. II. *ANTEQUAM NASCIMUR*, macu-
lamur contagio: antequam *USURAM* lucis, originis ipsius exci-
pimus injuriam. Ab hoc itaque saltem contactu Satanæ, Ma-
riam & Christum! singulari privilegio exemptos volunt
Muhammedani; & præterea B. Mariam à convitiis quo-
que illis, quibus Judæi innocentem virginem onerabant,
onerantque, omnimode puram: non verò à peccato ori-
ginali quod non solum in Maria, sed in omnibus omnino
hominibus negant. Vid. *Abimed. p. 153. Hott. hist. Or. I. I. c. 3.* Sic
& infantibus suis recens natis metuunt à Spectro quodam
לירור ipsi Judæi, neque tamen moderni admittunt p. o.

§. 3. Et sicuti Judæi peccata in חמורות & קלות *gravia &*
levia, quemadmodum & *Pharisei* præcepta in magna &
parva, distinguunt: ita & Muhammedani eadem pecca-
torum distinctione utuntur, in *كبار* scilic. *وغيره* *gra-*
via & levia. Illa per pœnitentiam, id est, per bona opera &
preces cum *Messalianis* & *Euchetis* condonari ajunt: hæc sal-
tem per evirationem majorum; quasi & levia illa sua na-
tura mortalia non essent; contra *Matth. I. c. XII. 35. Deut.*
XXVII. 16. Rursus autem cum *Novatianis*, (*Euseb. l. 7. hist.*
Eccl. c. 8.) & modernis *Socinianis* docent: Deum gratiæ ostiū
sic occludere, ut prorsus nulla veniæ aut misericordiæ di-
vinæ recuperandæ spes sit, contra *Es. I. 16. 17. Ez. XVIII.*
23. XXXIII. 11. Matth. XI. 27. Job. I. 29. III. 16. 17. Pet. III.
9. II. 1. 2. &c. Quænam autem peccata ea sint, non definitur:
unum tamen eorum est *أكل دمه* Si quis Deo socium,
1 3 id est,

Id est, filium assignarit. Audisse impostorem vult *Lud. Vir.*
l.c.p. 465. aliquid de peccato in Spiritum sanctum ex *Matth.*
XII. 30. Heb. VI. 4. seqq. X. 26. I. Joh. V. 16. indeque factam
errori originem.

ARTIC. VI. DE LIBERO ARBITRIO.

§. I.

LAbefactarâ ita verâ doctrinâ de providentia divîna, &
peccato originali, non possunt de viribus humanis in
spiritualibus, rectè sentire. Unde & in diversa abeunt; eo-
dem ducti, quo Muhammedes Spiritu vertiginis. Vid. supra
Artic. 3. §. 1. 2. Sunt præterea quidam inter eos, *Gjabrai*, à
hoc est, *vicit, superavit, cœgit*, sic dicti, quod nullam
prorsus homini esse libertatem contendunt, sed eundem
cogi à Deo in quibusvis dictis & factis, tam bonis, quàm
malis. Contra *Num. XXX. 14. II. Sam. XXIV. 12. I. Reg. III.*
3. II. Act. V. 4. Rom. I. 16. 32. II. 14. 15. I. Cor. X. 1. seqq. &c. His
oppositi sunt alii, *Kadrei* à *potuit, prævaluit*, quasi *Po-*
rentiarii dicti, quod homini *voluntatem* & absolutum quoddam
dominium tribuant, tam bene quàm malè agendi: uti &
Motaxalite, Pharisei & Separati, qui & hominem
potestatem habere ajunt sequi quantum velit in lege, præ-
cepta, interdicta, retributionem bonam, pœnam, &c. Item
Hanisei, Exofilar seu Meditativi, & plerique omnes. Commu-
ne enim *Justitiariorum* omnium est vitium, sanam Ecclesiæ
sententiam de libero Arbitrio evertere. Quæ quænam sit,
à Nostratibus abunde demonstratum est. Nos hac vice sal-
tem opponimus *Joh. VI. 44. XV. 5. I. Cor. XII. 3. Phil. I. 6. &c.*
Cæterum de Schismatibus & hæresibus Muhammedano-
rum videri possunt *Hott. hist. Or. L. 2. cap. 6. Septem. Castr. c. 20.*
Ennstinus de geneal. Muhammed. c. 40.

ARTI

ARTICULUS VII. DE LEGE.

§. 1.

DE lege Dei gravissimos fovet errores. Primò enim contra expressa mandata Dei, *Dan. IX. 27. Act. X. 11. XV. 9. seqq. Gal. II. 13. IV. 10. seqq. V. 1. Heb. VII. 12. seqq. II. 8. seqq. X. 1. &c.* in Judæorum gratiam ex lege ceremoniali plurima, vel servat, vel nova ad ejus formam instituit. Et I. quidem ritibus publicis, quantum (α.) ad res, servat adhuc *Ver. Test. Sacramenta*, circumcisionem & agnum paschalem, ut mox dicetur: item *Sacrificia*, *Vid. מוסד ר. Benjamin. pag. 68. Joh. And. Confus. Sect. Muham. pag. 18. Sionit. de morib. Orient. 35. seq.* Unde decimum diem ultimi mensis *סדר יום* vocant *סדר יום* diem Sacrificiorum, vel *סדר יום* Festum Sacrificiorum: ubi in magna copia, arietes, capræ, oves mactantur, talesque mactatas pecudes in extremo judicio affuturas & pro dominis intercessuras, miseri credunt. Quidam verò non propriè hæc Sacrificia, sed tale quid, quod veterum *ἀγῶνας* respondeat, esse autumant, ut *L' Empereur ad Itiner. Benjam. pag. 187. & alii. (β.)* quoad locum. Ad imitationem enim templi Hierosolymitani hic instituit suum *Meccaum*, ab Angelis si credere fas est, ædificatum & ab Abrahamo summâ veneratione cultum. *Vid. Hornbek. Sum. Contr. pag. 151. & seqq. Sur. VI. illucque Sacras מדרגות peregrinationes. ib. p. 160. uti & مرقى (γ.)* Observationem faciei inter orandum, idque ad centrum ejusdem fani, ad *χρυσόλιον I. Reg. II. 48. Dan. VI. 10* si exaudiri velint, sanxit. (δ.) *Tempora Sacra*. Eaque vel hebdomadaria; ut diem Veneris, loco Sabbathi Judæorum, & diei Dominicæ Christianorum. Idque, vel quia Veneris cultor olim fuerat, *vid. autor de hæc. Heracii ac princ. & lege Muham. p. 14.* vel quia natus imò, & Rex

& Rex eo die declaratus sit, vel quia alia peculiaris eius diei
 sint. *Hornb. p. 156. Fortal. Fid. fol. 211. a. vel Anniversaria,*
 uti est, v. g. Jejunium illud magnum (Ramadan,
 quo integri mensis decimi, dies quidem in orationibus,
 jejniis & jejuniis (ut vocant) alis, eleemosynis exigunt,
 noctes verò in amplexibus, comestationibus & tripudiis.
 vid. quæ scripsimus *part. 1. c. 2. §. 19.* Quod festum, Judæo-
 rum כפורים seu expiationum, de quo vid. *Synagog. Jud.*
Buxtorf. p. 367. vel, ut Pontificii Scriptores ipsi volunt,
 suæ quadragesimæ, respondet. Hunc afflictionum mensem
 excipit festum Paschale triduanum, quod illi Ulubairam vo-
 cant. Tunc enim, non in memoriam agni paschalis pro no-
 bis mactati, *I. Cor. V. 7.* id est, Christi, sed arietis illius, quem
 Abraham loco Ismaelis (ita enim illi pervertunt *Gen. XXII.*
13.) obtulit, multos arietes mactant. Imprimis verò Sulta-
 nus ipse, linteo præcinctus, arietem aliquem egregium trans-
 figit: quem equo impositum ad Regiam quàm ocyssime
 deferendum curat, hunc, quod si illa vivum adhuc videre
 contigerit, illud felix totius anni omen interpretantur.
 Hastiludiis deinde reliquum festum peragunt & pergræ-
 cationibus: Imprimis autem nocte illa, qua Alkoranum de
 cœlo descendisse credunt, in Meskitis suis, id est, templis
 (à الله adoravit, quod & in Bibliis nostris Hebraicis *Es.*
XLIV. 15. 17. 19. XLV. 5. in eadem significatione occurrit)
 pervigiles garriunt, potant, lymphatique discurrunt. Sexa-
 gesimo ab hoc die celebrant aliud festum minus, *Religioso-*
rum dictum, id est, eorum, qui religionis causa Meccam ad
 sepulchrum Pseudo- Prophetæ proficiscuntur. Vid. *Sar. II.*
LVII. &c. Atque hæc de ritibus ad modum legis abroga-
 tæ ceremonialis, publicis. De quibus Jehova, *Matth.*
XV. 9. dicit: frustra colunt me, docentes mandata hominum. Et :

num

num tale jejuniū erit; אֲבָרְרָא quod ego elegi, Es. LIX. 5. & seqq.
Conf. Es. I. 11. 12. 13. XXIX. 13. Jer. VI. 20. Amos V. 21. seqq.
Mich. VI. 6. 7. Zach. VII. 5. 6. 7. &c.

§. 2. At verò quantum ad *privatos ritus*: è Judaismo
traduxit I. *Varias Species lotionum*, quarum alia *politica*, est,
quā post alvum aut vesicam levatam utuntur: alia *sacra* &
expiatoria. Ab eaque una minor *Abdam* vel *Abdas* dicta, in
qua Meskitas suas ingressuri, vel aliās Orationibus vacaturi,
frigida, quinque potissimum organa sensuum abluunt;
aut aquā deficiente, χλωματι. e. humo fossilia, arenāve ea-
dem defricant, quod Arabes *Tajammam* vocant. Facit hæc
ad levium delictorum remissionem. Altera *Major*, qua to-
tum corp⁹ & singula membra operosissime abluuntur, imò
ungues præsecantur, & pili (ne quid sordium inhæreat)
penitus abraduntur; exceptis iis, quæ ad ornatum faciunt,
ut barbā in viris, comā in mulieribus. Et hanc in gravium
peccatorum expiationem instituunt. Vid. Sur. IX. XII. XIX.
Cotov. Itin. pag. 344. Septem-Castr. c. XIII. Similia de Judæis,
apud Buxt. in Synag. Jud. cap. 4. pag. 127. & imprimis de eo-
rū secta, Hemerobaptistis, apud Epiph. contra hæres. l. 1. Tom. I. c.
17. Damasc. de hæres. p. 457. Contra Heb. IX. 13. 14. c. X. 22. Eph.
VI. 5. è Ritibus privatis observat II. *Discrimen ciborum*. De quo
Surat. Bacara ita: Prohibetur vobis والموتنة morticinum
& sanguis الذئب وواحم & porcina, ولف وخنزير
& εἰδωλοθύτα (ad verbum: & super quod laudes dictæ sunt
aliis, quàm Deo.) والموتنة & suffocatum وخنزير & ambu-
sum (forsitan rectius, de cælo tactum) ولسان ولسان & projecti-
tium, ولسان ولسان & cornu percussum, ولسان ولسان
quodcunque decerpit fera. Hæc ex Levitico desumpta, à Ju-
dæis etiānum observari, dubium non est. Cæterum scrupulum
hic injicit Locus, Act. XV. 28. ubi Idolothyitis, san-
guine

guine & suffocato gentiles conversi etiam in N.T. prohibentur; quemadmodum etiam Lud. de Dieu Impostorem respexisse illuc vult, in notis ad h. l. Unde alii (uti *Ambros. Tom. 5. in Gal. 2*) τὸ πικρὸν à Sophistis Græcorum infartam existimant, prout nec *Irenæus l. 3. c. 12.* nec *Cyprianus l. 3. ad Quirin. c. ult.* legisse videntur. Alii ad tropos confugiunt, & illud quidem τὸ πικρὸν de rapina exponunt; Vid. *Thom. I. secundæ quæst. 103. art. 4.* τὸ αἷμα de homicidio, uti *Chrysostomus Hom. 33. in act.* *Tertullianus*, *Cyprianus*, *Theophylactus &c.* quam expositionem & intactam relinquit *Augustinus T. 6. l. 32. contra Faustum c. 13.* πορνείαν verò de spiritali scortatione, id est idololatria. Sed non opus est recedere ab integritate textus, aut verborum proprietate, sine urgente causa. Alii verò esum sanguinis, non juris ceremonialis, sed naturalis volunt, atque inter septem præcepta Noachi *Gen. IX* referunt, quæ omnes omnino homines obligent. Vid. *Schickardum in משפט המין c. 5. th. 17. pag. 128.* item *Excellentissimi Dn. Joh. Frischmuthii, Lingg. Sacrarum in inclyta hac Salana Prof. celeberrimi, dissertationes duas de septem Noachi præceptis.* Unde in Ecclesia primitiva est observata hæc lex de sanguinis abstinencia omnimoda, adeò, ut eandem veluti clypeum contra Thyesteas epulas, quæ Christianis ab Ethnicis objiciebantur, Patres confidenter opponerent. Vid. *Tertullianus Apolog. I. Enseb. l. 5. hist. Eccles. c. 1.* *Minut. Felix in Octavio. Canon. Apost. 63. Novella 58. Leonis, Origenes contra Cels. L. 8. Synod. VI. in Trullo can. 67. &c.* Quamvis verò tempore Augustini labascere cœperit hæc consuetudo, ut ex loco ejusdem Beati Patris jam citati pater, & post Concilium Carthaginense & Wormatiense, annorante *Baronio Tom. 1. annot. ad A. C. 51. § 24. pass. 496.* desuerit: in Orientali tamens seu Græca etiamnum observatur. Quin in Occidentali Ecclesia etiamnum non solum *Weigelia-*

nos, sed & nonnullos alios, idem locus dubios reddidit. Verum eximit scrupulum D. Paulus, *Rom. XIV. per totum, 1. Cor. II. 13. per tot. X. 25. 1. Tim. IV. 4. Tit. I. 15.* Unde concludendum est: Synodalia hæc præcepta, *Act. XV.* (excepto eo, quod de fornicatione est, vid. *1. Corint. VI. 9. 1. Thess. IV. 3. Eb. XIII. 4.* ut & altero illo: *quod tibi non vis fieri, alteri ne feceris*; quo & pro Symbolo usus est *Alexand. Severus Imperator.* Vid. *Ælius Lampridius* in ejus vita p. m. 311.) non perpetua esse, sed saltem temporaria, pro statu illorum temporum, ne Judæi, Leviticæ munditiæ diu jam innutriti, gentilium libertate in convictu offenderentur; adeoque non respexisse Apostolos ad legem vel Moysi, vel Noacho datam, sed ad legem Charitatis & ad evitacionem scandalî. *1. Cor. II. 13. Matth. XXIX. 7.* Atque de cibis hæcce.

§. 3. Caterum in *Potibus*, voluit hic egregius, suos perpetuos esse Nazaræos. *Vino* enim (quod tamen in paradiso largiter pollicetur) eis interdixit. *Surat. III. XIII.* At præceptum hoc servant, ut canes (quod veriverbio dici solet) jejunium. Vid. quæ diximus supra *part. 1. c. 2. §. 20.* Conf. *Elm. I. 1. c. 8.* Similiter & *fructibus palmarum & uvæ*. Verum de *uvæ* meretur videri *Busbeq. Epist. 4.* Causas verò quare vinum prohibuerit, referunt varias. Alii dicunt, Angelos *ملائكة* & *قهارون* occasionem huic rei dedisse. Vid. supra *art. 2. §. 2.* Alii causam assignant Politicam, ne scil. arcana sic Reipublicæ exteris per ebrietatem divulgentur. Alii Ecclesiasticam, ut ita suos ab usurpatione S. Coenæ arceret. Vid. & aliam apud *Busbeq. Epist. III. lege Tirc. &c.* Quicquid sit: vinum modicè sumptum, Deum non offendit. Vid. *1. Tim. V. 23. Psal. CIV. 15. Matth. XXVII. 29.* De *Severianis & Encratitis*, ejus hac in parte complicitibus, vid. *Epiphan. hæres. 45. 46. Osiand. cont. 2. l. 3. c. 14. 15.* Atque hæc de lege Cereimoniali.

K 2

§. 4.

§. 4. Nunc secundo ad *Moralem*, quam nec minus miserè, quantum in se est, disperdit: Nam (I) interiorem illam obedientiam, quam lex divina requirit juxta cum Phariseis veteribus (vid. Sur. XVII. &c.) & Judæis hodiernis, aliisque omnibus, qui per opera justificari volunt, ignorat, aut à Deo pensi haberi negat, dummodo homines ab exteriori se contineant maleficiorum exercitio. contra *Exod. XXIII. 4. 5. Lev. XIX. 18. 17. Deut. VI. 5. XXVII. 26. Pr. XXV. 21. Rom. VII. 21. &c. (II.)* Præcepta ipsa, etiam quoad exteriorem observantiam, profane truncat. Et primum quidem præceptum, dum ementito cultu & *εὐταλμασιν* hominum, Deo servire suos docet, contra *Matth. XV. 9.* (uti ex superius dictis ex parte jam patet) præter id, quod à vera invocatione Filium & Spiritum sanctum sacrilegè excludat. Imprimis autem imaginibus, unà cum Magistris suis *Judeis* (vid. saltem *Joseph. l. 15. Antiq. c. 11. lib. 7. c. 8. l. 18. c. 4. 7.*) nimis offensus est, adeo ut nullo etiam in loco eas depingi sectatores ejus sinant. Vid. *Thomas à Jesu de convers. gent. l. 10 p. 706. Cantuar. Apol. 3. pag. 61. seq. Septem-Cast. c. X. Busbeq. Epist. l. Bel-larm. l. 2. de Imag. c. 6.* Imò ne nummos quidem suos imaginibus insigniunt, sed saltem literis, teste *Luthero in libro vom Krieg wieder den Türken.* Unde nos Christiani æquæ sumus omnes illis invisi, quasi imaginum & simulacrorum cultores, propter quosdam è Christianis, qui easdem colunt: pariter ac quod propter eandem rem nos Mariam pro una Trinitatis persona habere existimant. Vid. *Sur. 13. & Epist. Isphac.* Id quod tempore Muhammedis præter alios, & Collyridianos fecisse, testatur *Epiphanius l. 3. t. 2. her. 75. 77.* Nec id etiamnum, proh dolor! deficit. Quæ res infideles non parum à vera fide suscipienda absterret. Extra tamē scandali causam, placet nobis illud Gregorii Magni, Episcopi circa tempora Muhammedis, Romani, l. 9. *Epist.*

*Epist. 1. Si quis imaginem FACERE voluerit, minimè prohibe: ADO-
RARE vero imagines, omnibus modis deuita. Idque ex fun-
damenti Exod. XXV. 18. I. Reg. VI. 23. seqq. Ad. XXII. 1. &c.*

§. 5. Circa secundum præceptum notabilis est eorum
error, quem dubio procul ab iisdem suis Magistris, Judæis
puta, Muhammedes imbibit, cæterique sequuntur; scilicet
quod per res alias, quàm per Deum (contra Deut. VI. 13.
X. 20. Es. XLV. 23. XLIX. 1. LXV. 16. Jer. IV. 2. 2. XII.
16. Matth. V. 34. seqq. XXIII. 16. &c.) jurent. Ex quibus
duobus dictis postremis satis notum est, jam tum Christi
tempore illum impium morem invaluisse in Judaismo; ju-
randi scilicet per cælum, per terram, per Jerusalem, per caput.
Et sicut de Ethnicis Juvenalis — Nondum Græcis jurare pa-
ratis — Per caput: ita de his suis popularibus Philo Ju-
dæus περὶ τῶν ἀναφροσύων καὶ ἐνομῶν testatur, quod per πατέρας
ἡμετέρας ζώντων ὑγίαν καὶ εὐχρίαν jurarint, τετελευτηκότων δὲ
τὴν μνήμην, parentum quidem viuentium SALUTEM & prosperam
SENECTAM, de fundorum verò MEMORIAM, quem morè
non deseruisse cæteros, vel Martialis sufficit testis, dum l. 9.
Epigramm. 95. canit:

Ecce negas, jurasque mihi per templa Tonantis:

Non credo, jura Verpe per Anchialum.

Cujus distichi vocem ultimam eruditi varie exponunt. Alii
enim per Anchialum vel puerum intelligunt, vel urbem, vel
ludum, cujus meminit Bassamon ad Concilii VI. can. 51.
Ubi tamen Scaliger de emend. tempor. in proleg. ut & Voss. hist. Pe-
lag. l. 5. parte 2. Ἀχιλλέα legunt. Alii, idque non sine causa
hanc ex Hebræo sermone vocem corruptam existimant:
sed id modo non uno, eodemque. Samuel n. Petrus Var. Lect.
putat, descendisse ἐσθ' ἐλיון Thomas Fornab. ex אֱלֹהֵי אֱלֹהֵי
Selden. prof. Success. in bona defunct. ad II. Hebr. ex יִפְרַע חַי
עוֹלָם vindicet, qui in æternum vivit, qui habet ἑκάστων ὄμμα,

ut ait Homerus, ut & Paulus *Rom. XII. 19.* Nobis non dis-
 plicet sententia Hackspanii, qui Anchialū putat esse *אנכיאל*
אנכיאל ex *Num. XIV. 21.* Conf. *Deut. XXII. 40.* *Dan. XII. 7.* In-
 de enim Dei Epitheton *אנכיאל*. Alias jurabant *נפתי*
נפתי per Regis vitam, *נפתי נפתי* per coronam Regis; apud
 Cassium l. 44. *τὴν ὑγίειαν καὶ τὴν τύχην* Caesaris, qui mos ὁμοῦ
 βασιλεὺς dictus est, *Sueton. l. 12.* Jurabant & Judæi per Deca-
 logum & libros sacros, R. David Kimchi ad *Es. II. 20.* Sed
 ad Muhammedem nostrum. Magistros itaque suos
 imitatus, jurat quoque hic Veterator per res va-
 rias, utpote per Angelos, per Alcoranum, *والقرآن*
 per Cælum signiferum. (id est, Zodiacum, aliquando juxta
 Muhammed Ben Achmed in Alcorano descriptum: Sicuti
 & Vettius Valens Antiochenus lectorem Floridorum
 suorum adjurat: *ὅτι ἐξω σε ἐλπί τῇ συντάξει θεοῦ ἀτ ἡ κατὰ*
αὐτὸς ἐξ ὁδοῦ ἐξ ὁδοῦ) per domum excelsissimam per nubes per au-
 roram, per naves æquore currentes: & quid non? Imò, & per ipsos
 Dæmones. Vid. *Sur. 62. 63. 66.* &c. passim alias Sic & Ach-
 med Turc. Imp. Anno 1604. fœdus cum Henrico M. Gal-
 lorum Rege iſturus: per *VERITATEM*, jurat, Magni Dei
 &c. mox per animas *AVORUM* suorum & *PROAVORUM*.
 Sultan Suleiman verò, Ben Selim, cum Ferdinando I. Imp.
 Rom. per *VERA SIGNA* magni & venerandi Prophetæ
MUHAMMED. Quin *Surat. LXIX. 1.* *والسالم*
والسالم (ذن) *السالم* *السالم* *السالم* *السالم* *السالم*
 Per calamum, & id, quo scribunt vel lineas ducunt, scilicet ju-
 ro, quòd tu, per gratiam Domini Tui, non sis Dæmoniacus. Ubi
 impostor & Deum (uti & gentiles suum Jovem, per sty-
 giam paludem &c.) per tales res levículas jurantem in-
 troducit; ceu & alibi passim. Aliud verò D. Paulus *Heb.*
VI. 13. *ἐπεὶ καὶ ὁ θεὸς εἶχε μείζονα ὁμολογίαν ὡς καὶ αὐτὸς.*
 Sed

Sed quid mirum de Muhammede? habuit domi, unde id disceret, scilicet Judæos. Nam non solum ipsi per creaturas jurant, uti jam dictum est, sed & Deum ipsum ita pariter iurantem faciunt. Vid. בראשית רבה sect. 48. *Talkut ad Mos.* pag. 23. col. 3. עיר גבורים pag. 48. num. 57. Similiter & reliqua præcepta corrumpit hic depravator, uti v. g. sextum per Sodomiam, polygamiam, divortium &c. septimum per rapinam, & sic consequenter. Verum ea latius deducere non patitur instituti ratio, nec foliorum angustia. Conf. & ea, quæ supra part. 2. c. 1. contr. 3. § 2. allata.

§. 6. *Tertio*, dum ab iisdem Pharisaicam illam persuasionem acceptam retinet, legem moralem in hac vita posse ab hominibus perfecte impleri: unde & homines ante Christum (nam de aliis alia res est, juxta eum, ut mox dicetur) legis Mosaicæ observatione vitam æternam potuisse mereri; imò & meritos esse; quos Moyses in extremo judicio veluti atrienfis aliquis suæ villicationi subjectos, ad rationem patrifamilias reddendam magno numero adducturus sit. Vid. *Colloq. cum Abdia Judæo.* Contra *Exod. XXXIV. I. Reg. II. 4. Eccles. VII. 21. Job. VII. 19. Act. VII. 38. XV. 10. 11. Rom. VII. 14. II. 3. Gal. III. 21. &c.*

§. 7. *Quarto*, dum eandem legem moralem, non solam atque unicam bonorum operum mensuram esse concedit, sed eidem multos *ἑτερογενεῖς* panniculos assuit, uti è dictis aliquatenus constat. Hinc XL. præcepta instituit iis necessaria, qui hortum paradisi ingredi volunt. Vid. *Hott. hist. Or. p. 248.* Contra *Deut. IV. 12. XII. 32. Psal. XIX. 9. &c.* Et de *Judeis* idem velle probare; quid aliud est, quàm in meridie ac Sole splendente lumen accendere? Vid. saltem *Buxtorffius in Synag. Jud. passim.* Atque ita circa locum de lege aberrant: quia ideò deducenda paulò fufius censui quia in hoc articulo omnē sui justificandi vim consistere putant.

ARTI.

ARTICULUS IIX. DE EVANGELIO.

§. I.

Evangelium (1.) prout id significat doctrinam de gratuita peccatorum remissione per fidem in Christum *Ἰησοῦ Χριστοῦ*, *Mundi Salvatorem*, Matth. XI, 5. penitus hi infideles negant; cum & Christum Deum esse inficientur, nec verè passum dicant, uti ostensum suprà est. Sampsates Isphacanes Persa in cit. Epist. Si Christus Deus erat, & Dei filius, cur non hominem nudo verbo salvavit, ἀλλ' ὡς περ ἀδυνατῶν ἐγένετο ἀνθρώπος καὶ διέ-
θαιεν, ἵνα σώσῃ τὸν ἀνθρώπον &c. Quales foscuculos & in Soci-
nianorum scriptis reperiis. e.g. Quòd nulla necessitas aut ra-
tio fuerit, ut filius Dei morte sua satisfaceret, cum sola iussione homi-
nem liberare potuerit à Diabolo &c. Convenit itaque utraque
secta in eo, scilicet Christum venisse, ut hominibus doctri-
nà saltem & exemplo præluceret ad vitam æternam. Con-
tra Matth. I. 21. XIX, 11. XX. 28. Joh. III, 16. I. Tim. II. 5.
Heb. II. 14.

§. 2. Prout verò Evangelium (2.) accipitur pro Chri-
sti in N. T. ministerio, illud non ignorant, sed corruptâ ex
Græca voce *Ἐὐαγγέλιον* *Ingil*, id est *Evangelium* vocant, occur-
ritque multoties tam in Alkorano, quàm alibi. Verùm hoc,
nonnisi pro quadam lege habent, Christumque unâ cum
Sociniani & aliis pro novo quodâ legislatore, contra Mat. IV.
17. Joh. I. 16. Gal. III. 23. IV. 4. &c. Placet hac de re audire Septē
Castrensem, qui cap. XIII. ita ait. Communis opinio ferè omnium
Turcarum talis est de lege eorum. Dicunt enim, primum Prophe-
tam magnum, cui data fuit lex primitus, à Deo fuisse missum, id est,
Mosen, cui datus est liber *Tefrit*, quem nos Pentateuchon vocamus,
& omnem hominem, qui EO TEMPORE ipsam legem observasset,
salvatum

salvatum esse. Cum autem per successum temporis humana malitia & negligentia hanc legem corrupisset, in hujus prævicationis remedium electus est secundus Propheta Dait, quem nos David dicimus; cui datus est liber Cxabar, quem nos Psalterium vocamus. Quo prioris modo servato & corrupto, tertius Propheta magnus subjunctus est JESSE, id est, JESUS, cui tertia LEX cum libro Ingil, quem nos Evangelium dicimus, missa est, quæ SUIS TEMPORIBUS omnibus causa salutis fuit. Ea tandem præcedentem modo evacuata, quartus electus est Muhammedus, qui legem cum libro, qui Alcoranus dictus est, à Deo accepit. quæ (evacuatis omnibus ante habitis) sola necessitatem salutis, donec alia supervenerit, plene & indubitanter ab eis prædicatur & dicitur habere. Ex quibus patet, eos Christum non nisi pro legislatore habere, & legem suam hominibus observatu ad salutem necessariam dedisse; cum aliam viam, quàm per opera legalia, salvandi ignorent. Confer. Surat. V. & XII.

ARTICULUS III. DE POENITENTIA.

§. 1.

UT autem de salubribus suis institutis, legibus & præceptis, imò & exteriori disciplina (in qua servanda nos Christianos nonnunquam multis parasangis antecedunt, confer suprâ part. 1. cap. 2. §. 18. adeoque nos vulgò *حقير* *hues* per contemptum vocant.) & sanctitate immensum quàm gloriantur! vident tamen, neminem mortalium esse, qui non peccet, unde vulgari (uti & David ait *Psal.* XIV. 1. LIII. 3.) *πασις*, cujus elegantiam ob Rhythmum Latine nequimus exprimere, hoc frequenter in ore habent: *أبْنُ آلِ نَسَائِنِ (ابْنِ) الْفِتْرَانِ*
Filius minis, Filius erroris delicti, exorbitationis. Summa itaque

L

que

que illis cura, ex hoc naufragio enatandi. Sed quò minus id salubriter fiat, impedit illorum partim *cæcitas*, partim *Pharisaicus fastus*. (1.) Enim absolutam quandam in Deo misericordiam sibi miseri imaginantur, qua Deus sine ulla sufficiente accepta satisfactione, sine intuitu & merito Christi (quod negant & rident) hominibus peccata condonet, contra *Psal. VII. 1. IX. 5. Gen. II. 17. Prov. XIX. 15. Eb. IX. 22. Act. IV. 12. Paulum ad Rom. & Gal. III. & IV. capp. Rom. V. 10. I. Joh. I. 29. II Cor. IV. 18. 19. &c.* Quod dogma, uti & cætera quàm plurima, satis ostendunt affinitatem Socinianorum & horum infidelium. Hinc *Johanni Paulo Alciato & Adamo Neussero*, deserto Socinianismo, dignissima visa est religio Muhammedana, quam proximè amplecterentur; ob convenientiam scilicet dogmatum. (2.) Hujus tamen misericordiæ sp̄s de remissione peccatorum nulli faciunt, nisi pœnitentiâ, quantum in se est, demeruerit, hoc est, de peccatis doluerit, veniam suppliciter rogarit, Eleemosynis, peregrinationibus & aliis electiis operibus Deum placarit. Et hujus pœnitentiæ, dici non potest, quantam vim meritoriam esse dicant! unde التائب عن ذنبه لا ريب أن ريبه penes quem pœnitentia est, ejus peccata sunt tanquam non essent peccata. Quod a. Deus ejusmodi opera pro satisfactione acceptare velit, absolutæ ejus gratiæ acceptum ferendum ajunt, uti diximus.

ARTICULUS X.

DE JUSTIFICATIONE.

Hic errorem periculosissimū, & (ut Tertullianus eum vocat) *salutis devorativum*, cum veteribus & recentioribus justitiariis errant. Justificationem enim sui coram Deo, in bonis operibus & legis observatione collocant. Fidem reperies

reperies quidem in illorum Scriptis nominatam, sed per illam non intelligunt, nisi notitiam aliqualem historicam, scilicet esse Deum, esse librum, scilicet Alcoranum, & Muhammedem à Deo missum, fore resurrectionem & vitam eternam &c. Hincque intuitu mercedis, bonis operibus miscelli homines incumbunt; quæ tamen nihil aliud sunt, quàm, (ut B. Augustinus in re simili loquitur.) splendida peccata. Surata V. Qui credunt & bona opera faciunt, mercedem eis Deus tribuet. Unde sæpè dicitur in Alcorano, apponendas esse in extremo iudicio lances, quibus Gabriel Archangelus sit præficiendus, adque eas omnia cujusque bona opera examinaturus. Cuicunque igitur pondus B. O. præponderaverit, illum vitam victurum optimam, docet: cui vero leve contigerit, in ignis fervidi præcipitum ruiturum. Sur. CXI. & passim. Et hic error, quasi hæreditarius quidam morbus Judaismo, ubicunque tandem terrarum versanti, semper adhæsit, adhæretque. Unde & primarii illorum sectarii à bonis operibus sibi nomina imponi voluerunt; Essæi quidem ab עֲשֵׂי fecit, Sadducei à צַדִּיק justus fuit q. Justitarii, Pharisei à פָּרָשִׁי separavit, quod sc. πεποιθότες ἐφ' ἐαυτοῖς ὅτι εἰσὶ δίκαιοι, & ἐξ ὧν ὄντες τὰς λοιπὰς, se ab aliis segregarent. Luc. XII. 9. & seqq. Et dolendum est, multos Christianos etiā nū in ead voragine natat, contra Mat. V. 20. Luc. XVII. 7. Act. XV. 10. Rom. III. 20. seqq. IV. 2. seqq. V. 15. 17. 21. 8. 3. XI. 6. Gal. II. 26. 21. V. 4. Eph. II. 8. Philip. III. 9. Tit. III. seqq. &c.

ARTICULUS XI. DE SACRAMENTIS.

Hic præcipui illorum sunt errores. (1.) quòd V. T. Sacramenta retineant. Circumcidiuntur enim mares post annum nonnum, 10. &c. potissimum verò circa annum, XIII. exemplo Ismaëlis filii Abrahami, ut ait Cotovic. Itiner. pag. 123.

L 2

Sed

Sed quam ad causam utantur circumcisione, non ita inter omnes convenit. Alii enim volunt, hoc fieri in remedium culpæ & peccatū: sed negat hoc Septem - Castr. c. XXI. eo quod de Originali peccato penitus apud eos *IGNORETUR* quid sit, sed solum pro quadam superstitione, scilicet habeatur. Sic & de filiis incircumcisis, quando moriuntur, non solitudine de salute illorum ulla tanguntur. *Ibid.* confer Christoph. Ricerius de moribus Turc. in descript. Arab. pag. 92. Putant ergo Septem - Castr. & alli, propterea præscindi præputium, ne sub illa pellicula in lotionibus aliquid hæreat, adeoque sic lotio reddatur invalida; quem in finem etiam præscindunt ungues, & abradunt capillos. quam anxietatem, vide & in *Judeis* apud Buxtorf. in Synag. Jud. pag. 93. Alii Muhammedanos circumcisionem ex more saltem recepto, apud plurimos in Oriente populos observare volunt: unde nec Prophetam ipsum circumcissum fuisse, nec in Alcorano ea de re quid præceptum, dicit auctor de Heresi Heraclii &c. pag. 13. & Saracenos jam olim circumcisos fuisse, testatur satis clarè Epiphanius hæc. 30. p. m. 133. his verbis: *Quid verò jactat Ebion circumcisionem? quando etiam Idololatra & scelerati Aegyptii circumcissionem habent. Sed & Saraceni, qui & Ismaelita, circumcisionem habent, & Samaritæ, & Idumæi, & Homeritæ Plerique verò ex his non propter legem hoc faciunt, sed temeraria quadam consuetudine. Confer Joseph. l. I. antiq. c. XII. Sic Coptii seu Aegyptii etiam fœmellas circumcidebant, non legis sed honoris causa, ut ait Seid Ben Ali. Item Ethiopes & Colchi. Vid. Horod. in Euterpe. Diodor. Siculus l. 2. & 4. Origenes lib. I. contra Celsum. Ambros. l. 2. de Abrah. Clemens Romanus recogn. l. 8. Bohemus de moribus gentium &c.*

§. 2. Quæ causæ, vel conjunctiones possunt; vel etiam præterea vero non est absolum, quòd hoc solenni ritu.

ritu velint parentes filios suos inaugurare ad publicam *Muhammedanæ* observationem. quemadmodum & in hodiernis *Judeis* simile quid observavit *B. Helvicus in Elench. Jud. 5. q. 2. §. 12.* Nam & tempus convenit, scilicet annus XIII. (præter propter) & causa, quod peccatum originale utrique negantes ante id ætatis homines propriè non peccare dicant, & tum infantes, quid agant, intelligant, & simul fidei professionem (scil. *أشهد أن لا إله إلا الله*) non est Deus, nisi Deus ille, scil. verus, & Muhammed Apostolus ejus) cum rationis usu testentur, ut ait *Sionit. de morib. Orient. pag. 78.* Sic & feminæ eadem verba confitentes, *Musleman* efficiuntur, uti testatur *Barthol. Georgievitz l. 2. de moribus Turcarum:* Non verò patiendò circumcissionem, uti vult *Gabriel Sionita c. 15. descript. Arab.* Fit autem circumcisio magna cum solennitate & lætitiâ, vid. *Georg. loc. cit.* & cum Muhammedes Amurathis III. filius anno superioris seculi 52. d. 28. Maji circumcideretur, inauditam seculo nostro factam fuisse pompæ magnificentiam, in plurimorum exterorum legatorum præsentia, meminit *Bucholzerus ad ann. cit.* Quicquid sit (Nam ignorant ipsi, ut *Septem. Castr. l. c. ait. cum de hoc & quibuscunque aliis, interrogati fuerint scilicet Muhammedani, ne ignorantia eorum notari possit, involvunt sententias, & quodam obscuro modo loquentes, velamen obducunt excusationis &c.)* novimus, circumcissionem in N. T. abrogatam esse, adeò ut Paulus scribat: *si circumcidamini, Christus vobis non proderit. Gal. V. 2. confer. c. IV. 31. VI. 15. &c.* Quod & contra *Æthiopes Christianos* observandum, qui etiamnum circumciduntur: testibus *Chytræo de Eccl. Orient. Phil. Nicol. l. 1. de regno Christi. c. 1. uti & Jacobitæ, & quidem in utroque sexu. Vid. Thom. à Jesu l. 7. pag. 1. cap. 14. De Paschate illorum jam egimus supra art. 7. de Lege. §. 1. Nam*

arietes illos tempore Paschatis mactatos, resurrecturos in extremo iudicio, & intercessuros pro iis, à quibus immolati sunt, & dum Archangelus Gabriel in examinandis ad libram operibus hominum bonis & malis occupatus est, superpondii vicem subituri sunt. Vid. *Joh. And. Confus. Muhammed. pag. 77. (2.) Sacramenta N. T. v. Baptismum & Sacram Coenam divina illa exiguata fidei & remissionis peccatorum (Matth. XXVI. 28. Marc. XVI. 18. Joh. III. 5. Eph. V. 27. Tit. III. 5. I. Sect. III. 20. 21. &c. cum Manicheis, fonte illo Muhammedismi, uti Danaus illos vocat, cumque Mefalianis, aliisque veteribus & recentioribus hæreticis, rejiciunt. (3.) dum alia media à Deo non instituta, pro peccatorum expiatione usurpant, v. gr. varias lotiones, peregrinationes, jejunia, de quibus suprà.*

ARTICULUS XII. DE ECCLESIA.

§. I.

Hic quàm plurimas itidem fovent abominaciones. 1. enim varios habent *Monachorum* ordines, qui castitatis vota voverant. Horum *alii* nudi incedunt, summæque in sanctitatis opinione sunt, eò quod humanâ veluti naturâ exuti, adversus quamlibet frigoris & caloris vim *ἀπαθείς* sint; adeò, ut in rei periculum nonnunquam corpus flammis & ferro offerant, si vera sunt, quæ de illis feruntur. *Alii* cibi & potus abstinentiâ venerabiles sunt. *Alii* silentio; quod ne rumpant, loca frequentata hominibus fugiunt. *Alii* voluntaria paupertate & rerum mundanarum contentu: *Alii* alio sponte suscepto vitæ genere superstitioso, cultum Dei simulant. Unde hi maximè inter se differunt; (1.) *Vestitu*, dum *alii* hoc, *alii* illo genere vestium utuntur. (2.) *habi-*

(1) *habitatione*, urbes alii, alii *cœnobia*, alia sepulchra san-
ctorū. alii *eremum* malunt. (3.) *Officiis*. Alii, v. gr. religionis
causā peregrinantes hospitio excipiunt: *Alia* aquam fon-
tanam obviantibus ultro offerunt. &c. Vid. *Septem. Castr.*
ca. 14. *Enustin. cap. 36.* *Mich. Baudiez l. 3. histor. Turc. Gallicè.*
Hospin. l. 1. de Monach. cap. ult. &c. Non tales ordines
habet Paulus *I. Cor. XII. 23.* *Eph. IV. 11.* *Tit. III.*
5. Confer. *Num. XV. 39, 40.* *Deut. XII. 32.* *Matt. XV. 9.*
Col. II. 23. *Rom. XII. 23.* *Eph. II. 8.* *Heb. X. 25.* *Gal. VI. 10.* *Secun-*
do, preces suas aliaque sacra linguā Arabica deblaterant,
quorum Turcæ minimam quidem partem (Turcica enim
lingua cum Arabica, prater ductus literarū, nihil fere habet
commune) intelligunt, contra *I. Cor. XIV. 2. 6. 7. seqq.* *Tertio*,
dum ritus vanos, ridiculos, supersticiosos, è medio genti-
lismo & Judaismo petitos, in Ecclesiis suis ut meritorios
adhibent, contra monitum Apostoli: *In Ecclesiis scil. πύρα*
ἐν ταῖς ἐκκλησίαις καὶ τὰς τὰς ἡρώδης, I. Cor. XIV. 40. Et huc perti-
net *Ludus* ille *Examach*, in quo mirandā quādam & haud
facile imitabili velocitate corpus suum ad modos in festi-
vitate quadam sua, *Machia*, ita circumgyrant, ut tandem
vertigine correpti, proni decident. Vid. *Sept. Castr. cap. 14.*
Huc pertinet & supersticiosa illa lapidum projectio in sacra pe-
grinatione *Maccham*: Jubentur enim sub iis membris, quæ
viri sumus, lapillos retrorsum jacere. Quod quidam in ho-
norem *Mercurii*, quidam in *Veneris* fieri volunt. Vid. *Seldenus de Diis Syr. c. 4. pag. 285.* *Hott. hist. Or. p. 135. seq. Buxtorf. Lex.*
Talmud. in voce מרקורים, Auctor de heres. Heraclii, pag. 14.
Hornb. in summa contr. &c. Hæc Sacra servavit ex gentilismo
Muhammedes, addito commento. Satanam eo ipso fuga-
ri. Unde & is propterea *المرجيم* Satan maledictus; propriè
lapidibus percussus, *מרגים* enim utrumque significat. Quam
enim

enim rem veteres summè execrari volebant, ei lapides impingebant. Unde in atrocissimis sceleribus lapidatio tio adhibebatur. Quænam autem illa sint, enumerat *Schind. in Lex. ad hanc Rad. pag. mihi 1694.* In medio quoque templo Mechano est lapis, Veneris effigiem habens, *Brachthan* dictus, & is olim ab Ethnicis cultus. hunc itidem iubentur Muhammedani osculari, quòd olim cœlitus è Paradiso delapsus, totam urbem fulgore suo collustrarit, nunc ob hominum peccata amissò, quòdque Abrahamus cum Hagarè super eo sit congressus, camelumque ad eundem alligarit filium sacrificaturus, *Vid. Seldenus, aliquè suprà citati.*

ARTICULUS XIII.

DE MAGISTRATU POLITICO.

§. I.

PRæcipui illorum hîc errores sunt (1.) quòd Imperatores se constituunt summum caput in Ecclesia, adeò, ut qui in odio illorum diem obeant, non habeant, quod de salute sua sperent. Hinc non solum Muhammedes & reliqui Chalifæ ipsimet plurima munera Ecclesiastica administrarunt, sed etiamnum Otomannidæ se *Principes Mundi* appellant, ob curam scilicet, quam gerunt in rebus divinis. Hinc clamant ad eum: אֲרוֹנוֹ אֹרֵר הַשְׁמַאֲלִים וְנוֹהֵר תִּירְתָּנוּ הָרַמְנוּיִר פֶּכֶךְ *Domine noster, Lux Ismaelitarum, & lumen legis nostræ, ostende nobis fulgorem vultus tui &c.* Qui tandem post multam pompam, conscenso suggesto ligneo, legem hinc narrat, victimas & benedictionem impertit &c. *Vid. It in Benjamin. 63. & seqq.* Ubi pluribus hujus Capitis Ecclesiæ pompam & fastum describit. (2.) Quod homines ad fidem suam cogendos docet. *Vid. suprà part. 1. c. 2.* Hinc, ut refert Richardus c. 10. refut. leg. Muham. Quando ad doctrinam conveniunt, ut Saracenorum magister doceat; is qui debet proponere

nere verbum, primum NUDANS ENSEM, nudum in manu detinet, in quantum (id est, quamdiu) docet, vel ponit ad terrorem in quodam eminenti loco. Hinc frequenter instigat in Alcorano ad bella pro religione gerenda, singulis ferre Suratis; & qui hoc modo in prelio ceciderint, eos rectà in cælum evolare credunt. Gothof. in *Σεχοντολογία Cosmica*. Busbeq. Epist. 3. legat. Turc. &c. (3.) Usuras omnes sine discrimine à Republica lege sustulit. Hinc Sur. *الدیب پاک-وزن* *الربوا يقومون* *آلا كما يقوم الزم* *يخططه* *الاستبطان* Qui lucrantur fœnus, non resurgunt, nisi sicut resurgit, quem corripuit Satanas. &c. Vid. Salmas. tom. 1. de usur. pag. 91. 95. 673.

ARTICULUS XIV. DE CONJUGIO.

§. 1.

NOTUS est illorum error (1.) quòd veterem illum multorum populorum Orientalium morem, plures sc. ducendi simul uxores, lege firmârit. v. g. Sur. XII. dicit Pseudo-Propheta: *Ducite vobis, quotquot placuerit, uxores, e. gr. tres, duas, quatuor: si autem veremini, vos non ita justam omnium curam habere posse, ducite saltem unicam, aut quam acquisivit dextra vestra, id est, bello captam, captivam. ita enim h. l. reddendum existimo; secus ac Latinus. Observant hanc legem, si quam, Muhammedani! Legislator enim ipse uxores XIX. habuit; Walid Imp. LXIII. Elmacin. p. 63. Sultan Amurat, præter pellices, LXXII. Hornbeck. S. C. pag. 162. Imò, à Bajazethe majore usque ad Sulciman nullus Imperator justam habuit uxorem, sed concubinas, Busbeq. itin. Const. 46. quæ tamen alias, à legitimis uxoribus nihil ferè*

M

diffe-

differunt, quàm dote, & imperio. Vid. Excell. Dn. Joh. And. Bosius, Hystor. in hac Jenensi P. P. Celeb. in Discur. Academico de Imperio Turcico, thes. 19. De Judeis, ait Josephus, l. 17. antiq. cap. 2. πατριὴν οὐ ταυτὴν πλείων ἢ μὴ συνάγειν. Contra Gen. II. 24. Malac. II. 14, 15. Matth. XIX. 19. &c. (2.) Quod ita ductas pro lubitu, καὶ πᾶσαν δὴλᾶν (sic & olim Pharisei docebant Matt. XIX.) dimitti posse asserat. Surat. 3. 9. 75. &c. contra loca jam cit., quibus adde Rom. VII. 7.

ARTICULUS XV. DE PRECIBUS ET INVOCATIONE.

§. I.

DE tempore illorum orandi, Septem-Castr. cap. XIII. hunc in modum scribit: *Quinque vicibus in die, quinque ad hanc deputatis horis & temporibus, oratio perficitur. Tempus PRIMÆ orationis est ortus Solis, non computando horam, sed accipiendo tempus grosso modo: eò, quod ipsi nullam artem habent computandi, sed solum instinctu naturali de tempore judicant. (Conf. Busbeq. in Itin. Constantinop. p. m. 34.) Ista ergo Oratio prima per quatuor Erket & duo Czalamat perficitur. Erket est geminata inclinatio, cum totidem prostrationibus: Czalamat autem est ipsa secreta oratio, quam facit sedendo post quodlibet Erket, cum salutatione à dextris & sinistris, & impresione pacis, quam utraque manu in faciem obducendo facit. Tempus SECUNDÆ Orationis est circa meridiem, quæ decem Erket & quatuor Czalamat continet. TERTIA Oratio in declinatione Solis tempore vespertino fit, & ipsa Octo Erket & quatuor Czalamat habet, &c. QUARTA oratio quinque Erket & tria Czalamat continens, tempus circa occasum Solis sibi vendicat. QUINTA & ultima reliquarum prolixior, quindecim Erket & octo Czalamat habet, & post cœnam tardiori hora celebratur. Prima oratio eorū lingua DAGNAGNIAS dicitur.*

dicitur, secunda ORLENANIAS, tertia KINDINANIAS,
 quarta ACHSAMNANIAS, quinta JACZINANIAS,
 conf. Georgeritz. l. 2. Sionit. de mor. Or. cap. 15. à Judeis & hoc
 est. hi enim Abrahamum trium temporum orandi faciunt
 autorem. Muhammedes verò magis pius esse voluit; vici-
 busque antiquis apposuit duas. Confer Lud. de Dieu ad Act. III.
 1. Non improbamus statum orandi tempus, quippe quo &
 sanctos olim usos novimus. Vid. Psal. LV. 18. CIX. 147. seqq.
 Dan. VI. 10. Act. VI. 1. X. 9. &c. Sed necessitatem servanda-
 rum horarum harum canonicarum improbamus; qua vel
 in mare dejectus potius temporis Canonici, quàm vitæ
 rationem habere, vel mulier in partu, tantisper caput in-
 fantis alio reclinare tenetur, donec demensum hoc pre-
 cum absolvat. Meritum insuper improbamus: quo Deo pre-
 ces numero admetiuntur, ut deblateratis ita iisdem ad sua
 rosaria, h. m. ingredi promereantur hortum paradisi, &c.

ARTICULUS XVI. DE MORTE.

§. 1.

DE novissimis, uti vocant, vasta se aperit mendaciorum
 regio. Nobis in ea non arbores singulas, sed sylvas tan-
 tum ostendere animus est. Itaque de morte (1.) eorum er-
 ror est, quòd peculiarem huic præficient Angelum, quem
 illi ملاك الموت vocant, id est, Angelum mortis; crebra-
 que ejus fit mentio, ut Surat. XXVI. XLII. &c. Hicque ri-
 diculè fingitur Moyse per pomum è Paradiso allatum, ani-
 mam extraxisse. Vid. Doctr. Mach. pag. 194. Hoc verò unde
 mutuati sint, obscurum non est. Judæi enim similia fabulan-
 tur. Nomen itaque ipsum ductum esse videtur ex Prov. XVI.
 14. quem Aben Ezra, R. Salomon & R. Levi de Angelo
 mortis accipiunt, exponuntque: ira Regis est, instar (per el-
 lipsin ע"פ similitudinis, uti & alibi I. Sam. XV. 23. Prov. XI. 22.)

M 2

Ange-

Angelorum mortis. להסיר האדם מדרך חיים אל דרך המות. Ube-
 rius verò Angelum mortis describit כות ישראל pag. 256.
 h. m. אמרו עליו על מלאך המות שכלו מלא עינים ובשעת
 פתרתו של אדם עומד מעל מראשותיו וחרכו שלופה בידו ושפה
 של מרח תלויה כיון שראה אותה החולה מורעור יפותח את
 פיו וזורק טיפת של מרה לתוך פיו ממנה מת ממנה מוריקור
 id est, *Dixerunt de Angelo mortis: quod*
rotus sit oculus, & cum quis in agone est constitutus, stet ad cervicale
agroti, stricto gladio, unde gutta fellis dependet. Simul ac vero e-
grotus videt ipsum, trepidat aperit quos suum, in quod guttam il-
lam insillat. à qua gutta alter moritur, fit facidus, & pallescit.
 Confer ורה מסכת עבודה c. i. Sicque explicant illud *Exod.*
XI. 7. לא יחרץ כלב לשנו. *Non movit canis linguam suam.* Nam,
 ut est in l. חסורים num. 12. 45. seq. כשהכרים רואין מלאך המות
 canes cum vident Angelum mortis, fleant. Qui canum
 ante funera ululatus, nec quibusdam superstitiosis aniculis
 probatur esse de nihilo. Arabibus vocatur Adriel: Hebræis
 סמאל Vid. Buxt. Lex. Tal. Rad. סמאל. More
Neruch. l. 2. c. 30. &c. In Paraphrasi Chaldaica רופא à silen-
 do, *Psal. LXXIX. 49. & CXL.* Et in lib. *Tobia cap. III. 8. 20.*
 אשמוך à quodammodo à perdendo. Plura de hoc commento vi-
 de, si placet, ap. *Lud. Ver. lib. sæpius citato de Ver. Fid. Chr.*
 pag. 476. & seqq.

§. 2. Ab hoc Angelo mortis non solum animas extra-
 hi è corporibus in hoc seculo fabulantur, sed & illas ipsas
 in extremo iudicio ab eodem interimendas nugantur, a-
 deò, ut præter Deum nullum detur vivens. in lib. cit. Doct.
 Machom. contra *Eccles. XII. 7 I Cor. XV. 25. 32. seqq. I. Pet.*
IV. 19. Apocal. XXI. 4. &c. Hocverò allevisse nugatori vi-
 detur Arabiana hæresis, de qua *Esebius lib. VI. hist. Eccles.*
 c. 36. hunc in modum: *ὅτι ἀνθρωπίνων ψυχὰς τὸς αἰῶνα*
ἐνέει

ἐνεστῶτα χερσὶν ἅμα τῇ τελευτῇ συναποθνήσκειν τοῖς σώμασι, καὶ
συνδιαφθεῖσθαι. Αὐτοῖς δὲ ποτε χεῖρ ἢ ἡ ἀναστάσεως χεῖρ ἐν αὐτοῖς
διαβιῶσθαι. à quibus non longe abeunt hac in parte Socini-
ani. Vid. Socin. in Epist. pag. 489. ad Joh. Volkel. Smalc. exam. cent.
error. pag. 33. l. i. de error. Arian. c. 14. pag. 147.

§. 3. Valdè quoque sibi metuunt à supplicio quodam, seu,
cruciatu sepulchrali. Postquam enim homo demortuus est, di-
eunt; animam tantisper in corpus (sic & Judæi intra an-
num post hominis è vivis excessum animam non deferere
corpus, sed subinde ad illud reverti, potentiaque aliorum
Spirituum posse adigi, ut idipsum rursus induat, fabulosi
nugantur. Vid. Menasse de resurrect. l. 2. c. 6. & Buxtorf. Syn.
Jud. pag. 436.) revocari, ut coram duobus Angelis nigris,
Mungir scilicet & Quarequir, fidei & observati per vitam Is-
lam admirationem reddat. Quam ob causam etiam sepulchra
sua concava faciunt, ut se in pedes erigere, & stare coram
his examinadoribus possint, reverentiamque illis exhibere,
ut refert Bush. Epist. Leg. Turc. p. 83. Nugantur v., quòd si
hominem nimium, dum in vivis esset, aut ignorasse aut
violasse legem Muhammedis deprehenderint, eorum tum
alter, qui clavâ armatus, miserum peccatorem uno ictu
ita percussurus sit, ut is sub terram, septem cubitos detru-
datur; alter verò Angelorum, qui uncinum aut harpago-
nem gestat, suo hoc instrumento, ita percussum magis ma-
gisque approximaturus sit ad inferos. Ita somniant hi in-
fideles. unde didicerint, nec est dubium. Nam idem malum
metuunt & Judæi, quod illi חבש הקבר percussione[m] sepulchra-
lem vocant: hoc peculiari precationis formula, quæ est in-
ter ברכות Benschen / amoliri nimium quàm solliciti sunt!
Vid. Buxtorf. in Lex. Tal. in R. חבש & in Synag. Jud. pag. 437.
Addunt verò: quòd si examinandus hic inquisitoribus istis
probeatur, alii ipsi dentur Angeli dno custodes, sed albi, ru-

relaria veluti aumina & Genii loci defuncto affuturi, ad extremum usque iudicium; à capite unus, alter à pedib9. Scriptura refellit ejusmodi vanitates. *Eccles. XI. 3. XII. 6. 7. 14. Luc. XVI. 22. 23. XXIII. 43. Heb. IX. 27. Apocal. XIV. 13. &c.*

§. 4. Aliud adhuc superest illis supplicium, sed infernale; in purgatorio scilicet luendum. Ad quem Alcorani secum hac in parte consensum provocant etiam frequenter Pontificii, uti Bellarminus l. 1. de purgat. c. 11. Salmeron tom. 14. pag. 225. Belonius lib. 3. observ. c. 30. &c. imprimis verò ad Sur. 46. ubi Arabem qui ita habet: *اليوم نختم عاب آفولادهم ونكنا آيد بهم ونشهد أرجلهم بها كالذوا يكسرون. ولو ذنباو لطمسنا عاب أعينهم قاسنتهم واإصراط فاسناب يدهمرون*

Latinus hunc medium transtulit: *hodie* (loquetur sic, juxta Muhammedem, Deus ad impios in extremo iudicio) *vos* *bis ora vestra sigillabo, manusque nostrae vobiscum sequentur, & pedes erunt testes operum vestrorum. si vellemus oculos vestros clauderemus, ne PURGATORIUM IGNEM* transeundum videretis. Verùm dictio *إصراط* Pontem quidem in inferno, per quem hominibus transeundum sit, denotat juxta Giggeum in Lexico: à *صراط* *cribravit*, quod in eo homines qui cito ab igne infernali liberantur, cribrentur veluti & secernantur ab iis, qui ulterius ibi adhuc scelerum suorum poenas persolvent: attamen, an hoc loco ita reddenda sit, valde dubito. Significat enim *صراط* aliàs idque multo frequentius, *viam, semitam, callem*, ut verb. grat. in *فاتحة الكتاب* in apertione Libri, (quæ & *الكتاب* *mater libri*, item *سورة* *laudis* *الكنز* *thesauri* *الهدى* *precatationum* dicuntur quia cottidie illam Suratam loco precis recitant, estque primum Alorani caput) dicitur: *اهدنا الصراط مستقيما* *deduc nos viam rectam*. Unde sensus hujus loci hic esse potest:

Nos

Nos illorum (impiorum) ora obturabimus, (ut non possint respondere ad unum ex mille, ut Jobus ait, cap. IX. 3.) manus enim illorum propriæ loquentur contra illos, & pedes illorum testimonium exhibebunt illorum machinationibus. Nam & nos si voluissimus, jam dudum oculos illorum cæcitate (justo judicio) percussissemus, ut rectâ viâ relicta, nescivissent, quorsum pedem movissent. &c. Verum quia ex Septem-Castr. c. XXI. allisque satis notum est, Muhammedanos purgatoriū admittere, nolumus hanc responsione uti. Non tamen dicimus, ex naturali lumine, omnibus hominibus communi, haussisse hanc opinionem de purgatorio Muhammedanos, ut vult Cardinalis loc. cit. sed à Judæis, ut pleraque cætera sua omnia deliria. Hi enim homines in bonos, malos, & בינוניים seu intermedios distinguunt, ut notum est: & his quidem postremis scorias peccatorum in purgatorio amburendas esse fabulantur, Vid. B. Helvicus Elench. Judaicorum V. thes. 35. seqq. Hornb. de convincendis Judæis. Contrà Scriptura nescit ejusmodi Benonjim, sed genus humanum ἀποτόμους dividit in duo genera, credentes scilicet & incredulos. Prov. XI. 7. Ex. XIX. 24. XXXIII. 13. Dan. XII. 12. Marc. XVI. 15. 16. Joh. III. 18. V. 24. seqq. Rom. IX. 14. &c.

§. 5. Super hoc arenoso dolosoque fundamento, pro liberandis ex hac præsentissima (ut sibi imaginantur) tortura suorum animabus, varias extruxerunt satisfactiones. Hinc frequentissimæ sunt pro defunctis orationes, uti Elmacin in Hist. Sarac. singulis ferè paginis testatur. Quas ordinariè quidem pro quolibet quinque fundunt; pro Adamo autem, utpote generis humani parente, nonaginta quinque à Setho dictas garriunt. Stipem insuper & Eleemosynas clargiuntur, non solum pauperibus, sed etiam bestiis. Hinc manumittunt è caveis aviculas; solito quodam tempore pascunt in aqua pisces, in aëre volucres, &c. Vid.

&c. Vid. *Johann. Ulrichum Wallich/in de Relig. Turc. Tr. Germ.*
p. 55. seqq. Et quis potest omnes illorum superstitiones enu-
 merare? Imprimis autem sibi ipsis cavent, ut, antequam
 è vita, prius ære exeant (si quod habent) alieno; ne scilicet
 in purgatorio solvant animâ, quod hic quierût pecuniâ. un-
 de summo opere allaborant, ut Chirographam à creditoribus
 suis (saltem vel furto) recipiant, quam possunt (si Diis
 placet!) in soluti nominis testimonium apud inferos exhi-
 bere. Fabulæ! Diversum enim ex superius allatis Scri-
 pturæ dictis liquidò patet.

§. 6. Nec verò solum preces faciunt pro defunctis,
 sed etiam ad eosdem. Nam est quidam Divorum apud
 Turcas principalis, *Sedi Chasi* nomine, qui — *casu succur-*
rit in omni : hunc frequenter invocant, maximè in bello
 & in præliis. Alius est *Hatschipettesch* dictus, qui pere-
 grinantibus auxiliari creditur; alius *Afchikpassa*, qui amo-
 ribus, rebusque matrimonia concernentibus. Alius *Van-*
passa vel *Alirvanpassa*, qui discordantibus patrocinium præ-
 bet; *Scheychpassa* verò, conturbatis solatium. *Goy v. vel*
Mirtschin, itemque *Bartschumpassa*, — *Curant & oves, ovium-*
que Magistros : *Chidirelles a. itinera &c.* Vid. *Septem- Castr. cap.*
XV. Enust. cap. 39. Hinc & ad illorum sepulcra peregrina-
 tiones instituunt, ibique preces efficaciores, quàm alibi,
 censent. Vid. *Breidenb. in peregrinatione sua, cap. 3. Lönicerus*
in Chron. Turc. l. 2. cap. 14. Zvinger. in Theatr. pag. 31. 41. 577.
Ludov. Rom. in navigat. l. 3. cap. 17. Tevet. Cosmograph. l. 6. c. 5. &c.
 aliosque. Contra *Deut. VI. 13. Job. XIV. 21. Psal. L. 15. Ec-*
cles. IX. 9. Es. XLII. 8. XLIX. II. LXIII. 16. Matth. IV. 10.
Joh. IV. 21. 23. I. Tim. II. 5. 8. &c.

ARTI-

ARTICULUS XVII.
DE RESURRECTIONE MORTUORUM
ET EXTREMO JUDICIO.

§. I.

Hic rursus nungendum agit Muhammedes maximum!
Et primo quidem quoad ordinem & modum hujus pro-
cessus: cuius summa ex Theologia Muhammed. hæc est. In
extremo die mandabit Deus Angelo mortis, ut omne animatum in-
terficiat, sc. homines, aves, pisces, &c. Quo facto jubebitur &
Angelus mortis semetipsum interficere: alii itaque suis involutus
exequetur id tanto quidem boatu, ut vel eo ipso mugitu virgentia
extinguerentur, si jam superessent. Stabit tum mundus vacuus per
40. annos. Tum prodibit Deus, strageque hæc creaturarum veluti
exultans, dicet: ubi nunc principes, & reges & potentes seculi?
Mox excitato Seraphieli tradet tubam 500. annorum itinera lon-
gam, addito mandato, ut descendat Hierosolymam, validissime-
que clangat. Ad hunc sonitum in omnem terram ad sua queque
corpora anime evolabunt, congregabuntur que sic ossa. Iterum
Archangelo post 40. annos sonante induent ossa carnem &
nervos; uti rursus post alios 40. annos, subibunt completa sua
corpora ipse anime. Tum ignis accensus ab occidente, omnem crea-
turam Hierosolymam coget. Quo facto, ignis ipse quidem cessabit:
homines vero per 40. annos in sudore suo natabunt. Miseriarum
denique pertecti, Adamum primum, deinde Noachum, mox Abra-
hamum, post Moysen, denique Jesum Mariæ Filium accedent, ut pro
se apud Deum intercedant: miseriarum faciat finem, & quid de his
decernat, tandem exprimat. Repulsi ab his, indignitate vel sua
vel ipsorum, ad Muhammedem ultimo (unicam jam spem super-
stitem) confugient. Hic tandem, suffragante Gabriele, fidissimo
N suo

suo in aula Dei Patrono, à Deo obtinebit, ut ponte super infernum factò, apponantur statera, ad quas bona & mala opera eorum ponderentur. Hic aderunt non solum advocati, Moses, Christus, &c. quilibet pro suis: verum etiam arietes tempore Paschatos mactati, aves felesque olim pastæ, &c. in bonorum operum lancem ascendent, ne altera, in qua mala opera sunt, huic in qua bona sunt, præponderet. Imo, charta olim è terra in honorem Dei & Muhammedis sublata, pedibus illorum per ferream, eandemque igne candentem cratem ituris, derepente substerneretur. Vid. *suprà* part. 2. c. j. *contro. v.* 3. §. 1. & part. 3. art. 10. Damnatìs dabitur charta seu tabula damnatoria in sinistram, faciesque tota denigrabitur: Bonis absolutoria in dextram. Confer Sur. 79. &c. Et ita hic homines fabulis dementat! Ali-
ter *Matth. XXV. 34. seqq. Joh. V. 28. 29. I. Cor. XV. 51. seqq. S. Theff. IV. 15. 17. Phil. III. 21. &c.*

§. 2. Inter hæc tamen fabularum nebulas, non obscure se produnt splendentia Judæorum caterorumque mendacia. Nam (1.) quod de gemina resurrectione, unusque ab altera distantia nugatur, originem habere videtur ex *Chiliasistica* opinione (quæ natales suos Talmud debet, vid. *Sanhed. Cocc. pag. 246. 391.* & autorem *claris Apoc. p. 273.* mansitque veluti genethlium signum aliquod semper aliqua ex parte in domo illorum, qui Judaica Sacra postliminio reducta voluerunt. Vid. *Exseeb. l. 3. histor. Eccl. cap. 38. l. 7. c. 24. 25. August. ad Quodvult. bar. 8. l. 20. de Civit. Dei cap. 7. Niceph. l. 3. cap. 14.* Etiam in *Anabaptistis* & *Rosencreuzianis* hoc & superiori seculo. Vid. *Melanchthon in disp. de furor. & deliriis Anabapt. tom. Vviteb. Latin. Chytræus in cap. 20. Apoc. Sleidanus l. 10. comment. de reform. &c.* de terreno regno Messia, vid. *Clariss. Pokock. miscell. pag. 276.*
Expres-

Expresse autem meminit secundæ resurrectionis *Aben Ezra* ad *Dan.* 12. 2. Quod autem animas interficiendas prius dicit videtur affricum ei aliqua ex parte esse ex *Arabiana* hæresi. Vid. *suprà* art. 16. §. 2. Confer *August.* ad *Quodvult.* de hæres.

§. 3. Similiter (2) quod credunt Arabes, *Ossiculum* quoddam superesse ad interiorē dorsipartem, juxta os sacrum, quod illi (عظام) vocant (vid. *Goli.* in *Lex. Pocok.* miscell. pag. 255. *Ecchell. hist. Arab.* cap. 19.) quod omnis corruptionis sit expers, primæque resurrectionis materia: Eadem de hoc ossiculo credunt & *Judæi*, licet sub alio nomine. illi enim illud ipsum (אבן) vocant. Vid. *Targ. Jerus.* cant. 8. 5. *R. Salomo Jarchi* ad *Gen.* 47. 29. *Buxtorf.* in *Lex. Talm.* pag. 1127. *Camera-*rius *Oper. Succisv.* part. I. c. 12. p. m. &c. Contra *Gen.* III. 19. *Ecles.* XII. 7.

§. 4. Resurrectionem mortuorum (4) in Syria, idque *Hierosolymis*, uti ex citata *Theol. Mach. seu Colloq. cum Abdia* *Judeo* patet, itemque iudicium extremum ibidem fore, credunt *Muhammedani*. Unde dixit *Iba Abbas*: Qui dubitat conventum (ultimi *Judicii*) futurum in Syria, is legat hunc versiculum: (وَمِنْكُمْ مَنْ يَخْشَى اللَّهَ مِنْ عِبَادِهِ) Et fuit prima (*Judæorum*) expulsio vel *persecutio* in Syriam. Dixit enim eis (*Judæis*) *Propheta*, scilic. *Muhammed*: Exite, Rogarunt: Quo? Respondit: ad terram conventus seu congregationis. Congregabuntur enim creature die resurrectionis in Syria. Vid. *Hott.* hist. Or. p. 214. unde hoc desumptum sit, *Phaëthon* tis quadrigis non opus est. Notum enim *Judæorum* pariter *גלות המתים* seu *גלות המתות* id est, revolutio mortuorum seu *cavernarum*: in qua mortuos extra terram *Canaan* per penitissimos terræ meatus in eandem revolvi debere credunt, ibique tandem resurrecturos fore. Unde hujus mali (neque enim sine dolore fit, prout volunt) præcavendi

N 2

causa,

causa, vivi adhuc eò se conferre cōsueverunt. Vid. *Buxt. Lex. Talm.* p. 438. *seqq. Hornb. de convinc. Jud.* Quin etiam plurimis aliis hodieque idem sentiendi (puta de habendo Iudicio extremo circa Ierosolyma) Locus *Joel. III. 7.* impositus, indeque frequenter ad *vallem Josaphat* appellari solet. Contra *Dan. XII. 5.* *Matth. XXIV. 31.* *Job. V. 28.* *I. Theff. IV. 15.* *seqq. Apoc. XX. 13.*

§. 5. (4.) De forma & statura incolarum Paradisi, incit. *Theol. Mach.* hunc in modum ait: *Perfecti omnes in statura quidem Adæ, in forma verò Jesu Christi, nunquam incrementum aut detrimentum aliquod patientes.* Hic verò ex eorum sententia quid hausisse videtur, qui ex *Eph. IV. 13.* *Phil. III. 21.* omnium resuscitatorum corpora ad instar corporis Christi resurrectione existimant. Verum Apostolus iis in locis non de resurrectione hominum è mortuis: sed in priori quidem de spirituali eorundem incremento in fide & charitate; in posteriori v. de transfiguratione, non formæ, d. gloriæ loquitur, ut patet. *D. Augustino* & aliis placet sententia, quòd unusquisque recepturus sit mensuram corporis, quam vel habuit in juventute; etiamsi senex abiit; vel habiturus fuerat, si ante esset defunctus. Nobis hæc: quemque in resurrectione eam staturam formamque recepturum, quam hinc reliquit abiens. Vid. *Job. XIX. 25.* *seqq. Matth. XXII. 30.* *Apoc. XI. 18.* *XIX. 5.* *XX. 12.*

ARTICULUS XIIII. DE INFERNO.

§. I.

Quemadmodum de extremo iudicio, non nisi ad modum actûs alicujus forensis, homo hic mundanus, suos docuit: ita eadē chorda in executione similiter ejusdē, non nisi mundanus loquitur. Infernum enim ut — *tristes sine sole domos, loca turbida* — (quemadmodum *Ethnici* suat

tartara) describit, seu, ut carcerem aliquem squalidissimum. Solum enim facit sulphureum, crebra pice confutum. Facit ibi puteos profundissimos. facit lacus, ut Virgilius, aliique Acheronta:

Turbidus hic cæno, vastoque voragine gurgēs

Æstuat, atque omnem Coccyto eructat arenam.

imò & arbores, quarum fructibus vescantur damnati; quo quidem cibo, acerbius excogitari possit nihil. vid. Theol. Muhammed: Dividit Plutonis hanc aniam, quemadmodum & Judæi, in septem cellulas, & quæ sunt hujus generis alia. (2) Ex hoc tandem cruciatu cum Origenianis & aliis Liberatōribus, de quibus vid. *Aug. ad Quodv. de hæresibus*, Angelis & hominibus vanam spem facit, ut post aliquod tempus eripiantur. Vid. & supra art. 2. §. 4. Hinc absurda non minus quàm ridicula fabula narratur in *cit. Theol. Muh.* de liberato quodam ab inferno, qui cum in aërio fonte ab Angelis jussu DEI lavatus nigram adhuc in fronte maculam ex pice inferni retinuisse, inter cæteros cœlites obambulans tantâ verecundiâ suffusus sit, ut mallet inferno potius reddi, quàm conjectum oculorum pati, quibus à cæteris indignus adhuc & immaturus huic honori destinabatur: jussu itaque adhuc quinquies la vi, ignominia simul cum macula tandem demitur. Nos, æternos scimus inferni fore cruciatus, nec ullam inde liberationem. vid. Dan. XII. 2.

Marc. IX. 43 Joh. V. 28. 29. Epist. Jud. vers. 7. &c.

Quod & contra Socinianos observandum.

ARTICULUS XIX. DE VITA ÆTERNA.

§. 1.

Hic sanè impostor optimè potuit scenæ inservire, & ad ingenium suorum Arabum se accommodare. Summam itaque hominis beatitudinem, ultimum finem seu vitam æternam constituit in voluptatibus corporis: cibi, potus & Veneris: quibus rebus sciebat Arabes imprimis, præ cæteris mortalibus, velle libenter esse affines. Cujus belluini dogmatis saniores inter illos, uti olim Abu Ali Ibn Sin (vulgo qui nunc corruptè, Avicenna dicitur) l. 9. Metaph. c. 7. & h. t. Ahmed Persam, puduit. Unde & alii quidam recentiorum, legislatorem suum excusatum volunt, quasi is parabolicè (quemadmodum & Prophetæ & Apostoli nostri nonnunquam) per res mundanas spirituales voluerit adumbrare. Verùm non hanc fuisse Muhammedis mentem, nec omnium quoque cæterorum ejus asseclarum, tum multa alia probant, tum imprimis quòd tam propriè & clarè locutus sit, ut ejusmodi parabolica explicatio hic locum habeat nullum. De Scriptura Sacra alia est res. Ean. se in aliis locis satis rotundè explicat: quod hic seductor non facit.

§. 2. Hinc audies apud ipsum: يُطَافُوا عَلَيْهِمْ مَذَافٍ
مِنْ أَرْبَابٍ وَكَوَابٍ وَتُجَاهٍ لَافِئَةٍ وَتَلَقَّ
أَعْيُنُهُمْ وَأَتَنَّمُ فِيهَا خَالِدُونَ
circumferentur in eos (beatos in Paradiso) PATINÆ ex
AUR0, & PHIALÆ, in quibus ERIT, quicquid animæ concu-
piverint: dulces erunt FONTES, vosque perpetuò ibi vivetis.
Sur. 53. & passim Paradisum ipsum describit ut aulam alicujus principis, ubi ad luxum & splendorem omnia instructissima sint. Hinc audies apud illum, ut quondam in Bœoti-
cis

ticis Tempe, aut hortis Adonidis, esse v. g. jucundissimas
 arbores, quæ hominibus, in otio & lascivia sub iisdem re-
 cubantibus, opacam umbram dulcesque fructus præbeant.
 Hic scaturientes fontes: hinc oberrantes rivos, nunc
 melle, nunc lacte, nunc vino. Palatium ipsum in
 septem veluti concamerationes distinguit; in argenteam,
 auream, gemmeam, smaragdinam, adamantinam, quas
 excipiunt sexta è carbunculis, & septima è luce divina. Et
 ex hocce palatio seu Paradiso Adamum olim expulsam
 volunt, Muhammedemque huc fuisse & *ἐξνοστήν*, ad le-
 gem petendam. Quamquam nec in posteriori hoc omnes
 convenient: nam alii legem ipsam cælitus demissam vo-
 lunt. Hujus Paradisi portas olim interdum noctuque patuif-
 se dicunt: nunc autem postquam deprehensum est, Diabolo
 illuc clanculum subrepere, & consilia Dei expiscari, appen-
 sas esse foribus seras; quarum claves in thesauro Dei asser-
 ventur. Lucidissimam insuper stellam præ portis appositam,
 quæ continuas agat excubias. Intus verò, fabulantur, viros
 aureis sericisque & omnis generis pretiosissimis vestibus
 amictos, ornatosque aureis annulis, gemmis, coronis &c.
 super auro ostroque decumbere, exquisitissimisque cibo-
 rum missibus suffarciri, vinoque (quod tamen hinc inter-
 dictum erat) ad utramque usque aurem repleri. Et ne quid
 voluptati desit, addi apparatus epularum, jus quoque fami-
 liaritatis. Virgines enim ab æterno à Deo ad hanc rem
 conditas ajunt, tantæ majestatis, ut si una noctu in terris
 appareret, totum aera collustraret; si verò in mare despue-
 ret, omnem mari salledinem interciperet, &c. Hujusmo-
 di suaviludia unde desumpta sint, longâ conjecturâ non opus
 est; ex *Chiliasmo*, sc., quem B. Hieron. in Ezech. l. ii. rectè
 appellat *fabulam*, ex *Judaicis fabulis confectam*. Nam quid illi
 de.


de regno & convivio Messiae garriant, notum est. Vid. Buxt.
Syn. Jud. pag. 456. seqq. Cæterum ne quis cum Foreo in Ma-
nuali Luther. pag. 384. & seqq. fortè calumniatur, nos quoque
cum Muhammede, hac in parte sentire, meritò opponi-
mus errori illi dicta Gen. XV. 1. Es. LXIV. 4. Matth. XXII.
30. Luc. XX. 36. Rom. XIV. 17. I. Cor. II. 9.


Tibi verò, DEUS Clementissime, PATER, FI-
LI, & SPIRITUS SANCTE, ex intimis cordis
nostri penetralibus, quantas & mente concipe-
re & ore proferre possumus, gratias agimus ma-
ximas, quòd nos in hisce stupendis tenebris, tam
horrendis Satanae præstigiis nasci non volueris;
salvifica sed cognitione JESU imbui, ejusque san-
guine à peccatorum sordibus ablui. Quot ibi
myriades infantum nascuntur! quot millia ho-
minum sine vera fide moriuntur! Distamus nos
ab illis, non naturâ, non meritò nostrò, sed gra-
tiâ Tuâ. Et Arabes erant peculium Tuum olim,
gens Tibi dilecta: Da misericors PATER, n:
communione culpæ communionem cum iis
incurramus pœnæ, vel nos, vel posterì nostri,
propter eundem JESUM CHRISTUM,
Salvatorem nostrum!

AMEN.

أَللّهُمَّ يَا يسوع المسيح أَلْحَمْدُ وَالْمَجْدُ وَالسُّبْحُ مَع
أَبِ ابْنِ الْإِلَهِ ابْنِ الْإِلَهِ ابْنِ الْإِلَهِ آمِينَ *

F I N I S.





005647151

